

D.
IOSEPHI

FERNANDEZ DE RETES.

I. C. HONTIBE-
RIENSIS, SALMANT. PP.
ANTEC.

DE DONATIONIB.
INTER VIRVM, ET VXOR.
LIBER SINGVLARIS.

Ad Studiosos, sectatoresq;
suos Salmantinos.

CVM DNI. CHANCELLARII PERMISSV.

Salmant. Ex Officina ANTONII à COSSIO,
Typographi Vniuersitatis.

D.
IOSEPHI

FRANCKES DE REYES.

I. C. HONTIBE.

RIENSIS, SALMANT. PP.

ANTEC.

DE DONATIONIB.

INTER VIRVM, ET VXOR.

LIBER SINGVLARIS.

Ab studii lectoribus

huic Salmantinos.

CVM DNI. CANCELLARII PERMISSV.

Salmant. Ex Officina ANTONII & COSIO.

Typographi Universitatis.

ILLVSTRIS, ET PEREGREGII D.D. AN-
 tonij Velez Ladron de Gueuara, Excellentissi-
 simæ Domus de Onate filij, Calatrauensis Equi-
 tis, Commendatarij de Habanilla, Vniuersitatis
 pridem Rectoris amplissimi, desideratissimi;
 nunc verò Maioris Nobilissimi Collegij Con-
 chensis acclamatissimi Togati, indole, Genio,
 ingenio, eloquentiâ felicissimi Professoris,
 Auctoris Studiosi, & quondam Illu-
 strissimi Sæctatoris.

CENSURA EX DNI CHANCEL-
larij delegatione.



YSSV KLARISSIMI
 D.D.D. Matthie de Rada,
 Equitis Calatrauensis Peril-
 lustris Alma Vniuersitatis
 Chancellarij, hoc opus lu-
 stravi, cui titulus de Donat.
 inter vir. & vxor. cui au-
 thor Klarissimus I. C. D. D.
 D. Iosephus Fernandez de
 Rites. Magnum quidem
 opus, ab Authore, & mase-
 ris; ab illo quid ultra; an-
 thor materiam superat, is sa-
 que difficilis, vltro clarior,

tanto superbit interprete. Subitò nunc clarescit, sponteque sua,
 que hucusque latuit, magno præceptoris nostri nomine, & numine
 reucla pater. Ideò alterius adumbratis pigmentis fucata, aut defe-
 cata, vt meliori inuari illustrata naturalē nonque fucosum
 fortiretur nitorē. Sicilimentum compellare faxit tractationē,
 quo ab alijs male secta operosus sciluit; vt ita fructuosiore m red-
 deret

Cic. de
 claris O-
 ratocib;

Vatro de:
Re raltica
libr. 1.
ca. 29.

Lipſius:
inſtitut.
epiſt. c. 7

Quint.
lib. 4. in-
ſtit. c. 2.

Gellius:
lib. 1. c. 6.

Plin lib.
2. epiſt. 3

Sidona.
lib. 1. E-
piſt. 4.

deret campum, quem dum colimus Iurisprudenciam ſectantes, pruden-
dentio, iurisque alumnum colimus ſectatores. Ceſſet igitur liuidori-
um latratum muſſitatio, que ſi laudat, alterius proſuſos com-
mentarios, dum tollit noſtro per venuſtam docendi, dicendique ele-
gantiam in conciliſione eo magis extollit ingenium. Nam, vt
comprore tenues veſte ſe, dilatāt, ſic qui ingenij, aut ſapientie
inopes diſfundunt ſe in verbis. Noſter autem in eo ponit breuitatem,
non vt minus, ſed ne plus dicat, quam oportet. Et quod laudabilis eſt ad
umbilicum uſque tractatum dicit: Ergo teneat, aut terreat eos, quod
coram canoro Cygno, rauco Anſere delectantur. Sed quomodo me
impulit ſectatoris affectus? Aliter Cenſor loqui debet, aliter Rhetor.
Agnoni enim penē puer, & adhuc cum adoleui miratus ſum inſi-
gnem virtem, ornatiſſimi cœtus apicem, rem litterariam ſcriptis ſuis
augentem, & ornantem (teſtantur præclara opera.) Statim omnia,
ac penē pariter ad manum habet, ſenſus reconditi, occurrant
verba, ſed qualia? quaſi ta, & exulta, multa lectio in-
lubitis, multa ſcriptio elucet, proœmiatur aptè, narrat apertè,
pugnat acriter, colligit fortiter, ornat excelsè. Si autē in ſolemni
purpura ex ſuggeſu dicentem audias, I. C. nodos ſoluentè,
argutiasque ſubtiliter inquirentem ad miror. Si forenſium
rerum cauſas aſſiduo molimine tractantè aſpicias, nihil eſt
arduum, aut anceps, quod ſolentiſſimo huic viro non committatur.
O terque quaterque beatum præceptorem, de cuius culmine datur
amicis læticia, liuidis poena, poſteris gloria: tum præterea
vegetis, & alacribus exemplum, deſidibus, & pigris incitamentum,
& tamen ſi qui ſunt, qui te quocumque animo deinceps æmulabantur,
ſibi forſitam, ſi te conſequantur, debeant, tibi debebunt proculdubio,
quod ſequantur. Magnum iterum hoc opus aureo prælo, & præ-
miolo dignum cenſeo. Sic bona fide teſtor ex Muſeo noſtro Salmatino.

D. Antonius Velez. Ladron de Guenara

DE

Cic. de
Orator.
lib. 1.



DE DONATIONIBVS
INTER VIRVM, ET VXOREM.
LIBER SINGVLARIS AD
STVDIOS. SALM.



ON IMMERITO INVTILIS, ET
frustraneus labor hic noster videbitur
his, qui de eo censeant, si propositi no-
stri expertes sint. Cum cernant iusto vo-
lumine materiam hanc formis cussam, &
acri disputatione discussam per quatuor
libros à Scipione Gentili in Syntagmate,
quod publicauit sub hoc ipso titulo. Pri-

dem verò tentatam à Didáco de Segura duobus ferè ab
hinc sæculis Antecessore nostro *in solenni repetitione ad l. 1.
§. Si vir 4. de acquir. possess.* Ioanne Lopezio de Palacios Ru-
bios *in repetitione rubricæ huius tit.* Et ad mores, praximque
hodiernam traductam à doctissimo patre Thoma Sanchez
Lib. 6. de matrimo. à princip. Quod equidem fateor, &
avidos lectores ad eos delego, à quibus absolutissimam
haurient huius tractatus cognitionem. Sed cum viderim,
Iulium Clarum, Franciscum Hormanum, Henricum Bo-
cerum, Hieronymum Treutlerum, Antonium Gomezium
sub. 2. tomo variar. cap. 4. aliosque multos, qui de donatio-
nibus scripserunt, manum etiam ad hanc articulum porre-
xisse, vel explicantes, vel leuiter attingentes eum, prout
vniuersa disputationis telam ordiantur, idem mihi inuen-
xi, vel imperavi ex quo aggressus fui Sæctoribus meis di-

21
ctare vniuersam de donationibus materiam hoc anno; qua
absolvi, indulgente Deo, per totum Octimestre vique ad
pervigilium ipsum nativitatæ Præcursoris, quo maiores
Professores ab assiduis lectionibus feriamur ex alnæ Aca-
demix statuto. Prælegi sollennibus diebus de donatione
in communi; & in particulari, inspectâ eius essentia ex ter-
minis rationis naturalis; postea de forma donationi datâ
tam ex iure communi, quam ex Regio; deindè de forma
datâ ab ipsis partibus, veluti de modalibus, in diem, con-
ditionalibus, & causa mortis factis; item de inutilibus
donationibus ab ipsarum natura, & à iure positivo. Fera-
tis lectionibus docui vtilem, nec cognitu facilem mate-
riam de donationibus ante, & propter nuptias, quæ solent
accedere, aut consequi matrimonium. Et ecce superest de
donationibus inter nobilissima portio, quam labor octome-
stris non capit: quâ carere studiosos meos non sustinui.
Scio, & compertum habeo, tanti facere doctrinam meam
hanc nobilissimam, & mihi charissimam iuventutem, vt
nihil magis eius palato sapiat, quam quod à me conditur,
& conditur. Cui morem gerere debeo, nisi durus sim, &
Abderitanæ plebis pectus habeam. Labor ergo hic, suc-
cisivus, & in supplementum procuratus, huius pietatis res-
pectu; si non laudatus, saltem excusatus erit.

CAPVT I.

De ratione interdictionis huiusmodi donationum.

PHILOSOPHOS ipsos exercuit præfens inve-
stigatio. Plutarchus *problematum Rom.* cap. 7.
Ita inquisivit. Quid est, quod vir ab vxore, vxor
à viro dono aliquid accipere prohibentur? Cui mul-
tiplex præbet responsum. Primum, quia liberalitas petit
summam libertatem; cui opponuntur suasiones, illace-
bre,

bræ, & blanditiæ coniugum, quam à Solone, quem laudat, delumpfit. Solonem ita interpretatur Vlpianus in l. 1. *hoc rit.* ne mutuo amore invicem se coniuges spolient. Secundum. Ne mercenarium fieret amari, & redamari. Placuit hæc ratio Sexto Cæcilio in l. 2. Cæcilius disputavit cum Phavorino Philosopho apud Agell. *lib. 20. noct. Atticar. cap. 1.* Phavorinus audiuit, sedatusque fuit Plutarchum. Ex quo mihi persuadeo, potuisse à Plutarcho rationem hanc delumere. Quam rescripto suo approbavit Antoninus Caracalla in l. 3. *hoc rit.* Multas alias rationes fuisse prodit Iustinianus in l. *ult. vesic. Simplices C. de donat. ante nupt.* Prosequamur nonnullas cum Plutarcho. Ne graue reputent maritos suos gratis amare, si fortè in maritum pecuniæ parcum inciderent: meliùs fuit, vt liberalitas interdiceretur, quam vt auaricia manifestaretur. Latet in hac ratione pondus. Quia si munera interdicta non essent, causarètur vxores de pecunià à viro donata, emisse, quod ab alijs extraneis accepissent. Ideò cum apud Q. Mucium Scauolam venisset in controuersiam, in l. *Q. Mucius § v. hoc tit.* vnde ad mulierem res venerint, putavit honestius existimare ex re mariti pervenisse, quam aliundè. Quod idem Veteres I. Consultos diffinisse tradit Alexander in l. *etiam 6. C. cod. tit. Nam peculij probam nihil habere addeceat clam viro,* vt inquit Plaautus *Cassina* scen. *sequimini,* quem post alios retuli *lib. 5. Opusculor. cap. 1. num. 6.* Addi possunt de hac præsumptione Menoch. *lib. 3. præsumpt. § 1. noster Ferdinandus Arias de Messa lib. 3. varior. cap. 39. num. 16.* Postremam rationem excogitavit Plutarchus in *præceptis conubialibus num. 20.* Quæ iuri Romano non adaptatur, nisi ad vnam speciem matrimonij per coemptionem restringatur, vt dixi *d. cap. 1.* videlicet, quia præstaret, vt per matrimonium statim omnia bona communicarentur inter coniuges. Sic radicibus amputaretur inter eos auaricia. Et hodiè sunt prouinciæ, quæ hanc omnium bonorum societatem admiserunt: Romani verò non receperunt; tantum voluerunt, vt maneret in participatione sacrorum, & vsus rerum, l. 1. *de ritu nuptiar. l. aduersus 4. C. de crimine ex-*

pilata

pilatæ hered. vt notant eruditè Cuiac. ad dict. tit. C. Petrus Greg. lib. 9. Syntagm. cap. 1. in princ. pater Sanchez lib. 2. de matrim. disp. 1. num. 1. & 8. D. Ferdinandus de Mendoza pro confirm. concil. Illiber. Brisson. de ritu nuptiar. pag. mihi 412. Ræuard. lib. 2. coniectan. cap. 10. Lælius Mancinus de triplicis iuris collat. lib. 1. cap. 3. & 9. Non quævis ratio debet in Ciuilibus necessario cōcludere: sed altera per alteram adiuvatur: videndi sunt, qui morosius de istis disputant, Scipio Gentilis in nostro tractatu lib. 1. cap. 5. & 6. Couarrub. 2. part. rub. de testam. num. 31. & in cap. quamvis pactum 2. part. §. 6. num. ult. Costa in cap. si pater. 1. part. verbo legauit. num. 1. Barbosa in l. 2. 2. part. à princ. solut. matrim. alij apud Osuald. ad Donell. lib. 9. cap. 10. litt. R. nostrum Amayam lib. 2. obseruat. cap. 10. à princ.

2. Omnes ista rationes mere politicae sunt; nec vlla ratio naturalis inhihet inter coniuges donationes, ex eo solùm, quod inter coniuges fiant: nam si extortæ per metum sint, non appello eas illicitas, quia inter coniuges; sed libertari naturali contrarias, & naturalitè improbas, l. ult. C. de his que vi l. ult. tit. 4. Part. 5. cum alijs adductis in tractatu principali cap. 3. Igitur donationes, de quibus agimus, sunt iniustæ secundum quid, tantum ob rationem Ciuilem: quæ quidem iuste eas inhihere potuit, quod non negamus: sed nec potest negari, citrà peccatum, & citrà iniustitia non permitti potuisse. Ergo non sunt iniustæ simpliciter; scè iure naturali, vt furtum, mendacium, adulterium. Ergo si iuramento confirmantur, manebunt rata: potest enim seruari iuramentum sine dispendio salutis æternæ, quod inspicitur, cap. cum contingat. de iure iurando. cap. miseris eodem tit. in Sexto. Quam opinionem, vt tutiorem, amplector. post Gutierrez de iuramento confirmator. 1. part. cap. 3. Sanchez de lib. 6. disp. 11 & 13. & relatos ab Ibanez de Faria et Couarrub. lib. 1. cap. 7. num. 64. & nostrum Arias de Media lib. 3. variar. cap. 33. ex num. 10. licet contrarium annuatur periuadere Scipio Gentilis lib. 3. cap. 25.

3. Ius Romanum arripuerunt in hac parte sequentes legislatores. Longobardinii moris causa, non per-

permiserunt inter coniuges regulariter donationes, l. nulli 3. C. de his quæ à marito dantur vel relinquuntur, 1. tomo Codicis legum antiquar. in legib. Longobard. Gregorius IX. Pontifex M. maximusque iuris Ciuilis doctor, eleganti, & copioso laconismo totum tractatum nostrum breui clausulâ comprehendit, & in ius Canonicum traduxit pro terris ditionis Ecclesiæ in cap. vlt. de donat. inter. Alphonsus noster Sapiens, qui inter celebriores Orbis Nomothetas merito refertur a Laurentio BeyerlinK in suo Theatro, verbo *lex, legis lator.* nobis idem ius dedit in l. 4. tit. 4. Part. 5. Alios retulisse curiosum magis sit, quam vtile.

4. Sed ante legem Septempartitam tam ex foro Visigothorum, quam ex Castellano, aliter obseruabatur; tantum vigeat prohibitio intra annum à die nuptiarum, quo magis ferbet amor: ita Recentiundus in l. 5. vulgari, quæ est 6. in Cod. Latino tit. 1. lib. 3. modo propria manu instrumentum conficiatur, & adsint duo, tresve signatores ingenui, quæ forma datur in l. vlt. tit. 2. de donat. lib. 5. eiusdem Cod. Lex verò fori Castellani, quæ est 3. tit. 12. de las donaciones, lib. 3. vitrà lapsum anni requisivit, ne essent donatori filij ex matrimonio suscepti: in tantum, vt si sortiatur filium, filiamve post celebratam donationem, reuocatur vsque ad quintam partem bonorum. Quod de voluntaria societate, & communicatione omnium bonorum inter coniuges cauta, constituitur in l. 6. de las herencias eod. lib. 3. Quod ius tanquam viciens in hac materia, & per consequens tanquam non abrogatum, notari præcipiunt Alfonso de Montaluo in d. l. 3. glossa pue dalo facer. Ioannes Lopez de Palacios Rubios in repetit. rub. §. 54. num. 2. Bernardus Diaz de Lugo lib. singul. reg. & fallentiar. regula 112. Anton. Gomez in l. 50. & seqq. Tauri num. 66. ad finem. Gregor. Lopez in l. 4. tit. 11. Part. 4. glossa son defendidas. Petrus Dueñas regula 221. num. 17. Villadiego in d. l. 6. glossa vn año num. 18. Alij verò sunt, qui notant, non debere obseruari has leges vtriusque fo-

ri, ni de earum vsu doceatur. Sed cum videam, leges Partitarum, quod est ius nostrum commune, posteri ores esse vtroque foro; & per prædictas leges ius Romanum ad vsum praximque reduci: placet magis sententia existimantium, leges illas esse abrogatas: nisi consuetudine contrarium obseruetur, docent Martinez de Olano *in concordia antinomiar. iuris communis, & regij litt. D. num. 70.* Gutierrez 1. parte *de iuram. confirmat. cap. 3. num. 24. & 25.* pater Molina *de iust. & iure tract. 2. disp. 289. versic. Guterius*, pater Sanchez *d. lib. 6. disp. 1. num. 5.* noster Amaya *d. lib. 2. obseruat. cap. 10. num. 1.*

5. De tempore, in quo apud Romanos incæpit prohibitio hæc, non est facile sententiam dicere: inuenimus *in l. 3. hoc. tit.* dixisse provenire interdictionem hæc à maioribus. Qui sint maiores, disputavit Scipio Gentilis *lib. 1. cap. 2.* Sed analogicè, & suboscure. Ego verò sic me expedito. Maiores dicuntur Auctores illi, tam antiqui, tam absoletæ memoriæ; vt eorum nomina tempus obliteraverit, nec certo sciri possit, à quibus initiũ sumpserit iuris constitutio. Servius *ad lib. 3. Georgicorum Virgii* sic ait: *Apud maiores omne mercimonium in permutatione constabat, quod & Caius Homericò firmat exemplo.* Alludit ad controuersiam Scholarum, quæ refertur *in l. 1. §. 1. de contrahenda empt. §. item precium inst. eod. tit.* & sic fortè designat tempora ante num. num. percussum, de quibus egi *lib. 7. Opusculor. cap. 1. à princip.* Sic & Agellius *lib. 2. nocturnæ Atticar. cap. 15.* dixit: *apud antiquissimos Romanorum, neque generi, neque pecunie præstantior honor tribui, quam etati solitus, quod sic extulit Callistratus in l. semper 5. de iure immunitatis. Maiores nostri penè eundem honorem senibus, quam magistratibus tribuebant.* Ecce qui ab Agellio antiquissimi Rom in oru n appellantur, maiores dicuntur à Callistrato. Et in eodem sensu indignæ, auctothones dicuntur à Iuuenali Satyra 13. qui

*Credebant hoc grande nefas, & morte piandum,
Si in venis vetulo non assurrexerat.*

Vt significet primam orbis gentes, non dùm externo-
rum illubie vitiorum conspiratam; vt eandem senten-
tiam animosius exprimeret; talis est Satyro-politicus
Pœta. Nec dissimili, Seneca de consolatione ad *Helviam*
cap. 16. *Maiores decem mensium spatium lugentibus viros dede-
runt*, designat Romulum legis de luctu decemmesi Auctorem,
quod nostris testatissimum est. Scio ergo vetu-
stissimam fuisse interdictionem, & forsàn a Græcis tra-
ductam, ex instituto Solonis. Sed an in duodecim tabu-
las relata fuisset, non audebo affirmare. Planè Proculus
vetus I. Consultus maiores nuncupatim laudat, cum de
hac prohibitione agit in *l. sed vir 3 1. §. quod legaturus 7. hoc tit.*
Moribus acceptam tulerunt Vlpian. in *l. 1. hoc tit.*
Papinian. in *l. si liberis 27. de pactis nupt.* Iure Ciuili im-
probari, docemur in *l. profectitia 5. §. si quis certam 9. de iure
dotium, l. illud 5. §. 1. de pactis dotalib. l. nec inter 4. l. credi-
tor 20. C. hoc tit.* Quæ nec contraria sunt, nec diuersa;
mores quippè nobilissima pars est iuris Ciuilis, §. *constat.*
inst. de iure naturali. Quod docuit Accursius, & post eum
alij in *d. l. 1. & cum multis nostri Valentia lib. 1. illustr.
tract. 2. cap. 7. Amaya lib. 2. obseruat. cap. 10. in princip.*
Quæ de his prolegomenis dixisse sit satis, vt rem aggre-
diamur.

CAPVT II.

*Donatio tantum prohibetur inter virum,
& uxorem.*

HÆC regula etiã sic concipitur: si non
constat, vel nondum constat matrimo-
nium, non est locus huic interdictioni, *l.*
hec ratio 3. §. 1. ff. l. 2. C. hoc tit. notant
Duaren. in paraphrasi ad hunc tit. in princip. Gentil. lib. 1.
cap. 7.

cap. 7. Quæ varias quæstiones involuit. Prima est de tē-
 pore, ex quo dicatur constare matrimonium? Hodie
 quidem facilis, nam incipit à quo instanti præstitus est
 consensus per verba de præsentì coram paroco, & testi-
 bus, licet nondum sequutæ sint ecclesiasticæ nuptiales
 benedictiones, vt docent Sanchez. *d. lib. 6. disp. 1. num. 4.*
 & in communi ad alios effectus Couarrub. *lib. 1. var. cap.*
7. num. 6. versic. quod si confessio dotis recepte. Nuñez de
 Auendaño 2. *tomo responso 10. D. Christophorus de Paz*
ad l. 82. Stylli, & quædam dixi lib. 7. Opusculor. cap. 4. ex
num. 8. Sed apud Romanos varijs contentiõibus agita-
 batur propter multiplices sollemnitates, quæ in celebra-
 dis nuptijs in vsu erant, non in vno, sed in diuersis diebus:
 quarum pars præstationem consensus præcedebat; pars
 verò illam sequebatur. Hinc Scauola in *l. Scia 66. hoc tit.*
 duas quæstiones absoluit, de quibus consultus fuit. Pri-
 ma est, an valeat donatio ante dotales tabulas signatas?
 responditque quanvis de more olim signarentur, quod
 late comprobant Duar. *lib. 1. disput. cap. 30. Annaeus Ro-*
bert. lib. 1. ver. iudicat. cap. 2. non esse de substantia matri-
 monij; ob idque donationes irritas esse, ex quo per verba
 de præsentì consensus datus fuit, quia consensus est, qui
 facit nuptias, *l. cui fuerit 15. de condit. & demonstr. l. nuptias*
30. de reg. iur. & affectio maritalis attenditur, non config-
natio tabularum, l. donationes 31. de donat. Secunda, possi-
 tis ex more Romano diuersis circumstantijs, in idem ten-
 dit. An si vir donauerit virgini iam in hortos deductæ
 (vbi per tres dies commorabatur ante quam ad domum
 mariti, in Vrbe, traduceretur, Cuiacius, & Gothofredus
ad tit. C. de spõsalib. & apud hunc Schalliger, & Costanus) do-
 nauerit autem secundo die, quo pacta, desponsaque erat,
 sed non dum matrimonio copulata; cum adhuc esset in
 separata cella, nec dum à marito ducta; non dum excepta
 in domo mariti lustrali aqua, & igni; an valeat donatio?
 Totus quæstionis cardo vertitur, an celebratū esset tunc
 temporis matrimonium? Respondit Scauola, nondum
 fuisse matrimonium celebratū, valuisseq; per consequens

donationē. Tractatio in domū fiebat post præstitum cō-
sensū de præsentī, qui die tertio præstabatur; non in hor-
tis, neq; in villa, quod lege prohibitū erat. **VXOREM IN
VILLA NEDVCITO.** Quæ exotica nō prosequar, cū à
Philologis exactè examinata sint. Cōsuli possunt *Budæus
in d. l. 66. & ibi Gothofred. Couarr. desponsalib. 1. p. cap. 1.
n. 3. Pichard. in lectur. ad l. Gallus §. 3. n. 168. cultissim⁹ D.
Ramírez de Prado in aureo pentecontarcho cap. 14.* Eadē etiā
cōiecturā Aurelianus Imp. in l. cū te 6. C. de donat. antè nupt.
præsūpsit, donationē factā in domo sponsæ, antè matri-
moniu fieri; factā in domo mariti post sollemnē tractatio-
nē celebratā fuisse post consensū de præsentī præstitū; il-
lam valere, hanc esse inutilē. Hæc intèr se minimè pug-
nant: quia seclusis circūstantijs, siuè in superhabitis sollem-
nitatibus, tantū eò collimant, an constet iam, vel non-
dūm constet matrimonium. Vide Gentilem lib. 4. cap. 1.
2. Ex quo primò inferò, valere donationes intèr spō-
sōs de futuro, l. dotis 7. §. 1. de iure dotiū, l. si spōsus §. in princ.
l. intèr eos 27. hoc tit. l. 1. §. 1. de donat. & multo magis colla-
tas in extraneā, cū qua postea donator matrimoniu cele-
brauit, l. si intèr 24. hoc tit. nisi prætextus fraudi quæsitus
fuit per hoc cōmentū, l. si Gaudētius 6. de contrah. empt. De
virgine immatura ductā, quæstio etiā fuit; & placuit, sub-
stineri donationē, si cōuertuntur nuptiæ in sponsalia, vt
pricis placuit, l. quod vir 5 6. hoc tit. Quod si ex verbis, sol-
lenib. & alijs signis constiterit, in futurū noluisse respice-
re; sed statim voluisse matrimoniu celebrare; quod nullū
est: ex alio capite infirmatur donatio; nō verò ex nostra
interdictione; quia collata fuit in propriā, & extraneā ap-
paruit: quia amor erga propriā causa finalis fuit donatio-
nis, & hæc defecit, quo defecit volūtas, l. cū hic status 32. §.
si minor 27. hoc tit. Nos supponimus, matrimoniu cū virgi-
ne immatura quandoq; habere vim sponsaliū de futuro;
de quæstione verò non disputamus adiri possunt Classi-
ci in l. quæstum 9. de sponsalib. & in cap. 8. de desponsat.
impuber. Cuiac. lib. 11. obseruat. cap. 15. Brisson. de iure

connubior. in princ. Couarrub. desponsalibus 1. part. cap. 3. num. 2. & cap. 5. §. 1. Gregor. in l. 6. tit. 1. Partit. 4. cum alijs Gutierrez lib. 1. canonicar. qq. cap. 18.

3. Secundo infero donationem collatam in uxorem putativam nullius momenti esse; non quidem ex nostra interdictione, quæ non militat, ubi non est matrimonium, *l. 2. lisi ex voluntate 7. C. hoc tit.* Sed quia prius est, ut sit donatio, quam ut queratur, an valeat talis donatio. Ubi non est suppositum, non est qualitas. In hoc casu non est suppositum donationis. Ergo non potest queri de eius valore. Non est donatio, ubi liberalis voluntas deficit; hæc vero deficit, quoties erratur in causa finali propter quam donatio fit. Causa finalis aliquando respicit personam; aliquando statum: qui donat coniugi, nisi coniux esset, & ob honorem matrimonij non donaret. Ergo si appareat non coniux, ex defectu voluntatis deficit donatio, & sic iure communi deficit, non ex nostra, speciali prohibitione. Cuius doctrinæ effectus notabilis est, non confirmari huiusmodi donationem per mortem donatoris, ut confirmantur, quæ prohibentur hac speciali interdictione. Quia rescriptum tantum confirmat validas iure communi, invalidas propter matrimonium; non vero eas, quæ mero iure inutiles sunt, *l. cū hic status 3. 2. §. si quis sponsam, hoc tit. sic intelligendo*, docet cum iudicio Costa *in cap. si pater 1. part. verbo uxorem num. 18.* addendi sunt Sanchez *d. lib. 6. disput. 2. num. 2. Gentil. lib. 4. cap. 2.*

4. De illicito matrimonio magis involuta questio est; quam quibusdam propositis regulis explicabo. Primo tamen suppono cum Brissonio *de iure connub.* & alijs eiusdem instituti Auctoribus. Alia matrimonia esse **INCESTA**, veluti inter consanguineos, & ab uxorato contracta. Alia **illicita**, **CONTRA LEGES**, veluti ne Senator ducat libertinam, & similes: **CONTRA SENATUS-CONSULTA**, veluti ne tutor ducat pupiliam, **CONTRA MANDATA PRINCIPVM**, veluti ne

Præ-

Præses, Præfectusve cūcat vxorem ex prouincia, in qua administrat. Magis contrā naturam peccat, qui contrahit incestum matrimonium, quam illicitum. Et in hac re videbitis, clarissimi studiosi, magis puniri, qui contrahit illicitum, quam incestum: quod solet vos turbare: sed abs re: qui à vbi est peccandi maior promptitudo, durior pœna infligitur ad deterrendos homines: & frequentius peccatur contrā legum politicarum interdicta; quā contrā fœdus sanguinis, contrā fas ab ipso Naturæ lumine proueniens. Tale illud, quod in apologetico aduersus Gentes tradit Tertullianus: maiore formidine, & callidore timiditate Cæsarem obseruatis, quam ipsum de Olympo Iouem. Citius denique apud vos per omnes Deos, quam per vnum Genium Cæsaris peieratur. Impietas hæc est, vt recte censuit Auctor historiæ pontificiæ Iurisdictionis, qui fortè latet sub larua Michaelis Roussel lib. 6. cap. 1. num. 11. Sed legislatorum sollertix certam regulam asserere non possumus; qualis apud Horatium illa lib. 1. sermonum Satyra 3.

Adsit

*Regula peccatis, quæ pœnas irroget equas:
Nec scutica digna, horribili sectere flagello.*

Sæpius enim in exemplum, quam in punitionem statuuntur, l. perspicendum 11. l. capitalium 28. §. famulos de pœnis. Dirisi neque puniuntur in ius constitutum peccans, ne alijs peccandi præbeat occasionem. Videndus noster Marquez lib. 1. sui Gubernator. cap. 26. à princ. ne immoremur extra rem.

5. Sit ergo PRIMA REGVLA. Donationes ante nuptias factæ, vel ipso constante matrimonio inter eos, qui illud incestuose contraxerunt; tanquam ab indignis auferuntur, quomodocunque fiant, siue ex causa dotis, siue ex causa liberalitatis inter viuos, siue in testamento, l. qui contrā 4. C. de incest. nupt. l. 51. tit. 14. Partita 5. Hæc regula loquitur de matrimonio. Igitur si animo contrahendi incestum matrimoniam, antequam contrahatur, spe futuræ affinitatis; donatio facta sit, nec ipsa, nec

dos

dos data fit caduca: quia non tam incestus causa interces-
sit, quam nulla, cum matrimonium sequutum non sit, *l.*
ult. de condict. sine causa, ubi docemur in hac hypothese re-
peti datum quasi causa non sequuta. Dixi *lib. 2. Opuscul.*
sect. 2. cap. 9. ex num. 6. Sed cum loquatur de matrimonio,
quaritur vtrum accipienda sit regula de consumato, an
derato? Gregor. *in d. l. 51. verbo cassando* quae est *Glossa*
1. post Baldum docet satis probabile esse de consumato
esse accipiendam. Ergo si consummatum non sit, cum
in tractatu ipso matrimonij ex parte vtriusque turpitude
verberetur, potior conditio erit possidentis, *l. ubi autem 3.*
de condict. ob turpem causam. Quam opinionem sustineo,
quia non delinquit, qui in dubijs contra Fiscum respon-
det, *l. non puto 10. de iure fisci*, cuius nunquam bona causa
est, nisi sub malo Principe, vt ad Traianum dixit Plinius.

6. *Secunda regula.* Si contra leges, matrimoniū,
vel sponsalia contracta sint, veluti à Senatore cum liber-
tina, à tutore cum pupilla, donatum siuè ante matrimo-
nium, siuè eo iam contracto, id est siuè inter sponso, si-
uè inter coniuges, tanquam ab indignis auferitur, & fisco
applicatur, *l. cum hic status 32. §. ult. hoc. tit. Quem* tex-
tum de contrahentibus scienter merito accipiant Bris-
son. *de iure connubior. pag. mihi 272. Gentil. lib. 4. cap. 3.* &
post Veteres, & nonnullos Pragmaticos pater Thomas
Sanchez *d. lib. 7. disput. 2. num 8.* Cuius tamèn decisio ge-
neralis est, neque ex ea constat, aperte saltē, an loquatur
de marito tantum, an etiam de vxore? loqui verò de ma-
rito tantum, & non de vxore apertius suadetur *ex l. si vo-*
luntate 7. C. hoc tit. l. tutor 7. C. de interdicto matrim. inter
vxor. & pupill. in quibus donata ab vxore marito, non
retinentur à marito indigno, sed repetuntur ab vxore,
eui paritur, tanquam deceptae, cum donauit. Quam dif-
ferentia n vidit egregius Cujacius *lib. 1. disinit. Papin. in*
l. prefectus 63. de ritu nuptiar. Hæc valde debent affigi
memoriae. Donata à marito vxori, vel sponsae pupillae,
vel à Praefide marito prouinciali vxori, auferuntur à fis-
co:

co: relicta in testamento à marito, virgini, id est teneræ ætatis, non auferuntur tanquam ab indignis. Quia vt capiant, præsumuntur deceptæ à maritis, imò adactæ ad contrahendum tutoria potestate, vel ratione potentatus, *l. Prefectus 63. de ritu nupt. l. ult. de legat. 1. l. 2. §. 1. de his, quib. vt indignis, vt obseruauit Cujac. lib. cap. 16. à quo Gentilis, & alij: Liberaliores leges sunt erga vltimas voluntates, quam circà donationes inter viuos. Quia in donationibus duplex prohibitio est, altera ob matrimonium, altera ob illicitum matrimonium: si matrimoniū non esset illicitum, non valeret donatio, non cederet lucro vxoris: si ergò illicitum est, fisco applicatur. In testamento verò sola prohibitio est propter illicitum matrimonium; ideò vbi est ratio parcendi vxori, capit. Sed vbi non militat ratio parcendi, semper verum est, fisco eripi; nec quidquam capi posse ob illicitum matrimonium, *l. Claudius 13. l. mulierem 14. de his, quib. vt indign. l. unica. Vnde vir, & vxor. De dote data ab vxore marito, eadem censura est; fit caduca, si contra interdicta legum contractum sit matrimonium, adeò vt & fructus restituat fisco; impensas verò retineat, quas retinere posset contra vxorem ipsam, si de dote ageret, *l. incesta 52. l. dote 61. de ritu nupt. Sed virgini prouinciali, & pupillæ parçitur, vt dotem à se datam repetant, d. l. Prefectus 63. d. l. tutor 7. nouella 12. cap. 1. vbi Cujac. columna 2. Brisson. de iure connubior. pag. 247. Gentilis dicto cap. 3.***

7 TERTIA REGVLA, quæ ad vtrumque casum incesti, & illiciti matrimonij refertur, est: quando donatum traditum non est, sed promissum; olim per stipulationem, hodiè nudà voluntate, *l. si quis argentum 35. §. penult. C. de donat.* tenendumque est, promissum ex causa donationis ob incestas nuptias, vel ob illicitas; fisco non auferri; sed inefficacem esse ipsam promissionem. Vno verbo, promissio non transit à donatario in fiscum, vt transit dominiū rei donatæ, & traditæ. Obligatio non confiscatur, vt cōfiscatur res, *l. ca*

quæ 5. C. de donation. ante nupt. quæ repetitur in l. cum qui
18. C. ad leg. Iuliam de adulter.

8. Denique in hac parte disputant Auctores, an prædictæ regulæ retinendæ sint, siue donatariâ incestum vel illicitum esse matrimonium scierit, siue ignorauerit? Cinus, Iacobus de Rayenîs, & Sallicetus, quos sequuntur Ioannes Sichardus in d. l. ea quæ 5. num. 4. & Gentilis d. cap. 3. nullam distinctionem admittunt propter ignorantiam donatarij. Per contrarium Costa in cap. si pater 1. part. verbo uxorem num. 6. Sanchez d. lib. 6. disp. 2. num. 5. & 6. cum alijs antiquioribus, quos referunt, censent condonandum esse iustæ ignorantia conugis donatarij, vt donata ipsi non auferantur, quantumvis coniux donator nouerit impedimentum, & malâ fide contraxerit matrimonium. Neutra opinio decisa est expressè iure communi; nisi me fallit lectio locorum, quæ supra refuli, vel alia sint, in quæ non incidi. Quarè huic postremæ procliuor sum, vt ad quietem etiam secundû ius commune. Quæ in praxi debet obtinere, cum apud Nos sanciat in l. 50. tit. 14. Part. 5. in qua & in leg. seq. plenissimè extat totus hic tractatus.

9. Quarto infero, non esse prohibitas donationes in concubinas collatas; solas enim castus, vehemensque amor vxorius cohibendus fuit, non hic impurus, qui nec amor est, nec concubinatu conuictos adigit, l. si prædia 58. in princ. & §. 1. hoc tit. l. affectionis 5. l. donationes 31. de donationib; faciunt text. in l. qui concubinam 29. l. uxorem 41. §. concubina, l. item legato 49. §. 1. & 2. de legat. 3. Et quia olim matrimonium solo vsu copulatum à concubinatu tantùm distabat animi destinatione, l. concubina 4. de concubin. multotiesque quæ habebatur in concubinatu, transibat in matrimonium, quia incipiebat maritali affectu tractari, vt Cassonia Caligulae, de qua Sueton. in eius vita cap. 25. Id circò Papinianus in d. l. donationes 31. de donatione quærens tantùm investigat coniecturalitèr, an sit concubina, vel vxor. Idem Seuerus
Im-

Imperator inquit in l. 3. §. 1. versic. *Divus hoc tit.* in casu donationis factæ libertæ Pontij Paulini Senatoris, quâ affectione vxoris tractatam non fuisse comperit, & valere donationem decidit. Et Vlp. in l. *cum hic status* 32. si mulier 13. hoc eod. tit. vbi ex affectione reputat coniuges etiã seorsim habitantes, ob idque non valere donationem respondit. In summa quæstio est coniecturalis, an sit concubina, vel iusta vxor: dicendumque est, si sit iusta vxor, non valere donationem, si sit concubina, valere. Non est nostrum investigare, quibus notis discernatur vxor à concubina, pro quarum cognitione adeundi sunt *Cujac. lib. 12. RR. Papin. in d. l. donationes* 31. Franciscus Hotmanus *illustr. qq. cap. 25. & lib. 5. obseruat. cap. 6.* Antonius Frater *de ritu nupt. cap. 22.* Brisson. *eod. tract. pag. mihi* 316. Conanus *lib. 8. commentar. cap. 13.* Anton. Faber *in Papinian. tit. 9. princip. 5. Illat. 3.* Merill. *lib. 1. prior. obseruat. cap. 16.* Quos, & alios sedulò collegit pridem, & forsã in primo iuuentutis flore Illustrissimus D. magnus Præceptor meus D. Ramos *in schediasmate de concubinis*, quod mihi authographum reliquit Italiam proficiscens, & postmodum digessit & publicauit, in triaque capita diuisit, *sub lib. 3. ex cap. 38.* noster D. Ferdinandus Arias de Mesa, quod testor, quia vtrumque scriptum contuli. Videndus etiam est Scipio Gentil. *lib. 1. cap. 8. huius tract.*

10, In militibus non obseruatur superior distinctio, quibus interdictum fuit focarijs suis donare, l. 2. *C. hoc tit.* Militibus olim vetitum fuit iustas vxores in castra comportare, de qua re dixi *lib. 5. opusculor. cap. 2. num. 9.* Ideo utebantur mulieribus ad vsum culinæ, aut foci, quas coquas, aut focarias appellabant. Quibus propudijs scortis abutebantur ad libidines. Sunt vero rerum suarum incuriosi milites, & in Venerem proni; his mulierculis omnis ars in nequitia, & expilatione; idcirco Imperatores censuerunt militibus suis interdendum esse, quod non fuit necesse prohibere paganis. De

focarijs, & ratione huius interdictionis multa adducunt Gentil. *d. lib. 1. cap. 9.* Guillelmus Forner, *lib. 1. silectio, cap. 11.* Merill. *lib. 2. posterior. obseruat. cap. 34.* Henricus Salmuth *in notis ad memorabilia Panciroli lib. 2. tit. 22.* alijque remissiuè adducti à nostro Arias de Mesia *lib. 3. variar. cap. 40. num. 21. & 22.* Insisto tantum in nota Merilli *d. cap. 34.* quæ ad rem facit. Miles legare non potuit, neque heredem instituere mulierem stuprò cognitam, vel pollutam adulterio, vel eam, in quam turpis suspicio cadere potest, *l. miles ità 41. §. mulier l. de testam. milit. l. mulierem 14. de his quib. vt indiem.* Concubinatus verò non erat turpis coniunctio, sed legibus permessa, *l. 3. §. 1. de concubin.* vbi Gothofred. & Cuiac. *in l. Massurius 144. de verb. sign.* Romanæque leges arcebant milites à Iunone, non à Venere, vt lepidè inquit Lipsius *ad Tacit. lib. 14. annal. annotat. 75.* Ergò circà focariam, vel concubinam quamlibet, turpis suspicio non cadebat. Vnde nusquam legimus interdictum fuisse militibus concubinibus legare, vel eas heredes facere, quanvis donationes inter viuos in concubinas collatæ non valerent, *d. l. 2.* Scio Castrensem, & alios plurimos idem de legatis, ac de donationibus sensisse. Sed hæc doctrina iuri Romano conformis non est.

CAPVT III.

De personis, ad quas extenditur hæc interdiction.

I: **H**ÆC inspectio intricata est, sed parùm difficilis. Primò est notandum, in iure Ciuili patrem, filiumque, qui sub eius est potestate vnã, & eandem personam

nam reputari, *l. ult. de impuber.* Ex qua identitate resultat ius sui heredis, & adquisitio. Et quod magis est, dominus, & servus ad effectum acquisitionis etiam reputantur vna eademque persona, *l. Pamphilo 10. de optione legata*, ibi. *Licet enim manumissione Pamphili duæ personæ constituerentur Titij, & Pamphili &c.* Per hanc regulam metienda est nostra extensio: quod enim prohibitum est donari filio, prohibitum est donari patri; quod prohibitum est donari patri, prohibitum est donari filio: idem infero, *l. si sponsus 3. §. generaliter 2. hoc tit.* De seruo extant exempla in *l. 3. §. si servus 8. l. servus 38. hoc eod. tit.* quæ non indigent accuratâ expositione.

2 De filio hæc exempla componuntur. Nouerca donauit priuigno in potestate mariti sui constituto. Filius in potestate mariti constitutus donauit matri vel nouercæ. Nurus donauit Socero, qui maritum suum in potestate habebat. Socer, qui habebat maritum in potestate, donauit nurui. Frater mariti, cum vterque sub eiusdem patris potestate esset, donauit vxori fratris. Denique Socer, idemque vxoris pater, qui eam in sacris retinebat, donauit confocero, in cuius potestate erat maritus: hi omnes casus eiusdem rationis sunt, in quibus non valet donatio: quia prædictâ identitate suppositâ, censetur facta inter ipsos coniuges. Quæ simplicissîma, & verissîma ratio mihi videtur. Et sic exponuntur textus, in *l. hæc ratio 3. §. qui in eiusdem 2. cum seqq. l. si eum 26. §. 1. l. cum hic status 32. §. oratio 16. cum seqq. hoc tit. l. si ut proponis 5. C. hoc eod. tit.* Ex quo inferitur, vigere prohibitionem, quamuis filius à patre exheredatus sit; quia exhereditatio nec tollit patriam potestatem, nec derogat identitati, *l. mortis 53. hoc tit.* In castrensibus verò, & quasicastrensibus bonis nec ratio, nec prohibitio militat, *l. 3. §. secundum 4. hoc tit.* quia in his filius iure patris censetur *l. lis nulla 4. de iudicijs l. 2. ad Macedon.* Igitur idem erit dicendum de omnibus donationibus rerum, quæ ex iure nouo fugiant paternam acquisitionem; quia in aduentitijs prædictâ identitas

titas nõ consideratur, cū proprietas adquiratur filio.
 3 Per contrarium, vbi ratio potestatis non militat, neque identitatis personarum, non prohibetur donatio. Ideo socrus, eademque vxoris mater, potest genero donare. vel nurui mater mariti, & reliqui per matrem ascendentes. Vitricus potest donare priuigno filio vxoris suæ. Neque habebit locum nostra interdictio, valebitque donatio, nisi alià ratione irritetur, *l. vitricus 60. hoc tit. l. si constante 19. C. hoc tit. l. si te 23. C. hoc eod. rit. l. si mater 12. C. de donat. ante nupt. l. si liqueat 8. §. 1. C. de inofficis. donat. l. velles 6. C. de reuocand. donation. Ex quo apud nos ex *l. 47. Tauri*, quæ est *l. 8. iit. 1. lib. 5. Compilat.* aliud dici debet, quam Romano iure dicebatur; quia filius post matrimonium, sollennesque benedictiones ecclesiasticas, *casado, y velado*, exit à patris potestate; neque amplius consideratur identitas personarum patris, & filij, neque acquisitionis ius: ergò filius vxoratus, poterit matri, vel noueræ donare; & in summa dicenda erunt, quæ inter extraneos dici debent. Hæc ratio identitatis vniuersalior est ad hunc articulum, quam variæ excogitata à Ioanne Lopezio de Palacios Rubios *in repetit. rubric. §. 42. & 43.* Petro Dueñas *regula 221.* patre Sanchez *d. lib. 6. disp. 1. num. 10.* Cujac. *lib. 25. obserbat. cap. 9.* Fabro *lib. 5. coniectur. cap. 17.* qui de eo agunt, latiusque & distinctius Gentilis *lib. 1. cap. 10. & tribus seqq.* Effectus verò in prohibitione donationis inter has personas, idem est, ac in prohibitione inter ipsos coniuges, de quo mox dicam, interim videndi sunt text. *in l. 3. §. sciendum 10. cum seqq. l. si vxor 19. hoc tit.**

CAPVT IV.

*Quid nomine donationis intelligatur
in hoc tractatu?*

I OMNIA, quæ inter virum, & vxorem donationis causà geruntur, nullius momenti sunt,
 l. 3.

l. 3. §. sciendum versic. proinde hoc tit. Igitur quælibet simulata donatio, quilibet actus quæsitus ad prærendam donationem improbatus est. Quam uniuersalem doctrinam multis casibus singularibus adductis illustrant *l. Consulti: & quanuis de singularibus non sit scientia, tamen munus Interpretæ est, enodare, quæ iuris Authores concisè, & suboscure docent.*

2 Per simulatos contractus serpit fraus: & in primis per venditionem, vel emptionem, qui quidem contractus aptissimus est ad fraudes. Bonâ fide, & iusto precio celebratus inter coniuges permittitur *l. quod autem 7. §. si vxor 6. hoc tit.* prohibetur verò, si donationi faciendæ paratur. Aliquando verò nullus est iure cõmuni, iure vulgato, ipso iure; veluti si fiat nullo precio, imaginariò precio, tunc enim nec inter extraneos valeret, nec per consequens confirmatur, quanvis coniux donator decedat perseverans in eadem voluntate. *l. in causâ 16. de minorib. l. in venditione 36. de contrah. empr. l. cum hic status 32. §. idem 25, hoc tit.* Aliquando ex nostra prohibitionè irritatur: veluti quando villiori comparatur res maiori precio digna, *l. vir vxori 17. ad S. C. Vellei. l. si quis donationis 38. de contrah. empr. l. si Gaudentius 6. C. eod. tit. l. cum res 12. de iure dot. l. quod autem 6. §. si vxor 6. l. cum hic status 32. §. sed si minoris 26. hoc tit.* Quo casu idem dicitur, quod de cæteris donationib. prohibitis inter coniuges. Queritur tamen, utrum sic improbetur actus, ut totus contractus nullus sit, an tantum irritetur precij remissio? Sic distinguit Vlpianus in *l. si Sponsus 5. §. circa venditionem 5. hoc tit.* Si maritus non habens animum vendendi, sed donandi, prætexit venditionem, vili factam, ut eo prætextu faceret donationem; totum negotiũ improbatur, cui donandi animus dedit causam. Quod si alioquin venditurus erat, & minori precio vendidit vxori, cui reliquum donare voluit; remissio precij improbatur, manente contractu *d. l. 32. §. sed si minoris 26.* Igitur in hoc casu res vendi-

vendita, & tradita pro parte precij in dominium emptoris transfertur; pro parte manet in dominio venditoris, *l. si vir 31. §. si duo mancipia 3. hoc tit.* in quo docemur, non de quavis deceptione doctrinam hanc intelligendā, sed de considerabili, nam nec inter extraneos qualibet deceptio æstimatur, *d. l. in causs. 16.* iunctā suppositione text. *in l. si vir 12. de præscript. verb.* Similis casus est, quādo non fit remissio precij, sed alicuius accidentis, alicuius circumstantiæ negotij, quæ non pertinet ad eius substantiam: veluti si donationis causā remittatur euictio: inutilis remissio est, *l. sed si vir 31. §. si vir uxori, hoc tit. iunctā l. pacta 72. de contrah. empt.*

3 Simulatur etiā venditio donationis causā, quando coniux, qui suis nummis rem comparauit, nomen coniugis, cui donatum volebat, scribi fecit in instrumento. In hac specie sic distinguimus: si donator procuratorio nomine rem emit coniugi, qui eam sibi comparare volebat: solius præcij donatio est: quod si emit sibi, & suis nummis soluit, vt coniugi donaret, tota emptio improbat, tanquā donationis causā facta, *l. si filij 16. l. creditor 20. C. hoc tit.* Quarum occasione disputant Doctores, quādo res comparata ex pecunia mea, fiat mea, vel eius, qui comparauit, vel cuius nomine comparata fuit? Tempus equidē, & charta deficerent, si agitare vellemus incidentes quæstiones, quibus hic titulus latissimam aperit viam: nos Spartham nostrā adornemus, & omittamus parerga. Videri possunt Gentil. *lib. 1. cap. 16. & 17.* Donellus, & Osuald. *lib. 5. cap. 2. litt. C.* Molina, & Adlentes *lib. 4. de primogen. cap. 4. à num. 20.* Pecc. Barb. *of. 3. part. rub. solut. matrim. à num. 73.* Nogaerol, *allegat 7. à num. 27.* Ex quo concludunt Cass. *in l. si non verum 15. C. hoc tit.* has donationes, vel venditiones fraudulentas non posse parare præiudicium creditoribus, quod manifestum est. Sed exemplum creditoris proponunt in primipilo, & credito primipilari. Primipilus significat in presenti *el. Abastexedor de el. exercito,* qui

qui ex administratione, reliqua fecit, cuius causa omnium favorabilissima est, *l. utilitas 3. l. ult. C. de primilo lib. 12. l. 16. tit. 9. Part. 2.* Cuius notitia obvia est in Lexicis, addendus est Couarrub. *lib. 1. variar. cap. 16. num. 7.* Vbi plurimos adducit Faria *num. 41. & 42.*

4 Succedit contractus locationis. De eo, simulque de deposito extat elegans Papiniani disputatio in *l. vir uxori 52. hoc tit.* Ponamus rem fuisse depositam eo pacto, ut aestimata redderetur viliori precio: depositi contractus substat, pactum vero annullatur propter nostram interdictionem. Ponamus ex diuerso donationis causa, id est hoc solo animo, coniugem locasse rem coniugi viliori precio: totus contractus irritatur, quia contractus totaliter factus fuit ad pretextanda fraudem, ut dixi *num. 2.* Sed cur totus etiam contractus depositi non irritatur, cum quaesitus etiam fuerit in pretextum? Quia pactum illud reddendae aestimationis, in quo consistit donatio, in deposito non attingit substantiale negotij, in locatione vero attingit, & versatur circa substantiam contractus. Aestimationis pactum in deposito, ut pecunia reddatur pro re deposita, est per accidens; quia per se est, ut res ipsa reddatur, *l. 1. §. si rem, l. Lucius 24. l. desponsaliorum 25. §. 1. depositi.* Merces vero est de substantia locationis, *l. naturalis 5. §. at cum do 2. de praescript. verb. iuncta, l. merces 25. locati.* Ergo cum accidentia separari possint a subiecto; & per contrarium essentiae de rebus tolli non possint, ut *cap. ult. tractatus principalis* manet annotatum; consequens est, ut donatio pretexta circa mercedem, in qua essentia locationis consistit, annullat contractum; non vero depositum. Ita sensit Papinianus illis verbis: *quia locatio quidem sine mercede certa contrahi non potest.* Dixit *mercedem certam*, id est iustam, aequam, proportionem seruantem, & regulam, ut Cicero *1. de natura Deorum* dixit: *Stellae cursus certos, & constantes habent*, id est prout merx certa opponitur vili; non vero prout opponitur indeterminata. Hac in re

subtilis notanda est differentia inter coniuges, & extraneos, ad quam non aduertunt Duarenus, Cujac. Gentilis lib. 1. cap. 19. Si inter extraneos fiat locatio mercede determinata interueniente, sed vili, valet contractus, *l. item si precio 22. §. vlt. cum seq. locati*, reliqui enim donatio est, quæ inter extraneos non prohibetur: facta verò locatio inter coniuges vili mercede, non animo contrahendi locationem, sed donandi, & quæ sita in prætextum, tota irritatur; quia versatur circa materiam prohibitam. Illud tamen commune est tam inter coniuges, quam inter extraneos, locationem factam prorsus sine mercede, ad nihil valere, *l. sicut emptio 20. §. 1. l. si quis 46. locati, l. si quis ante 10. de acquir. possess.* Quia deficit in substantia; & quia non habet formam donationis, sed contractus. Ideò nec valet, vt contractus; nec valet, vt donatio.

Succedit contractus commodati iisdem regulis metiendus, ac depositum. Contractus commodati citrà fraudem, simulationemque factus inter coniuges permissus est, vt ceteri contractus, *l. vlt. §. 1. vt legator. nomine caueat*, iunctà *l. Publica 26. depositi*. Si prætextitur ad donationem, improbat, notat Gentil. lib. 1. cap. 18. Fraus potest intervenire in hac specie. Commodat vxor marito seruum, & paciscitur, vt pro seruo commodato, reddatur æstimatio: quod pactum accidentale admittit commodati contractus saluà eius substantia; *l. si vt certo 5. §. & si forte. commod.* hæc æstimatio vilis fuit; nempe cum valeret seruus viginti, æstimatus fuit de cem donationis causa. Ergò pactum æstimationis; in quo versatur donatio, improbat, manente contractu, vt de deposito nuper notabam, *l. quod autem 7. §. si maritus 5. versio. nec aliud ff. l. etiam 6. C. hoc. tit.* Quæ principia non videtur percepisse subtilis Antonius lib. 7. coniectur. cap. 6. Ideò pro illis verbis: *nec aliud in commodato æstimato dato, reposit, in homine dato.* Abs re.

6 Per æstimationem dotis serpit fraus, non minus

minus quā per præcedētes: idēō minori precio facta æstimatio constante matrimonio, per hanc interdictionē irritatur. In qua hypothēsi eadē distinctio seruanda est, quæ valet in venditione. Si principalis animus æstimandi res dotales, fuit donare; totus actus improbat, & res dotales manent, tanquam non æstimatæ, *l. si res 12. de iure dot. d. l. quod autem 7. §. si maritus 5.* Si verō animus principalis fuit res æstimare, & in constitutione precij incidit fraus, & prætextus; vel deceptio: in quantum remittitur, donatio est, & ob id non valet, *d. l. 12. §. 1.* De dolo, aut deceptio ad Nos non spectat. Videndi sunt Cujac. in *l. Eleganter 7. in princ. de dolo*, & *lib. 17. obseruat cap. 1.* & sub nomine Antonij Mercatoris, *lib. 3. cap. 2.* Anton. Fab. *d. lib. 7. cap. 6.* & *decade 8. error. 6.* Petr. Barbof. in *l. æstimatis, num. 22. solut. matrim. Gentil. lib. 1. cap. 18.*

7 Contractus societatis etiam permissus est inter coniuges, vt supponitur in *l. ex diuerso 17. §. 1. solut. matrim. 4. alimenta 16. §. vlt. de aliment. legat.* Quod si donationis causā celebratur societas inter eos, ne dum ex nostra interdictione, sed ex iure communi, & vulgato, nihil agitur. Substantia societatis petit reciprocam communicationem bonorum, aut negotij inter socios: ergo si per donationem, & absque hac communicatione celebratur, deficit in substantia, *l. in causæ 16. de minor. v. societates 5. §. vlt. pro socio, l. Senatus 35. §. si quis societatem 5. de mortis causa donat.* Hactenus idem dicimus de societate, ac de venditione, & locatione sine precio celebratis. Illæ tamē adeo non valent, vt nec in donationem conuertantur: societas verō conuertitur in donationem; valetque vt talis inter extraneos mero iure, & inter coniuges morte confirmatur, *l. cum hic status 32 §. si inter 24. hoc tit.* vbi notat Accurs. expressius quam Gentil. *lib. 1. cap. 15.* Cur tam varie? Quia emptio, & locatio, qui sunt contractus commutatiui, petunt precium pro substantia, & petunt pro forma commutare

rem, vel vsum rei cum pecunia: id circò qui locat, vel vendit; non censetur habere animum donandi: societas verò non semper est contractus commutativus rerum cum rebus: aliquando inter eos celebratur, qui res non conferunt, *l. si non fuerit 29. l. Mucius 30. pro socio.* Ergò cum non sit diuersa forma donationis, & societatis: comunicatio gratuita, & liberalis, quæ non faciat societatem, potest efficere donationem.

§. I.

De remissionibus in fraudem tituli.

8 **A**PERTIOR ad fraudes via est per remissiones, renuntiationes, repudiationes, & subrogationes in ius illius, qui donare vult; de quibus satis expresse, & cum cura agunt I. Consulti. Primus casus proponitur, *in l. si sponsus 5. §. si donationis 6. hoc tit.* si donandi animo coniux, cui per fundum coniugis debebatur seruitus, eà vsus non fuit per constitutum tempus: mero quidem iure extinguitur: non enim inspicimus, ex qua causa non vtitur, sed an vsus non sit, *l. si quis 7. l. si communem 10. cum alijs, quemadmodum seruitutes amittantur.* Dixi ad leg. *Scribon. ex num. 22.* Sed post diuortium condicitur, & de nouo instauratur: id est petitur nouam cõstitui; non repetitur vetus. Extincta enim seruitus non suscitatur, *argum. ex l. inter stipulantem 83. §. Sacram 5. de verb. obligat. l. qui res 98. §. arcam de solut.* Secundus casus extat *in §. seq. eiusdem l. 5.* Si coniux, qui exceptione perpetua tutus erat, aduersus coniugis actionem, cum in iudicio pulsaretur, eam omisit donationis causa, & ob id condemnatus fuit. Sententia quidem valet, sed quantitas eius

eius virtute soluta condicatur: nec de re iudicata queritur, quod non licet, *l. singulis 6. de exceptione rei iudicatae*, sed de illicita, id est de improbatâ donatione, quæ accidit per omissionem exceptionis: quæ est alia causa petendi, in qua rei iudicatæ exceptio non militat, *l. cum queritur 12. cum duab. seqq. cod. tit. Romanus, & eius Ad-ditionator singulari 312. Tiraquell. de retractu lib. 2. §. 1. glossa 2. num. 36. & 37. Auctores de diuersis regul. iuris regula 141. in fine, præcipiunt notari hunc casum, in quo solutum post rem iudicatam iterum repetitur.*

92 Alter casus extat in *l. 3. §. vlt. l. idem 4. l. si quod mihi 56. hoc tit.* In quibus, si quod mihi Titius donare volebat, iussero, vt donet vxori meæ, non valet donatio: siuè donatio mihi facienda esset inter viuos, siuè mortis causâ: in illa, quia res, quæ statim ad me spectaret, transfero quasi ex mea potestate in potestatem vxoris: in hac, quia cum mihi statim tradenda esset, & transferenda in dominium meum, saltem reuocabile, *l. 2. l. senatus 35. §. mortis 4. de mortis causa donation. iussu meo traditur vxori, & sic amitto dominium mihi irrenocabiliter acquirendum, perseverante donatore in eadem voluntate: vel remaneo obiectus conditioni, si donatorem poenituerit donasse, cum iussu meo alij res tradita fuisset. Alia diuersaque species est, quam versat Pomponius in *l. sed si vir 31. §. quod legaturus 7. hoc tit.* Videlicet quando testator volebat legatû relinquere marito, vel eum heredem facere: maritus verò testatorem rogauit, ab eoque precibus impetrauit, vt vxorem institueret. Negauit ex sententia Proculi donationem esse: docuit recte institutam vxorem: nihil posse condicere maritum: neque enim rebus suis spoliatur, quanyis eius occasione locupletetur mulier: non est quippe tractanda hæc res avarè, neq; tanquã inter infestos: sed tanquam inter cõiunctos maxima charitate, & solam inopiam metuentes, *l. si id quod 28. §. si quas 2. hoc tit.* Differentia ratio obvia est:*

est: quia, qui cessit donationi in se conferendæ, amisit dominium, quod proprie est, vt dicamus iam sibi fuisse aduersus acquisitionem breuis manus, quanvis magis absente loquatur Gentil. lib. 1. cap. 36. Sed qui à testatore precibus impetravit, vt non ipsum, sed vxorem institueret, beneficium, & benevolentiam in vxorem contulit, non rem: ille tanquam verus, & proprius donatarius, versus quem solum determinatus erat affectus, iussit suo nomine, & periculo, vt res traderetur donaretur vxori, & sic ipse donauit, l. qui id quod 33. §. si cum primus 3. de donat. Hic rogauit, & vt Horatius ait in arte precebianda adegit testatorem, vt affectum mutaret vxorem versus: quare nisi per nimiam subtilitatem non posset considerari donatio. Ita, aut parum aliter Conanus, & Antonius Gomez apud Sanchez d. lib. 6. disp. 4. num. 2. & post Caldani, Genoa in lib. legum conciliatar. pag. mibi 326. §. seqq. num. 24. Denique notandum est, in d. §. quod legaturus, fuisse suo nomine, & sua causa vxorem institutam, sicut in l. quidam 46. de hered. inst. in qua fiducia liter institutus est amicus, vt alteri commodum hereditatis paretur.

10 Dicamus nunc de repudiatiõibus, quæ ex causa donationis, siue ex animo donandi fiunt. Non est donatio, aut saltẽ non est prohibita donatio, si maritus repudiauerit hereditatem, vt ad vxorem deueniat, vel substitutam, vel gradu proximam, l. si sponsus 5. §. si maritus 13. hoc tit. Verum tamen est, si nisi in gratia, & in necem legatariorum repudietur, potius quam ex liberalitate erga vxorem; possidentem hereditatem tenei illis respondere, l. si quis 4. §. si quis omisa causa testam. notat Gentil. lib. 1. cap. 35. Sic similiter maritus heres institutus, & rogatus vxori restituere hereditatem, vel e contra, vel plurima, & amplissima legata relicta sunt vxori, quæ exhauriant hereditatem: & si quartam Falcidiam non deducat, sed totam hereditatem restituat, vel legata præstet sine diminutione, non censetur donatio

tio quoad hanc interdictionem, *d. l. 5. §. si quis rogatus* 15. quia magis videtur plenum obsequium præstare testatori, quam liberalitatem conferre in fideicommissarium, aut legatarium; licet in hac specie liberalitas ab obsequio fecerni non possit, *l. qui totam 45. ad S. C. Treb. l. patrem 19. que in fraud. credit.* videndi sunt *Cotta in §. ex quid si tantum 5. pant. num. 87. Ripoll. ad l. 1. de condit. et demonstrat. verbo dies certus num. 94. noster D. Nicolaus Antonius de Exilio lib. 2. cap. 11. num. 20. Gentilid. lib. 1. cap. 35.* Non inficiamur, legem Falcidiam ipso iure operari, partem decidere ipso iure, & heredi quasi addicere, *l. lineam 26. ad leg. Falcid. l. 1. §. si quis ex mortis, quor. legator.* Sed hoc est dominium rebocauit, quod confirmatur, si Falcidiâ heres vtatur; vel euanescit, si plenum præbeat obsequium testatori. Quare semper verum est, non censeri alienasse de suo, qui non deducit Falcidiam, & acquirere denuo, qui eam ponit cum legatarijs, de quo myrothecio consuli possunt *Molina lib. 2. de primog. cap. 3. num. 43. Caldas Pereira in l. si curatorem habens verbo Lexis num. 17. Aluarus Valascus consult. 135. num. 19. & 20. Antonius Ganama decis. 118. prope finem, Illustris. Tapia 2. tomo cathena moralis lib. 5. quæst. 15 articulo 5.*

¶ Huic inspectioni affines sunt, & similes aliæ eiusdem tractatus. Veluti debitor qui soluendo non est, repudians hereditatem, vel non deducens Falcidiam, ex quibus bonis fieret locupletior, & magis idoneus satisfaciendo creditoribus, non incidit in edictum fraudatorium: non censetur in fraudem creditorum quidquam alienasse, *l. quod autem 6. l. patrem 19. que in fraudem creditorum, l. non fraudantur 134. de reg. iuris, l. cum quidam 26. de iure fisci.* Tantum enim incidit in hoc edictum, qui alienat; non verò alienat, qui non acquirit; sed qui diminuit patrimonium proprium. Hæc ratio, vt generalior, etiam valet in nostro tractatu: in eo tamen alia est specialior: nempe, quia inter virum, & uxorem subli-

nentur

mentur donationes, quandò donans pauperior non fit, licet donatarius fiat locupletior, *l. ex annuo 15. §. 1. cum duab. seqq. hoc tit. cum verò non fiat pauperior, quam antea erat, qui donandi animo repudiavit hereditatem, vel legatum. Dominium quippè legati, olim per vindicationem relictì, quod acquiritur statim à morte testatoris, *l. legatum 80. de legat. 2. l. à Titio 64. de furt. etiam ignorantì, & amenti, l. cum pater 77. §. Surdo de legat. 2.* Est dominium reuocabile, ferè nullum est ius, nisi per agnitionem comprobetur: repudiatum, nihil ab initio fuisse creditur, *l. si tibi homo 86. §. cum servus de legat. 1.* Verum, & proprium rei legatae dominium non acquiritur, nisi per acceptationem; de quo loquitur Cujac. in *l. filius 16. qui testamenta facere possunt, quem arrepta occasione, liuidè reprehendit Anton. Faber, sed immeritò, lib. 8. coniectur. cap. 19.* Ergò semper verum est dicere, nihil de vero, & proprio dominio diminuerè, qui repudiat legatum. Sed quare tutor non potest repudiare legatum pupillo relictum, *l. magis puto 5. §. fundum 8. de rebus eorum?* Ratio est perspicua; quia tutor ita debet consulere pupillo, vt damna auertat, & lucra non respuat, non reiiciat, *l. 1. in princip. de tutela, & rationib. distrahendi, legatum lucrosum est, l. hereditatem 32. mandati.* Ergò sub potestate tutoris non comprehenditur repudiatio legati, imò ne hereditatis. Hæc ratio est generalis, & omnia legatorum genera comprehendit: cæterum distinguere, inter legatum vindicationis, & damnationis, est minutias captare; neque in iuris rationem intendere; doceat ita, aut parum discrepantes, Antonius Gomez in *l. 50. Tauinum. 66. versic. Quintus, Petrus Faber in l. fraudis 78. de reg. iur. pagina 256. pater Sanchez lib. 6. de matrim. disput. 4. num. 11. & multi, quos sedulo colligit D. Olea lib. de cessione rer. & act. rit. 2. quest. 3. non parulis**

Quæritur quoque, vtrum coniux debitor in diem, qui liberalitèr coniugi representauit pecuniam, faciat donationem prohibitam? Negatiuè resoluit Paulus

Ius in d. l. sed si vir 31. §. quod vir 6. hoc tit. Per contra-
rium in edicto fraudatorio respondetur; interusurium
enim medij temporis a creditoribus reuocatur, quando
in eorum fraudem solutio debiti ante diem fit, l. ait
Prætor 10. §. præterea 22. que in fraud. creditor. Et tamèn
semper verum est, eum qui in diem debet, verè & pro-
priè ante diem esse debitorem, & soluere, quod præcisè
debet, l. in diem 10. cum similib. de condict. indebiti. Quarè
ex hac doctrina non potest deduci huius assertionis ra-
tio, quæ convincat quanvis indè petierit doctissimus
Sanchez, d. lib. 6. disput. 3. num. 10. Recurrendum er-
gò est ad regulam Pauli, in l. si id quod 28. §. si quas 2.
hoc tit. prohibitionem hanc non esse amarè tractan-
dam, neque tanquam inter infestos; sed tanquam in-
ter summo affectu coniuuctos, & solam inopiam me-
tuentes, vt cum iudicio recurrit Gentil. d. lib. 1. cap.
35. In quibus inspectionibus intuendum est, qua de
causâ prohibitio interdicta fit, variatur enim ius ex
ratione, vt latius prosequens docent Donell. & O-
suald. lib 23. cap. vlt. litt. C. Schifordegher. ad Fabr.
lib. 1. tract. 9. quest. 1. & 2. D. Larræa decis. Granat.
35. D. Ferdinandus Arias de Messa, lib. 2. variar.
cap. 41. D. Olea d. tit. 2. quest. 3. & plurimi apud ip-
sos. Proxima quæstio est proximè disputatis, vtrum

ob vxor renuntiare possit lucris constante matri-
monio acquisitis? Sed in his, quæ prag-
matico apparatu indigent, non li-
cet immorari: videri possunt
Sanchez dicto lib. 6. dis-
put. 5. Olea d. quest.
3. ex num. 22.



E §. II.

§. II.

De dote cauta, & restituta ex causa
donationis.

13. **P**RÆTEXTVS hic facilem præbet fraudi occasionem: maritus enim, vel iam maritus, vel futurus, qui amplas donationes vult in vxorem conferre, expeditam habet viam, confitendo, se dotis nomine recepisse ducenta, cum centum sibi numerarētur. Quæ est donatio, & quidem interdicta, siue confessio constante matrimonio fiat, siue ante contractum, spōsaliū tempore, *l. quod sponse 4. C. de donat. ante nupt. l. cū res 12. C. de iure dot. l. cum hic status 32. §. si sponsus 22. hoc tit.* Docent Iohannes Sichelardus in cæteri *in d. l. 4. Sanchez d. lib. 6. disp. 2. num. 6.* Quia idem est facere aliquid in tempore prohibito, ac conferre in tempus prohibitum. De quo axiomate videndi sunt Tiraquell. *de iure constit. 3. part. limitat. 2. num. 3.* multi apud Barbol. *axiomat. 174. num. vlt.*

14. **Ex** quo primò exponitur text. in *l. 1. C. de donat. ante nupt.* In prima parte agitur de donatione, quam sponsus in sponsam contulit ante matrimonium. Quæ donatio statim valet, *l. si sponsus 5. in princ. hoc tit.* neque infringitur, licet sponsa illam ipsam rem à se donatione acceptam, tradat in dotem marito. Concordat ferè in sua hypothesi text. in *l. cum sponsus 12. in princ. de publiciana.* Quia ex iusto titulo, id est ex permessa donatione rem adquisiuit. Ergo vt potuit rem sibi donatam aliter alienare, potuit futuro marito in dotē dare. Quæ in re nulla fraus perispicitur. In secunda parte alia species vertitur: quando sponsalium tempore promissa dos

dos est centum aureorum; & sponsus fecit scribi in instrumento ducenta: non valet cautio, aut confessio ultra numeratum acceptumque: quia dos refertur ad tempus celebrati matrimonij, *l. 3. l. stipulationem 21. de iure dot.* & per consequens cautio ipsa excurrit in tempus inhabile, ita Socinus, & Sichard. *in d. l. 1. Palacios Rubios in repetit. rub. §. 30. num. 1. & 2. Sanchez d. lib. 6. diss. 7. num. 2.* explicatius Scipio Gentilis *lib. 4. cap. 17.* Sed premenda sunt verba text. improbatum cautio, quia continet donationem inter virum, & uxorem; ut uxor diuertens, vel heredes eius premorientis non possint iudicio de dote consequi plus, quam numeratum fuit: ceterum si perseverans in eadem voluntate maritus decessit, confirmatur donatio, quod mihi probant diserti textus *in l. 2. C. de dote cauta non numerata, l. si quis uxori 39 hoc tit.* Videndi sunt Sichardus *in d. l. 1. num. 8.* noster Amaya *lib. 2. obseruat. cap. 10. ex num. 39.* Si donatio facta fuisset pro stipulationem, per promissionem, non confirmaretur ex rescripto, ut infra dicam; sed quia facta fuit cauendo de maiori quantitate, tanquam recepta, confirmatur. Plus est cauere, se recepisse, quam promittere: cauere enim est species constituti possessorij: est ficta acceptio, & ficta constitutio dotis quasi re tradita, arg. *ex l. quaedam 77. de rei vindicat. l. quod meo nomine 18. de adquir. possess.* Sic in presenti amouetur hic obex, qui postea nos posset remorari.

15 Versatur etiam donatio in præmatura restitutione, vel non petitione dotis promissæ. Actio de dote non competit, nisi soluto matrimonio regulariter, *l. 1. §. Celsus 9. de dote prælegata.* Improbum est pactum, ut non petatur dos, vel restituatur constante matrim. *l. cum pater 11. de pactis dotalib.* Ideo si donationis causa restitutio præmatura fit, improbatum, *l. pro onerib. 20. C. de iure dot. l. unic. C. si dos constant. matrimonio rest. sit. nouella 22 cap. 39.* Dixi, si donationis causa, quoniam ex causis legibus cognitis, constante matrimonio dos potest

restitui. Casus existant in l. si pro rata 27. §. maritus 1. de relig. & sumpt. funer. l. mutus 73. §. manente, l. vlt. de iure dot. l. quavis 20. l. sed idem 21. l. si constante 24. solut. matrim. In quibus nec donatio præsumitur, nec nostræ interdictioni locus est. Videndi sunt Cujac in l. 1. de dote prælegata. Anton. Fab. lib. 8. coniectur. cap. 10. Scipio Gentil. lib. 4. cap. 21. & seqq. Ergo tunc donatio non est. Sic similiter, si maritus, cui vxor in dotem vsufructum constituit, prædesidia, & ignauia eo vsus non fuit per constitutum tempus, ob quod illum amisit; non verò animo donandi: nihil est quod ex nostro titulo improbetur, nec tam restitutus censetur vsufructus, quàm a missus, l. cum in fundo 78. §. quod si mulier 2. versic. quod si acciderit de iure dot. tantum enim improbat, cum donationis causa, & prætextu coniux non utitur seruitute, vt dixi sup. num. 8. Eodem modo, si iusto precio, & citrà simulationem; vxor, quæ vsufructum in dotem dederat, illum, proprietatemque rei marito vendidit, non potest iterum petere soluto matrimonio, quia precium habet, d. l. 78. §. vxor 3. vbi Accurs. & Alberic. addendus Gentil. d. cap. 21.

56. Expediit nunc exponere difficilem Papi-
niani text. in l. dot. ale 1 §. de fundo dotali. Verba sunt con-
cisè, & obscurè prolata. Dotale prædium, cuius vir posses-
sionem retinuit; post litteras ad vxorem emissas, quib. dotis non
fore prædium, declarauit; in matrimonio defuncta muliere,
virum retinere placuit: quia mulier actionem ex pacto non ha-
buit. Explicemus ea: inquit, dotale prædium: supponit in
dotem datum fuisse, à quo tamèn daretur, non declarat:
potuit dari ab extraneo, & esset dos aduentitia; potuit
dari à patre, & esset profectitia; potuit ab ipsa vxore.
Dos aduentitia iure Digestorum mortuà in matrimonio
vxore cedebat lucro mariti. Vlpian. in fragm. regular. tit.
6. de dotib. §. aduentitia 5. Cornutus, seu quisquis est ve-
rustissim is Persij interpretæ ad illa verba Satyræ 3. Nerio
iam testis ducitur vxor, sic inquit: Dos à Ciue Romano da-
ta,

ra; non patrio dicta nomine, si repudium non interuenerit, post mortem uxoris ad maritum pertinet, notant Cujac. hic, & libo 9. obseruat. cap. 4. alij apud Osuald. ad Donell. lib. 14. cap. 6. ex lit. B. Pichard. in §. fuerat 29. inst. de actionib. num. 65. Quod ius abrogauit Iustinianus in l. vnic. §. illo proculdubio 6. C. de rei uxor. act. constituens, vt ad heredes uxoris pertineret, nisi in constituenda dote caueretur, vt eam, partem veretineret maritus: Hinc probandi sunt intellectus diuersi, non quidem contrarij ab Auctoribus excogitati. Cuiacius ad sæculum Papiniani loquens supposuit fuisse dotem aduentitiam; & hac de causâ, ipso iure cessuram lucro mariti mortuâ uxore in matrimonio. Gothofr. post Langebekium, & Gentil. d. lib. 4. cap. 21. pag. 482. Supposuerunt pacta adiecta fuisse de lucranda dote à marito, vt textum accommodarent nouæ Iurisprudentiæ. Omnes rectè. Prosequamur. Dotale prædium dicitur, cuius dominium marito quaesitum fuit, l. dotale 13. §. dotale 2. cod. tit. traditâ vacua possessione, vel alijs legitimis modis, de quibus dixi ad leg. Scrib. & ceteras, ex num. 26. Itaque maritus huius prædij habebat dominium, & possessionem in causam dotis. Inquit Papinianus: cuius retinuit possessionē post litteras, & c. Significant hæc verba maritum non reddidisse, non restituisse uxori fundum, nec eius possessionem; reddere fundum est, restituere corporaliter fundum uxori: retinere possessionem plus dicit, nempe neque corporalem possessionem, neque ciuilem fuisse restitutam. Potuit maritus retinere corporaliter fundum, & velle facere possessorem uxorem suam, si constitueret se possidere nomine eius l. quod meo 18. de adquir. poss. neutrum fecit: retinuit ergo maritus vtrum, & possessionē corporalem, ciuilemque fundi. Sed scripsit litteras ad uxorē, quibus declarauit, fundū nō fore dotis: id est extrâ dotē voluit fundū constitutare, voluit eum facere paraphernalē, propriū uxoris. Quæsitū ergo fuit à Papiniano mortuâ uxore in matrimonio, vtrū heredes eius possent fundū petere, vel

vel an maritus posset illum retinere non obstante epistola, per quam constante matrimonio declarauit, fundum dotis non fore? Respondetque maritum posse fundum retinere; per consequens heredes non posse illum petere: *quia mulier actionem ex pacto non habuit*. Si ipsa non habuit actionem, minime heredes illam habere potuerunt; *l. vnic. C. ut actiones ab hered.* Notemus, & obseruemus acumen Papiniani; maritus per epistolam constituit, professus fuit, declarauit, fundum illum deinceps non fore dotalem, se non esse connumeraturum fundum inter res dotales; hanc epistolam appellauit pactum, docuitque ex ea, tanquam ex pacto nudo actione non nasci: quæ acceptio in iure non est infrequens, *l. quidam 26. de pecun. constit. l. ult. de infort. l. qui negotia 34. mandati*, ubi notauit Cuiac. *tract. 8. ad African. & d. lib. 9. obseruat. cap. 4. & lib. 19. cap. 32. & post ipsum Gentilis, d. lib. 4. cap. 21. pag. 482.* Igitur pactum nudum ex intervallo placitum, non potuit actionem producere, nec causam, & constitutionem dotis immutare, *l. lecta 40. de reb. cred. l. pacta 72. de contrah. empr.* Sic Papinianus euincit, inefficacem esse ad agendum epistolam, quantumvis acceptata fuisset ab vxore; imò quantumvis in pactam fuisset informata per concursum vtriusque voluntatis, tale est pactam, *l. 1. de pact. l. 3. de pollicitat.* Multo magis idem sentiret, si epistola ad absentem missa fuisset, contineretque pollicitationem; non pactum; quia pollicitatio est solius offerentis promissio, *d. l. 3. & alioquin non minus fit per epistolam, quam pactum, imò magis, & facilius, l. Charidemo 5. de pollicit.* Idem etiam & enixius responderet, si epistola nuda rationem, siue relationem eficeret. Nuda ratio minus est quam pactum, & quam nuda promissio: nuda ratio est, quando sine forma promissionis, aliquis refert in rationes suas; scribit in suo comparationis libro, se Titio centum debere, cum illi nihil debeat; talem rem ad Titium pertinere, cum ad ipsum non pertineat, *l. nuda 26. de donationib.* Itaque epi-

epistola potest continere pactum, pollicitationem, & nudam rationem: nihil ex his efficacem obligationem inducit, neque donationem perficit: per epistolam enim probatur factam fuisse donationem, non tamen fit per epistolam, *l. si donatio 5. l. si aliquid 13. C. de donationib.* Quia iure Digestorum traditionem requirebat, vel si à promissione inciperet, non aliter efficax erat, quam si interueniret stipulatio. Iustinianus verò aliter constituit, *in l. si quis argentum 3. 5. pen. C. de donationib.* nempe nudam promissionem ex causa donationis factam efficacem obligationem producere: de nuda autem ratione nihil tale constituit; quia nuda ratio videtur inepta voluntas, dum aliter de causa non apparet. Ergo tentare quis posset, hodiè ex epistola à marito emissà in casu Papiniani, tanquam ex nuda promissione de donando, heredes vxoris agere potuisse. Verùm tunc alia ratio obest, videlicet interdictio nostri tituli: quia si valeret, efficeret donationem, remittendo ius retentiois dotis, vel partis eius, quod maritus habebat: hæc donatio infirmatur: deinde non potuit ex rescripto Caracallæ confirmari; quia prædecessit mulier: quæ ratio nunc sufficit. Ergo neque iure vetere, neque nouo prædicta epistola continere potuit efficacem donationem. Dicamus idem de iure regio. Pactum nudum efficax est ad agendum apud Nos, *l. 2. tit. 16. lib. 5. Compilat.* & nihilominus in specie Papiniani non esset efficax; quia facit prohibitam ex aliò capite donationem. Hæc breuiter tetigisse sufficiat, alij latius illustrabunt.

17. Vno casu permisit Iustinianus; vt dos minueretur constante matrimonio, & vxori posset restitui, nempe quando vir donationem propter nuptias fecit, & vxor dotem dedit: reciproco enim consensu, & in quantum maritus ab alerit de sua donatione propter nuptias, potest minui dos; potest tantumdem dotis vxori restitui. Vt idem ius sit de pherne, quæ est dos, quam de antiphernæ, sic enim appellatur donatio propter

tèr nuptias, *l. si constante 19. C. de donat. ante nupt. §. est & aliud inst. de donation. nouella 92. cap. 2.* Quarum constitutionum hunc esse sensum, rectè agnoscunt contra Salicetum Scipio Gentil. *d. lib. 4. cap. 21. pag. 488. & seqq.* Sanchez *d. lib. 6. de matrim. disputat. 7.* Cuius rei occasione disputant latè *de donationibus ante, & propter nuptias.* Quæ materies à nostra longè est diuersa, id circò, & diuersa charta à nobis examinata fuit in feriatâ selectione de hac ipsa quæstione.

CAPVT V.

De permissis inter coniuges donationib.

I R COLENDVM semper est, quod in superioribus diximus: per hanc interdictionem, intendere ius avariciam, & rapacitatem per blanditias, tollere de matrimonio, ne mutuo amore invicem se spolient: *ne melior in paupertatem incideret, deterior locupletior efficeretur, l. 3. hoc tit.* Nec amarè donationes istas tractare, sed tanquam inter coniunctos, & solam inopiam metuentes, *l. si id quod 28. §. si quas 2. hoc tit.* Ne amore alterius alter spolietur, non quasi malevolos, ne alter locupletior fieret, *l. sed si vir 31. §. quod legaturus 7. hoc eod. tit.* Ex qua intentione iuris hæc consequentiam Iuris periti deduxerunt. Igitur valent illæ donationes, ex quibus donatarius locupletior non fit: quia ibi non timeretur avaritia ex parte donatarij, cuius pecuniario in quæstâ nihil interest. Et rursus deduxerunt aliam. Igitur valent donationes, ex quibus donator non fit pauperior: neq; enim spoliatur, qui nullum patrimonij damnum patitur. Ita *Ulpian. in l. si sponsus 5. §. cum igitur 16*

hoc

hoc tit. Vtramque consequentiam per varias hypothesiſ illuſtrant, & dilatant Conſulti, illuſtrabimus & Nos eorum veſtigia ſequentes; ita tamen, vt minimè exorbitemus, ſed ſento nobis propoſito inſiſtamus.

2 Primum exemplum proponitur *in d. l. 5. §. conſeſſa 8. cum quatuor ſeqq. hoc tit.* De hiſ, quæ coniugi donantur ad ſepulturam, vel vt ſe inferat, vel vt Deo voueat. In hiſ omnibus non auget patrimonium donatarium, non fit locupletior: quare donatio valet. In rebus Deo dedicandis citius hoc potuit admitti; quia ſtatim exeunt à commercio §. *nullius inſt. de rer. diuiſ. iunctis l. ab agnato 12. de curatore furioſ. l. 7. r. de litig.* In montamento tamen donato, loco puro, vt ibi mulier ſepeliretur, vel in rebus ad funus donatis, duplex nos poſſet remorari ſcrupulus: primus eſt, quod de ſuo eſſet erogatura vxor in funus ſuum, niſi à marito donatum accepiſſet. Sed cum benignè tota hæc res ſit tractanda, reſpondit Vlpianus, quæ non expendit, non fieri locupletior: ſed non pauperior. Non inhiſbetur verò donatio, cum pauperior non efficitur donataria, ſed cum fit locupletior. In pupillo, qui emptà re neceſſaria, cenſetur factus locupletior, ex eo quod pauperior factus non fuit, aliud obtinet ex ſententia Martiani *in l. in pupillo 47. §. 1. de ſolut.* Ibi enim fauorè, iuſq; creditorum reſpicimus, ne defraudentur, qui cum pupillo contraxerunt: hic verò ſubſtinemus liberalitatè coniugis donatoris nemini noxiã in re, erga quã avariã iã donataria cauſare non poſſemus, niſi per nimiam acerbitatè, & ſubtilitatè, vt vidit Gẽtil. *lib. 2. cap. 7.* Quæ admodum enim in ſumma vxoris egeſtate ad iniuriã mariti ſpectat, ſi iaceat in ſepulta, *l. quod ſi nulla 28. de religioſ.* ita mariti liberalitas comendatur, ſi funus coniugis curet. Secũdas ſcrupulus eſt: hæc donatio excurrit in tẽpus, quo non poſſet ſubſiſtere, nempe in tẽpus, quo morte mulieris diſſolutum eſt matrimonium, quo caſu euaneſcunt hæc donationes, *l. marito 17. C. hoc tit.* Reſpondet tamẽ idẽ Vlpianus, fauorabiliter obſeruatiſſe, valere: & per illationẽ cadaueris donataria fieri locum religioſum. Naturaliter quippè ſpectat ad mortuum locus, in quo conditur, *l. ſcriptus 4. de religioſ.*

Ergò quasi confertur donatio in ipsum cadauer. Totum hoc dicitur fauorabiliter, & cum aliqua impro-
 prietate. Et tunc sic sustinenda est æquitas, quam Vi-
 pianus considerat: donatio ab sponso in sponsam colla-
 ta, in illud verò collata tempus, quo matrimonium ce-
 lebratum sit, non valet, quia in tempus matrimonij
 confertur, *l. si sponse 4. C. de donat. ante nupt.* Ergò facta
 constante matrimonio, sed collata in tempus, quo disso-
 lutum fuit, debet valere. Nihil officit huic consequen-
 tiæ, præter defectum subiecti, in quo radicetur donatio:
 sed potest dici, radicari in ipso cadauere. Ergo rectè
 procedit æquitas. Videnda sunt, quæ infra dicemus de
 mortis causa donationibus.

3 Ex quo infert, non prius incipere valere,
 quam fiat locus religiosus, qui donatus fuit; manereque
 in dominio donatoris interim: quia monumentum, lo-
 cus purus, in commercio est, *l. monumenta 14. C. de legat.*
 Igitur si mulier monumentum sibi donatum distrahat,
 non valet donatio, & res donata manet per consequens
 in dominio donatoris, *d. l. 5. §. hæc res. 9.* Quæ doctrina
 inducit nos in similem speciem serui donati manumif-
 sionis causâ, quæ agitatur in *l. quod autem 7. §. uxori 8.*
vsque ad finem legis, & duab. seqq. hoc tit. In quo vxori do-
 natus seruus, vt illum manumittat, incipit valere ex in-
 stanti, quo illi imponit vindictam, præstat libertatem.
 Magno apparatu in liget hæc disputatio, si illustranda
 esset; sed consulite, quæ dixi ad notas Clauij in *l. vlt. de ser-
 uis exportand. maxime num. 12.* & Gentilem *lib. 2. cap. 9.*
 Sic similiter donatio vnguentorum, vel pecuniæ in vn-
 guenta confuendæ, valida est: quia mulier non fit lo-
 cupletior, ex vnguentorum comparatione, *l. quod autem
 7. §. 1. hoc tit.* in quo vnguenta res mortua dicuntur. Id est
 inutiles; similem pharism obseruo apud Ciceronem, ad *At-
 ticum lib. 2. epistol. 19. ibi. Casar cum venisset mortuo plausu,
 Curio filius est insequutus. Huic ita plausum est, vt salua Rep.
 Pompeio plaudere solebat.* Melius explicatur per hæc verba,

si dicamus, rem mortuam esse, quæ neque apparet, neque exiitit, neque aliquo censetur. Vt sic locupletior non sit, quæ accipit, vt exposuit Accurs. Sed curiosius Cuiacius *lib. 9. obseruat. cap. 30.* Multa, & exotica de vnguentorum vsu possent in præsentî cumulari, quæ obvia sunt; abstineo tamèn, dum notem, accipiendâ esse hæc verba de vnguentis, quibus ex more matronæ vnguebantur, vel in balneis, vel in cænis, vel ad honestos vsus, quos mundi muliebris appellatione contineri dixit Quinctus Mucius apud Pompon. *in l. argumento 25. in fine de auro, & argento legato*, non tamèn ad luxuriam, & mollitiem; esset enim turpis donatio, quanvis esset rei mortuæ; & quanvis ex nostro titulo non prohiberetur, ex bonis moribus esset reprimenda. Vt de turpibus censuit Gentilis *d. lib. 2. cap. 22. de probo*, improboque vnguentorum vsu fat multa afferunt Cæsar Bulengerus de conuiujs *lib. 3. cap. 26. & duobus seqq.* Guillelmus Stuckius *conuiuialium qq. lib. 3. cap. 15. & lib. 13. cap. 33.* Henricus Salmuth *in notis ad memorabilia Panciroli lib. 1. tit. 11 & sequenti, & alij.*

4 Aliud iudicium est de vestimentis, quorum premium auget, diminuitque patrimonium: ideo vestimentorum donatio constante matrimonio interdicta est, in tantum, vt nec materia possit donari; specificata tamèn, sit eius, qui vestimenta confecit, sed donatori utilis actio competit ad premium, *l. si mulier 29. §. 1. cum duab. legib. seqq. hoc tit.* Specificatio enim ex ratione naturali de aliena facit propriam materiam specificatam, *l. adeo 7. §. cum quis de adquir. rer. domin. §. cum ex aliena 25. inst. de rer. diuis.* Vbi notissima extat materiarum distinctio, quam non moror. Auctores nostri optima cum ratione limitant abscisam hanc prohibitionem, vt in vestibus quotidianis non militet, quas vxori non tantum potest maritus donare, sed tenetur; cum veniant alimentorum appellatione, *l. legatis 6. de alim. & cibis. legat.* Et multo magis appellatione victus, *l. verbo victus 43. de*

verb. significat. intelligenda ergò est, de sericis, preciosis, & his quæ non cotidie gestantur. Quæ nedùm ante nuptias, sed & constante matrimonio comparata; potius censentur commodatæ vxori, & eius vsum destinata, quam animo donandi concessæ: vt non malè probatur ex textu in *l. si vt tertio 5. §. interdum commodati.* Ergò licet maritus decedat perseverans in eadem voluntate, non poterit confirmari donatio, quæ non fuit, quæ non præcessit: prius est, vt sit donatio, quam vt tractetur de eius confirmatione. Vnde frequentissimè mariti in testamento vxoribus legare solebant, quæ earum causa empta parata erant: quod legatum, etiam supposita confirmatione, tacitè ex rescripto Antonini Caracallæ, non erat supervacuum, sed necessarium: quia non versabatur circa res donatas, sed circa comparatas ad vsum: aliquando tamèn omnia comprehendebat testator; *que dedi, donavi, eiusque causâ comparavi:* & tunc circa donatam confirmatio erat expressa, non multum necessaria; sed circa empta parata, noua erat liberalitas, & noua voluntas. Sic accipiendi sunt textus, in quibus exponendis non licet inuocari, in *l. legatis 35. de legat. 2. l. qui concubinam 29. l. legatum 45. cum quatuor ll. se 77. per totas de legat. 3. l. 2. 3. l. apud Pamphydium 5. l. Q. Mutius 10. l. vxori 13. l. cū in testamento 28. l. si quis ità 30. l. scribit 34. §. item scribit. & §. quod sita l. vxori 39. de auro, & arg. legato, l. sed vsus fructus 81. §. vlt. ad leg. Falcid. Videndi sunt præter Classicos, Cujacius tract. 2. ad African. in d. l. apud Pamphydium 5. Gaspar Schifordeggerus ad Fabrum lib. 3. tract. 25. quest. 3. noster Arias de Mella lib. 3. var. cap. 11. numero 8. & cap. 38. num. 26. Subtilius tamen circa vestes, monilia, & mundum, quæ vxoris causa comparantur, inquirebant Iurisperiti; vtrum donatio censeretur inter vtrum & vxorem, & ob id esset prohibita, ipsa vltus permissio: in tantum vt heredes mulieris præcedentis tenerentur satisfacere marito detrimentum vestium, quod ab vxoris vtu acceperunt? Non est negandum esse donationem aliquam vltus concessionem; maximè quando non con-
cedi-*

ceditur vsus rerum vxori ad honorem mariti, sed eius causa: verum hæc nimium subtilia sunt, & serua solita; quæ intèr amicissima societate conuinctos nimium acerbè disputantur: ideo placuit, quanvis donatio sit, non improbari, *l. si vir 18. l. si id quod 28. §. si quas 2. l. moris 53. §. 1. l. or titulo*. Manent ergò vestes preciosæ in patrimonio viri, qui illas comparauit: sed vxor, quæ illas attriuit, mini nè satisfacere tenetur, quanvis per vium illas deteriores reddiderit. A qua iuris ratione miimè discordant Pragmatici, licèt amplificatiùs disputent, videndi erunt *Clarus receptor. sent. lib. 4. §. donatio quest. 10*, Barbosa *in l. que dotis 34. num. 78. solut. matrim.* Palacios Rubios, & ibi Additionator *in repetit. rub. §. 5*, pater Sanchez *d. lib. 6. quest. 25*. Scipio Gentil. *lib. 2. cap. 21*.

Sequitur vt disquiramus de donatione annui; vel menstrui; quod donatur, vt iadè se suosque alat, sublineat, exhibeat coniux. Quam donationem vsu evenisse frequentè crediderim, cum vir, & vxor honorem propositumque matrimonijs seruantes, seorsim habitabant, quod consulares quandoque fecisse prodit Vespianus *in l. cum hic status 32. §. si mulier 13. hoc tit.* Sciendū ergò est, annui, vel menstrui donationem non posse consistere in actuali traditione rerū: quia dictū, mensuratum, annuatim excarrit, vt cū iudicio vidit nolter *Amaya lib. 2. obseruat. cap. 10. num. 28*. Est ergò donatio quedā, quæ incipit a promissione, idcirco species donationis appellatur *in l. quedam 22. de pact. dotat.* nec male potest dici esse ad instar alimentorum, *arg. ex l. cum hi 8. §. si in annos de transact.* Vt sic sublineamus opinionem Petri Barbo. *in l. que dotis 34. num. 66. versic. quo presupposito solut. matrim.* Genailis *lib. 2. cap. 14*. patris Sanchez *d. lib. 6. disput. 3. n. 12*. Aliquando ergò annui promissio vel præfratio donatio est, & ob id prohibita; aliquando magis est cōpensatio cū oneribus matrimonijs, & ob id, neque donatio est, neq; prohibita. Si maritus annuū promittat, vt vxor alat seruos paraphernales, familiā venalitiaria propriā vxoris, & animalia ad causas dotis, vel matrimonijs

minimè spectantia, donatio est, *l. sed si vir 31. §. vlt. hoc tit.* Quod si promittat annum, vt vxor alat familiam ad matrimonium pertinentem, quam suis sumptibus maritus alere tenebatur, & de fructibus dotis; non est donatio, sed cōpensatio, *l. si id quod 28. §. vlt. hoc tit.* Si maritus, qui accepit dotem reddentem centum fructuum nomine, promiserit ducenta mulieri, non necessaria, sed superflua, vt alat familiam: & de acceptis vltra fructus dotis supererit aliquid immodicum, & de quo etiam inter amicissima societate coniunctos aestimatio fieri debeat; donatio est, *l. ex annuo 15. hoc tit.* Si vero quidquid à marito accepit, impendit in alimenta necessaria communis familiæ, vel in soluendis scenoriibus ad alendam familiam pridem cōtractis, donatio nō est, sed quasi debiti exsolutio, *d. l. si id quod 28. §. illud 6. & d. l. sed si vir. 31. §. vlt.* In summa, quidquid superlucratur vxor, donatio est, quidquid in onera matrimonij impendit, non est donatio. Fit ergo per constitutionē annui quasi dispensatrix, quasi ministra viri: vnde si maritus ad prædictum effectum promittat annum, potest ante expensionem reuocare promissionem: & hoc euidenti ratione fit (quam non videntur percaluisse Veteres, neque Conanus *lib. 8. commentar. cap. 11. num. 6.* neq; Petrus Barbosa *vbi proxime num. 67.*) quia vel annuum excedit onera, & donatio est; quo in casu nemini dubiū est, quin possit per poenitentiam reuocari, *l. cum hic status 32. §. ait oratio 2. hoc tit.* Vel est ad sustinenda onera, quæ sufferre maritus tenebatur, & nihil lucri inde percipit vxor; sed cōpensat, vt in *l. si quis pro vxore 21. §. 1. hoc tit.* Et tunc cum rem gerat mariti, ante quam gerere, & impendere incipiat, poterit maritus mutare voluntatem: quia nullam iniuriam vxori facit, *arg. ex l. si vero 12. §. si mandauero 16. l. si mandatum 15. mandati, §. recte 9. inst. eod. tit.* Postquam vero vxor expendit, & in res familiæ consumpsit pecuniam, amplius non poterit maritus reuocare annui constitutionem; cum res intégra

gra non maneat, vt de mandatario dicitur in præfatis locis. Et ita sine vlla opera exponitur textus in l. sicut 11. C. hoc tit. verba sunt. Sicut cessat petitio quantitatatis, quæ de suo maritus vxori in menses singulos, vel annos singulos proprij vsus EIUS gratiæ promittitur: ita & ex ea causa nummi soluti, erogatique non dari repetitionem, manifestum est. Quæro, ad quam personam referatur verbum eius? ad maritum. Quia si vxor annum impenderet in alenda familia propria ipsius, daretur repetitio erogati, d. l. 31. §. vlt. Quæro, cur ex promissione annui, non detur efficax petitio vxori, quando rectè promittitur, absumendum in vltus mariti? Quia potest maritus mutare voluntatem, & promissio redditur inefficax. Quæro, cur consumpti non detur repetitio? Quia vtiliter consumptum est, & ex voluntate viri. Hæc lex est disertæ, facilis, & peruia: & hunc articulum elegantèr absoluit, si sincerè accipiatur: nihilominus multis ambagibus illam intricant Baldus, Salicetus, Conanus, Barbosa, & Gentilis locis adductis: sed vbi sententiam meam promo, de refellendis aliorum dictis parum sum sollicitus. Ex eius explicatione liq. uido sicut explicatio textus in l. stipulata 33. hoc tit. ibi. Si stipulata sit mulier annum, id ex stipulatu petere constante matrimonio non potest. Lex non distinguit, nec nos ergo distinguamus, vt inquit Consultus in l. de precio 8. de publiciana. Ergo dica mus indistinctè, mulierem non posse petere annum, ex quacumq; causa promissum sit, constante matrimonio: quia licet ex causa approbata promissum sit, maritus potest mutare voluntatem. Quod si vxor in res suas expendit, vel non dum expendit in res mariti, quod exegit, vel nondum annum exegit: in his omnibus casibus donatio est: species donationis vertitur. Igitur si præcedat maritus, confirmabitur donatio ex oratione Antonini Caracallæ, d. l. 33. diuortio tamen interueniente non confirmabitur d. l. quidam 22. de partibus dotalibus. quia per diuortium inter coniuges potius infirmantur, quam confirmantur donationes, l. cum hic

hic status 32. §. si diuortium 10. hoc tit. Donationes, quæ à stipulatione incipiunt, regularitèr per Senatusconsultū non confirmantur, *l. Papinianus 23. hoc tit.* annui verò promissio confirmatur *d. l. 33.* quæ differentia aperte ex ipsis textibus colligitur. Vnde non possumus coningere antinomiam, vt agnoscunt Amaya *d. lib. 2. cap. 10. ex num. 12. Pacius cent. 5. quæst. 59.* Differentiæ rationem præstitit Amaya: quia si donatio est annui promissio, tunc maximè donatio est, quando nondum est expensum, quando præstationis dies non venit. Alioquin, si venit, & utilitèr expensum est, magis est compensatio, quam donatio. Ergo in eo casu debet incipere confirmatio, in quo incipit habere locum prohibitio. Deindè addo; quia annui promissio ab initio non continet inutilem donationem; sed tunc incipit apparere esse inutilem, quando dissolutum matrimonium fuit, & constat in res familiæ necessarias non fuisse impensum: atqui mortuo marito eo tempore incipit coniare, quo quælibet donatio inter coniuges permittitur: ergo quauis faciamus retractionem ad tempus promissionis, debet succedere ex Senatusconsulto confirmatio. Quæ hactenus diximus de marito promittente annum uxori, procedunt e conuerso in vxore promittente annum marito. Quippè quod maritus non impendit, donationem continet prohibita: sed præcedente vxore confirmatur, *d. l. 33. §. 1. & 2.* Congruentior est rei economicæ, vt maritus, tanquam familiæ dominus, & pater, dispensatricem impensarum faciat vxorem, illi annum assignando, & constituendo; quam vt vxor faciat dispensatorem maritum, præscribendo illi certum diuicium, quod impendat in onera matrimonij, vt agnoscit Consultus *in d. l. 33. §. 1.* & ex Aristotele *in economicis* exponit Gentilis *d. cap. 12.* Hoc enim est contrafexus naturæ, vt patet: quare annui promissio ex parte vxoris minus frequens est, minusque fauorabilis, quam facta à viro. Ex quo obseruo differentiam inter vtrâque promissio-

miſſionem. Promiſſio annui à viro facta non eſt avarè tractanda: valet, ſubſtinetur, & ſi mulier non totum impenderit in alimenta familia: ſibi mulier poteſt retinere, quod proprià parſimonià corraſit, ſuo, & familiarium genio aliquid ſubſtrahens; nec reuocatur, niſi quod immodicum eſt, & ex quo apparet animo donandi aſſignatam fuiſſe maiorem quantitatem, quam opus eſt, *d. l. ex annuo 15.* Promiſſio verò annui facta ab vxore, abſciſe reuocatur, in quantum vir locupletior factus eſt, ſi uè modicum ſit, ſi uè immodicum *d. l. 33. §. 1.* quia promiſſio contra naturam ſexus facta acerbitate potiùs, quàm fauore digna eſt. Què de hoc articulo dixiſſe ſufficiat, quo in hoc titulo nullus intricatior eſt.

6 Succedit opportunè inueſtigatio de fructuū donatione inter virum, & vxorem, & de donatione, & promiſſione uſurarum. Sempèr repetenda eſt vulgariſ regula; ſi non fiat pauperior, qui donat; vel locupletior, qui accipit, valet donatio, *l. ſi ſponſus 5. §. cum igitur 16. hoc tit.* Ex qua primo deducitur hoc principium; quanvis fructus dotis deſeruire debeant ad ſubſtentanda onera matrimoni, *l. pro oneribus 20. C. de inue dotium,* tamèn ſi maritus eos donauit, ceſſit vxori, vt ipſa ſeſe ſuosque aleret, videlicèt mariti, & ſimul vxoris familiam, non cenſetur donatum, quod incommunionem cauſam conſumptum eſt; *l. fructus 2. C. de pact. conuent. tam ſuper dote & c. l. ſi conuenerit 4. in fine, l. ſi pater 12. §. 1. de pactis dotalib. l. pater 20. l. ult. de in rem verſo, l. ſi quis pro vxore 21. §. 1. verſic. plane, h. t.* Quod ſi fructus dotis vxori ſine vllò onere reſtituti ſint, vel remiſſi: illicita donatio eſt: quia debent oneribus matrimoni deſeruire, & talis remiſſio cenſetur cōtra principalē finem dotis, *d. l. pro onerib. 20. l. vnic. C. ſi dos conſtante matrim. reſtit. fuerit.* Ex quo apparet, quatenùs ex perceptis fructibus mulier locupletior facta ſit, teneri marito reſtituere: non tamē fructus, qui cōſumpti ſūt, *l. fructus 8. C. hoc tit.* Verbum conſumendi in hoc tractatu, ſèper de inutili conſumptione accipitur,

pitur, *l. si id quod 28. l. cum hic status 32. §. quod ait oratio 9. l. si
 cum mulier 50. §. 1. hoc tit.* Quid tamèn dicèdū sit de dona-
 tione fructuū ceterarū rerū, quæ propriè mariti sunt,
 quaritur? Quæ inspectio in duplici specie manifestatur:
 prima est, quādo principaliter fūdus donatus est, & que-
 ritur de fructuū restitutione: secunda, quādo donatio ver-
 satur primò, & principalitèr circa ipsos fructus; quia cō-
 iux coniugi cōcelsit donationis causā, yt ex re sua fru-
 ctus perciperet. Nolo enim hac in re subtilem differen-
 tiam admittere inter donationem rei, & donationem
 fructuum, quam excogitarunt Gentilis *d. lib. 2. cap. 17.*
 Schifordegherus *ad Fabrum lib. 2. tract. 28.* Ante quā
 verò questionem resoluamus, obseruo coniugem dona-
 tariam, dum voluntas donantis perieuerat, non posse
 dici bonæ, vel malæ fidei possessorem; quia supposita
 donatiōne, pender ex futuro euentu, an sit illicita, vel
 confirmetur, *l. cum hic status 32. de donat. in ver. hoc tit.* Ita-
 quæ mulier in hac specie, quanvis scienter detineat, non
 possidet malæ fidei: quia rem detinet ex domini volun-
 tate, & quia probabiliter sperat donationem esse con-
 firmandam. Non verò dicitur bonæ fidei possessor po-
 sitiuè, inspecto præsentī statu; quia lex illidit pro tunc
 titulum, tanquam moribus interdictum, *l. 1. §. si vir vxor
 ride adquir. possess.* Itaque iure Ciuili non est possessor bo-
 næ fidei: naturalitèr verò laesam conscientiam non ha-
 bet, nec factum facit rei ipsius, vel vsus eius; quia uti-
 tur ex voluntate domini, *l. qui vas 48. §. qui ex voluntate
 de furr.* Ponamus tamèn coniugem donasse coniugi bo-
 nâ fide rem alienam. In hoc casu non militat ciuiliſ in-
 terdicti, quia coniux donando rem non suam, non fuit
 factus pauperior: & aliunde adest ex parte donatarij
 naturalitèr bona fides. Igitur absolutè bona fide possi-
 det, & poterit viuacipere, *l. si extraneus 44. hoc tit.* quæ sic
 apertius explicatur, quam olim exposuimus *ad leg. Arin.
 num. 12. & 13. Pro explicatione, l. si constante, hoc tit.
 vid. infra cap. 10. num. 4.* Ergo si talis est donatio, ex quâ
 vel

vel donans pauperior non fit, vel donatarius non fit locupletior, nulla ciuilis interdictio est, eatenusque nullam malam fidem in donatario possumus considerare. Quod si donator reuocet donationem, vel donatarius prædecesserit, tunc qui retinet possessionem, prædo est, pro possessore possidet, *l. nec ullam* 13. §. 1. de petitione hered. *l. si uxor* 19. hoc tit. *l. per seruum* 57. de acquir. rer. domin. *l. quod uxor* 16. de acquir. possess. Subtiliter distinguendi sunt termini: perseverante mariti voluntate, mulier donatâ rē illicite, non possidet ciuilitèr, quia ius Ciuile resistit, *l. si eum* 26. hoc tit. tantum possidet naturalitèr, sed non iniuste, neque malâ fide, *l. 1. §. denique* 10. de vi, & vi armata. Si donatio illicita est, veluti quæ versatur circa propriam rem mariti, non potest contra maritum procedere vfucapio, *l. 1. §. ult. pro donato*. Quod si circa rem alienam versetur, vel non intercedat vlla ratio prohibitionis, iusta donatio est, & possessio non improbata, ciuilis possessio est, & vfucapio procedit, *d. l. 44. l. 3. pro donato, l. si id quod* 5. pro derelicto. Videnda quæ dixi ad leg. Atin. num. 14. Paulo alitèr hæc principia exposuit D. Valentia lib. 1. illustr. tract. 2. cap. 7: Sed vt mihi videtur, ita commodissimè explicantur. Secundum quæ de fructibus dicendum est: si ex fructibus prædiorum, quæ donata sunt, locupletata sit mulier, non statim dicendū est, illicitam esse donationem: quia fructuum licita est donatio, *l. de fructibus* 17. hoc tit. Igitur si fructus ipsi per se donari possunt, quanvis ex illis mulier locupletetur; consequens est, vt donato fundo, non restituantur fructus inde percepti, etiam si mulier locupletior euaserit. Quia licet fructus ferantur ex re; tamèn ex facto possessoris proveniunt; principalior causa est cultura, & cura possessoris, quam fundus ipse, *l. bonæ fidei* 48. de acquir. rer. dominio. §. si quis à non domino, inst. de ver. diuis. Non enim inspicitur, an mulier locupletior facta sit; sed an immediatè ex re donata fiat locupletior. In illo casu illicita donatio est, in hoc permilla est; quia ex propria indu-

firia fit locupletior, & mariti res non diminuitur. Vnde
 concludit Pomponius, in *l. fructus 45. de usuris*, illicitam
 esse donationem fructuum naturalium, licitam verò ef-
 se industrialium: naturales enim ex re proueniunt sine
 facto possessoris: ideò qui ex illis locupletatur, locuple-
 tatur immediatè ex re donata: industriales verò ferun-
 tur propter industriam percipientis: idcirco magis ex
 facto suo, quam ex re censentur fructus acquisiti. Ita ex
 magis communi docent Pinellus in *l. 2. C. de reuendenda*
uendit. 2. part. cap. 4. num. 5. Ioannes Garcia de *expensis*
cap. 23. num. 21. quos sequens Sanchez *d. lib. 6. disput. 4.*
num. 6. per consequens illorum approbat distinctionem,
 & Gentilis *lib. 2. cap. 17.* Amaya *lib. 2. obseruat. cap. 16. à*
princ. Carranza, de *partu cap. 3. num. 7.* licet inter indu-
 striales, & naturales fructus differentiam non agnoscat
 D. Hieronym. de *Oroz lib. 4. de apicibus cap. 8. num. 5.* Dis-
 putant verò Auctores, quomodo fiant fructus industria-
 les donatarij; siquidem, inspecto præfenti statu, domi-
 nus rei donatæ non est, *l. hæc ratio 3. §. sciendum hoc tit.*
 nec bonæ fidei quidem possessor positiuè, quia ius titulo
 resistit, vt nupèr dixi. Respondeo, tres esse causas ad-
 quirendi fructus; *dominium rei, & bonæ fides, & voluntas*
domini, l. qui scit 25. §. 1. de usuris, d. §. si quis à non domino,
cum sequentib. Mulier non est domina, non est bonæ fidei
 possessor: sed nec malæ fide possidet, & re vititur ex do-
 mini voluntate. Ergò fructus facit suos, vt usufructua-
 rius, & colonus, vt præfenserant Anton. Faber *lib. 1.*
coniect. cap. 17. Schifordegherus *d. lib. 2. tract. 28.* Pinell.
d. cap. 4. num. 50. & 51. Gentilis, & Carranza *ubi proxime*
versic. quod verò. Naturales verò suos non facit: quia in
 his etiam versatur secunda donatio illicita, cum ex re
 donata naturalitèr locupletetur: nec vilius momenti
 sit ad præfens tempus voluntas mariti, quam ius Ciuile
 improbat. Sic ergò arguit Pompon. *ind. l. 45.* Natu-
 rales fructus non fiunt cuiuslibet bonæ fidei possessoris,
 licet in percipiendis fructibus idem ius tributum sit bo-
 næ

nã fidei, ac dominio, *d. l. 25. §. 1.* Ergò multo minus
 fiet vxoris, quã tantum nititur voluntate mariti, eãq;
 improbatã. Arguit a maiori ad minus; si non acquirit,
 qui potius ius habet: multo minus acquireret, qui habet
 ius debilius. De bonã fidei possessore ad mulierem tan-
 tum est comparatiõ in fructibus naturalibus, in quibus
 versatur illicita donatiõ: in industrialibus verò compa-
 ratur mulier colonõ, qui illos percipit ex voluntate do-
 mini. Verum autem est dicere bonã fidei possessorem
 non facere fructus suos perceptione, *l. certum 22. C. de rei
 vindicat. dixi in academicis de fructib. ex num. 97.* Hactenus
 ergo procedit comparatiõ; non verò in vsucapione,
 quã ille vsucapere potest fructus; mulier verò constãte
 matrimonio non potest illos vsucapere, quia eius titulo
 ius resistit, vt ibidem dixi *num. 98.* Si comparatiõ Pom-
 ponij ex omnibus terminis sumenda esset, non quadra-
 ret absolutè facta: quia bonã fidei possessor perceptione
 inchoat adquisitiõnem fructuum, tam naturalium, quã
 industrialium; vsucapione verò, & consumptione con-
 sumat eam. Dixi *ad leg. Atiniam, ex num. 46.* nec repeto.
 Mulier verò donataria statim facit suos fructus industria-
 les, nec consumptione, nec vsucapione indiget: quia eos
 non iniuste ex voluntate domini percipit, vt colonus.
 Deinde bonã fidei possessor, quanvis non faciat fructus
 naturales suos solã perceptione; eos tamen facit pro-
 prios qualicunq; consumptione, & vsucapione. Mulier
 verò si utilitèr consumat in alimentis propriã familiã,
 quia locupletior fit, tenetur restituere, *d. l. quod si vir 3 l.
 §. ult. h. r.* Et vsucapere eos non potest. In quo ergo ver-
 satur comparatiõ Pomponij? In dominio irrevocabili
 statim non acquirendo fructuum naturalium: vt enim ve-
 rũ est, fructus naturales non spectare perfectè, irrevoca-
 bilitèr, statim ad quẽlibet bonã fidei possessorẽ; itã ve-
 rum est, & multo verius, ad mulierẽ donatariã non perti-
 nere. Et tunc à fortiori concludit ratio: si nõ spectant ad
 bonã fidei possessorẽ, quomodo spectabũr ad vxorem?

Sic saluatur comparatio Pomponij; nam non est opus, vt comparatio concludat, quadret, vincat ex omnibus terminis. Sunt vero Auctores, qui magis adstringere volunt prædictam comparationem: & verba, *sicuti neque cuiuslibet bonæ fidei possessoris*, restringunt ad bonæ fidei possessorem, cuius titulo ius resistit, veluti illum, qui ancillam furtiuam emit prægnantem, qui nec ipsam, nec partum vsucapere potest, *l. sequitur 4. §. lana 19. seq. de vsucapionib. l. qui vas 48. §. ancilla 5. de furt. Dixi ad leg. Atin. sect. 4.* Et ita verba *neque cuiuslibet*, significabunt *nec omnis*. Qui naturales fructus suos non facit, neque perceptione, neque vsucapione, docent Sanchez in *Præcepta decalogi lib. 2. cap. 23. num. 68.* Antiquioribus laudatis, Galuanus de *vsufr. cap. 28. num. 14.* Illustrissimus D. Episcop. Asturicensis Fermosinus in *cap. grauis de restitut. spoliator. quest. 1. num. 21.* Sed neque ita facta comparatio hæc ex omnibus terminis concludit, quia etiam in tali bonæ fidei possessore deficit in industrialibus: nec sincerè explicat verba *nec cuiuslibet*; quæ vnauerſaliter negant, nec sine impropriate ad vnã speciem bonæ fidei possessorum possunt limitari. Quæ de hoc textu, & articulo dixisse sufficiat.

7 Dicamus de donatione vsurarum. Vsuræ, si sunt fructus, sunt industrialissimi, *l. nauis 62. de rei vindicat.* quia ex re naturaliter non feruntur, sed ex industria vtentis, ex conuentionibus: vsura enim pecuniæ tota pendet ex negotiatione; cum pecunia non pariat pecuniam: ideo dicitur Græcè TOKOS, id est *morsus*. Alludit Horatius: *Hinc vsura vorax, ac idumque in tempore fœnus.* Hæc, aliaque scripsi in *academicis de fructib. cap. 1.* Igitur qui quid ratione vsurarum conuix donatarius acquirit, ex propria industria acquirit. Ergo lucrabitur, *l. ex anno 15. §. 1. hoc tit.* Siuè maritus donauerit pecuniam: in qua non tenet donatio; sed à muliere vsuræ retinentur: siuè vsus pecuniæ, vsufructum pecuniæ mulieri concesserit, saluâ eius ex S. C. proprietate,

vt potest saluari: quo in casu donatio vsurarum, permissio vsus pecuniæ, non est illicita: quia donans pauperior non fit, & donatarius non fit locupletior præcise ex re donata; sed ex ipsius industria, *l. de fructib. 17. hoc tit.* Ex quo Tryphonius noster, qui semper aliquid audet, novumque in ius invehit, *in l. quid ergo 16. hoc tit.* sub lib. 10 de hac specie disputavit. Maritus vxori centum donavit: vxor tota centum fœnore apud trapezitam, apud debitorem, collocavit. Ex tota summa quinquaginta perierunt. Reliqua quinquaginta manserunt, ex quibus vsuras reportavit, quæ efficiabant quinquaginta. Si consideramus lucrum cum damno, tota centum supersunt. Irrita ergo facta donatione, quæsitum fuit, quid, & quatenus vxor debeat restituere? Respondet, sola quinquaginta restituere debere, quæ ex re donata supersunt: non vsurarum nomine acquisita: quia hæc separatam habent rationem, & industriæ potius, quam pecuniæ accepta feruntur, norant Faber *lib. 4. coniectur. cap. 17. prope finem.* Gentilis *d. lib. 2. cap. 15.* Amaya *d. lib. 2. cap. 10. num. 16.* Hæc doctrina non est temerè confundenda, cum alia simili, quæ versatur circa donationem, aut perdonationem vsurarum à marito factam. Veluti mulier, donec dotem promissam marito traderet, promisit viro vsuras, quæ licitè promittuntur, *l. 1. C. de dotis promiss.* Maritus vsuras sibi licitè promissas, remisit vxori constante matrimonio: hæc species comparatur annuo promisso, vel fructibus dotis elargitis. Si simpliciter sit remissio vsurarum, illicita donatio est, ex sententia Iuliani, quæ obtinuit. Si verò remittantur, vt vxor pascat familiam communem, & onera matrimonij sustineat, non censetur donatio, *l. si quis pro vxore 21. §. 1. hoc tit.* Accedit non dissimilis disquisitio. Mulier promissam dotem marito tradidit: postea vsuras dotis à marito stipulata fuit constante matrimonio: vt fructus sibi in effectu lucraretur, & affectu evacuaret dotem. Queritur vtrum possit exigere vsuras, sibi à marito promissas:

vtrum

utrum sit licita donatio? Et quod decisum in annuo fuit, in hac ipsa quæstione deciditur, *l. si id quod 28. §. ult. hoc tit.* In quo immorari non licet, quia repetenda supervacuò essent, quæ nupèr diximus de donatione annui, & fructuum.

Commodissimè nunc agi potest de adquisitis per servum donatum inter virum, & uxorem. Habemus disertam regulam, quæ traditur in *d. l. de fructibus 17. §. 1. hoc tit.* interim adquisita per servum ad donatorem spectare. Quod si ex re donatarij aliquid comparuerit, mero iure, & optimo iure etiam ad donatorem spectat: quia non est positivè bonæ fidei possessor, adhuc non reuocata donatione; eaque reuocata est verè malæ fidei possessor, ut dixi. Cæterum donatarius servare poterit suum precium per exceptionem opponendam donatori, si servum cum adquisitis petat: quam exceptionem præbuit Iulianus: Marcellus verò amplius ausus fuit; quia & conditionem præstitit donatario ad repetendum suum precium, *l. si vxor 19. per totam hoc tit.* ne donator cum donatarij iactura locupletetur, quæ est perpetua regula, *l. perpetuo 6. de condic. ob turp. causam.* Si queramus rationem, quare servus donatus non acquirit donatario, est quia hæc adquisitio provenit ex bona fide. Hæc bona fides non invenitur in donatario, ergò donatario nihil acquirere potest servus donatus. Queritur, cur acquirat fructus industriales, & non acquirat per servum? Quia fructus industriales, quanvis ex referantur, non proveniunt spontè, sed impensà, culturà, & curà possessoris; quare non fit pauperior donator, quanvis locupletetur ex industria sua donatarius, quod interdictum non est. Adquisita verò per servum donatum, proveniunt ab ipso servo, quæ est res donata; non acquiruntur ex industria donatarij. Ergo restitui debent cum servo donato, manentque donatoris. Non ergò acquiruntur fructus, quia ex re proveniunt; quia si hæc esset ratio acquisitionis, multo magis naturales acquirerentur

tur donatario; fed quia accepti feruntur induftriæ donatarij, eiusque expenfis. In quo recedimus ab opinione Orozij *lib. 4. de apicib. iuris Civil. cap. 8. num. 10.* Adquifita verò per fervum donatum ideò adquirentur donatori; quia ferui induftriæ imputantur, non donatarij, vt in hoc rectè cenfuit *num. 11.*

9 Sed in præfenti non leuis infurgit ferupulus: per fervum donatum vxor non acquirit nequidem ex re fua, *l. per fervum 57. de acquir. rer. domin.* Quod fi non inter viuos, fed mortis cauffa vxori fervus donatus eft, impendenti eft adquifitio, confirmatà quipè donatione, fequuntur adquifita donatarium, *l. fi is fervus 20. hoc tit.* Sed per S. C. donationes intèr virum, & vxorem morte donatoris confirmantur, *l. cum hic ftatus 32. hoc tit.* Ergò etiam in his donationibus danda erat fufpenfio, & retrotractio adquifitorum. Implicauit hunc nodum Accurfius in *d. l. 57.* quem refert D. Larreategui *lib. 4. felectar. cap. 9. ex num. 11.* Sed non explicauit. Pro cuius expofitione prænotandum eft, donationes factas intèr virum, & vxorem infpecto præfenti rerum ftatu nullius momenti efle, *l. 3. §. fiendum, hoc tit.* morte verò fequuta confirmari prout ex tunc: id eft incipere valere, ex quo per mortem donatoris matrimonium diflolutum fuit, quod ab fpéciali probat text. in *l. fed interim 11. §. fi vxor 9. hoc tit.* Donationes verò cauffa mortis in duplici differentia funt: alia, quæ fic fiunt, vt ftatim res fiat accipientis, dominio tamèn refoluendo, fi pœnituerit donatorem, fi prædecefferit donatarius, vel alius calus euenerit, quo donatio cauffa mortis refolui folet. Alia quæ adeò in tempus mortis conferuntur, etiam re tradita, vt ex tunc, ex inftanti mortis fiat dominij tranflatio, *l. 2. l. qui mortis 30. cum alijs de mort. cauff. donat.* de quo ex profeflo dixi in tract. princip. fub illo tract. Sempèr tamèn verù eft, effectù donationis cauffa mortis pèdere ab vltima cõfirmatione, quæ accidit per mortè donatoris, *d. l. 11. §. fi vxor 9.*

Virum coniux coniugi mortis causa posset donare, olim dubitatum fuit, maxime circa illas donationes, per quas statim transferebantur dominium, quantumvis reuocabile. Fulcinius ita permitti posse donationes putabat, si mortis causa in praetextum quaesita non fuisset; sed quia maritus iustissimum mortis metum habebat. Neratius vero, cuius sententia obtinuit, censuit, sufficere quancumque mortis existimationem, *l. Fulcinius. 43. de mort. causa donat.* quia in hoc tempus excurret donationis euentus, quo vir, & vxor esse desinunt, *l. quia. 10. hoc tit.* Valet ergo inter coniuges, non tantum ea, in qua dominium post mortem transfertur, sed & illa, per quam statim translatio fit dominij reuocabilis, *l. siue autem 9. §. ult. l. interim 11. §. 1. hoc tit.* Inter quas illa insignis est differentia: quod datio qua transfert dominium statim, retroagitur ad tempus traditionis, si mors eueniat rebus integris; impleta enim conditione mortis, initium actus spectamus, *arg. ex l. necessario 8. de periculo, & commodo rei vend.* altera vero donatio non retroagitur, quia differtur translatio dominij in tempus mortis, & ex tunc incipit operari. Cuius differentiae effectus subtilius, quam ceteri *l. Consulti*, prosequitur *Ulpianus in d. l. si interim 11. §. quando cum seqq. usque ad pen. ult.* Nosque exposuimus in nostro tract. de donat. causa mort. Prouenit ex hac differentia diuersus quoad adquisita per seruum donatum effectus. Quippe si dilata fuit dominij adquisitio post mortem, quia interim seruus donatus manet in dominio donatoris, nec medio tempore spectat villo modo ad donatarium, *l. si seruus 76. de hered. instit.* vbi alius extat effectus, non acquirit donatario, sed donatori. Quod si fiat per translationem dominij, quia reducitur ad id tempus, quo facta fuit morte sequuta, adquisita medio tempore sequuntur donatarium, interim tamen adquisitio in pendentem est, *l. si is seruus 20. hoc tit. iuncta l. si mortis 40. de mort. causa donat.* Itaque in retroactione, donatio haec causa mortis, cuius

ius translationis dominij effectus confertur post mortem, comparatur simplici donationi inter coniuges; vt enim hæc non retroagitur, ita nec illa. Sic sentiunt Clarus, & Couarrub. apud Gentilem *lib. 3. cap. 34. & 35.* Cujac. *lib. 15. qq. Papin. in d. l. 76. de hered. instit. Gifan. in d. l. 40.* quidquid aliter D. Larreatig. *d. lib. 4. cap. 9. num. 6.* Quare acquisita interim per seruum coniugi donatum, sequuntur donatorem, non donatarium. Nunc agendum esset de *l. donationes quas parentes 25. C. hoc tit.* sed commodiori loco reseruamus.

10 Diximus per seruum donatum donatario coniugi non acquiri absolutè, neque ex re eius; videamus, si saltem acquirat donatario ex operis. Quod idem est, ac querere, si seruus à viro vxori donatus sit, & aliquas operas ediderit vxori, reuocata postea donatione, an precium operarum teneatur restituere marito? Vel an si retento dominio serui, maritus operas concesserit vxori, illicita sit donatio? Hęc questio extat decisa in *l. si vir 18. l. si id quod 28. §. si quas 2. l. sed si vir 31. §. si vir. 1. hoc tit.* in quibus docemur in his speciebus non versari illicitam donationem. Si iuris strictam rationem intueamur, acquisitio, quæ fit ex operis, non minus requirit bonam fidem, quam acquisitio, quæ procedit ex re ipsius donatarij, *l. adquiruntur 10. §. de his 3. cum seqq. de acquir. rer. domin. §. de his autem inst. per quas person. nob. acquir.* Et in acquisitione ex operis non magis donatarij industria perspicitur, quam in donatione, quæ fit ex re ipsius. Vtraque enim prouenit ab industria serui, & eius facto peragitur. Sed quia hæc non sunt tanquam inter infestos tractanda, placuit, vt non minus mulier vti posset seruis mariti, ancillisque ad suas operas, & ad lanificia; quam alijs vtensilibus, & vestibus, *d. l. id quod 28. §. si quas 2.* Ecce ab stricta ratione recessum fuit æquitatis intuitu. Vide Gentilem, qui tamèn non hoc modo disputat, *lib. 2. cap. 18. & 19.*

11 In his tamèn casibus, in quibus vxor operis,

ris, ministerioque seruorum mariti utitur, naturali ratione tenetur illis exhibere alimenta, *l. in rebus 18. §. possunt 2. commod.* alioquin ex re viri locupletaretur, & vir pauperior fieret, amissis operis seruorum, & illis inutiliter pactis, *arg. ex l. 3. de operis seruor.* auaritiaq; mulieris argueretur, quæ sibi commodum procuraret, & cibarium damnus imputaret marito: qui familiam propriam, & in commune operantem alere tenetur, *l. sed si vir 3. §. non videtur 9. cum seq. hoc tit.* Ergo si familiam vxoris pauit, condicet, quidquid in alimenta insumpsit. Item si vestimenta seruis dedit; quia donatio est, non valet; sed eatenus reuocatur; quatenus manent vestimenta, non si vsu fiant deteriora; quia in hoc articulo etiam dicimus, quæ de vsu vestimentorum concessio mulieri annotata manent, *l. in rebus 66. §. 1. solut. matrim.*

12 Salebrosa sunt hæc, de quibus disputauimus: hætenus; cætera prosequemur expediitius. Valet donatio facta ad vecturam, vel vectigal in itinere præstandum, ab vxore, *l. si quis pro vxore 21. in princip. hoc tit.* Vectigal præstandum in itinere fortè est portorium, quod soluebatur à transeuntibus per pontes equis, carrucisve, de quo agitur in *l. cum in plures 60. §. penult. locati*, videndi Pancirol. *lib. 3. var. cap. 31. tit. de portorijs.* Cæsar Bulenger. *de vectigalib. cap. 6.* qui nostri textus meminit. Valet, inquam, licet in pactis nuptialibus de hoc sumptu vxori præstando non conuenisset; quia est pars onerum, quæ maritus debet sustinere: maxime si ad maritum profecta est vxor, vel viri causa iter facit. Alioquin si sua sponte, aut luxu vagatur, & hac illac discurret, quæ Romanarum mulierum vitia fuerit, vt ex Tertulliano, & D. Chrylostomo notat Gentilis *lib. 2. cap. 6.* & maritus offerat sumptus, non tam interdicta promissio est ex nostro titulo, quam turpis, quæ non mariti causa, sed peregrinandi desiderio fit. Ex hac obseruatione nouiter expono Papiniani textum, in *l. inter 26. §. conuenit 3.*

de pact. dotalib. In eo proponitur hæc conuentio in ipsis pactis dotalibus inita: *vt mulier viri sumptibus quoquo iret, ueheretur.* Audeo dicere pactum non substituisse, quia licentiam præbebat mulieri vagandi, & peregrinandi, quod est contra bonos mores; nec ex re, aut causa viri, sed contra eius exultationem. Hoc inito pacto, maritus, qui in prouincia merebat stipendia cum vite centurionis, per litteras euocauit uxorem, vt ad se proficisceretur. Litteræ fuerunt euocatoria, non conuentionales: pactum absolutum fuit, & nimis generale; *quoquo iret mulier;* causa euocandi iusta fuit, & ex re viri. Mulier ergo litteras mariti sequuta, marito obtemperans, ad eum proficiscens sumptus fecit: quæritur vtrum possit eos à marito exigere? Ratio dubitandi; quia conuentio nullius momenti fuit tanquam de re non honesta, id circò potuit maritus conuentionis fidem non seruare. Ratio decidendi: conuentio absoluta, & generalis, quæ mulieri licentiam vagandi præbebat, non est causa producendi obligationem, quanuis mulier faciat, & iuste ex parte sua impleat: sed iudex æstimare debet factum, omnesque circumstantias eius, secundum quas denegabit, vel dabit actionem; textus optimus *in l. vlt. §. vlt. de obligat. & actionib.* cum ergo non oriatur actio ex conuentione, sed ex iusto facto, consequens est, vt detur actio in factum, utilis; extrema linea actionum; qualis est, de qua agitur *in l. quia actionum 11. de prescript. verb.* Ex præfato textu tentauit *lib. 2. Opusculorum sect. 1. cap. 11.* probare, ex contractu *facio vt des* ciuilem præscriptis verbis nasci actionem. Per contrarium D. Hieronymus de Oroz *lib. 2. cap. 6. num. 23.* nititur ex eodem probare, actionem de dolo tantum competere; que in honorem matrimonij mitigatur, in actionemque in factum conuertitur, vt *in l. non debet 11. in fine de dolo, l. apud Celsum 4. §. aduersus 16. de doli*

doli except. l. 1. C. de iure dot. l. 2. C. rer. amotar. quam expositionem acceptam ferre debuit Fulgofio in d. §. conuenit, Petro Gilkenio in l. legem 10. C. de pact. num. 45. & seq. vt acceptam tulit: magnus, & Illustrissimus Præceptor meus D. Ramos in M. Strad. leg. iuris §. 7. §. sed cum nulla 4. num. 27. de pact. Sed neutrius causa Papiniani testimonio fouetur: quia Consultus, insuper habitâ conuentione, tantum querit, an ex facto proficiscendi ad maritum, actio nascatur? Si adesset valida conuentio, ego dicerem nascituram esse actionem præscriptis verbis; de qua ideo forsân quæsiuit Papinianus: quia nullâ inter contractus innominatos factâ differentiâ adhuc sustineo, ex contractu *facio vt des.* ciuilem oriri actionem. Orozius negaret, qui serio, & acriter in hoc articulo à me dissentit. Sed non tantus amor opinionum mearum me tenet, vt quacunque arreptâ occasione, à lineis abeam earum tuendarum gratiâ: tempus erit, & occasio opportunior scripta mea vindicandi.

13 Inter coniuges valet mutua, & reciproca donatio: & hoc mero iure fit, rebus omnibus in statu pari manentibus. Quia si vterque donatarius pariter locupletior fit, vterque nostrâ conditione inuicem manet obligatus; ergò condici non poterit, quod compensatum fuit, d. l. si quis pro uxore 21. §. 1. in fine hoc tit. Ex quo exponitur vetus Labeonis sententia, quæ extat in l. ult. hoc tit. Mulier à viro donatos nummos accepit, quos non consumpsit inutiliter, sed seruum comparauit: hunc viro donauit. Respondit Labeo, nullam actionem eo nomine reddi posse, licet ambæ donationes eo affectu fierent, quo solent fieri, quæ moribus interduntur. Ratio manet notata: quia licet seruus mulieris fieret; tamèn in eo locupletior facta fuit, dum extat, l. vxor marito 55. hoc tit. videndi sunt Cujac. in l. vnic. §. taceat. C. de rei vxorie actione, & tract. 8. ad African. in l. qui balneum 9. qui potiores in pignore, Donell. lib. 5. comment. cap. 2. Gentilis lib. 1. cap. 17. & notabiliter Noguierol allegat.

allegat. 7. num. 30. Hunc marito donauit; & sic perdidit,
l. filius fam. 7. de donat. Ergò iam deinceps non potest
 considerari locupletior; nec deinceps res, pecuniæ
 extat apud mulierem. Quod probat, maritum contra
 mulierem non posse agere condictione nostri textus.
 Rursus, nec mulier contra maritum: quia in seruo per-
 seuerat effectus pecuniæ sibi à marito donatæ, ex qua
 seruus comparatus fuit. Igitur condicendo seruum à se
 emptum, quem mero iure suum dicere potest, vel vind-
 icando, vt magis propriè loquat; trahit post seruum
 pecuniã sibi à marito inutilitèr donatã, & qua com-
 parauit seruum: quare cum circa idem corpus vtriusq;
 coniugis ius versetur, nec censetur maritus donasse pe-
 cuniã, postquam penes se habet seruum ex ea emptũ;
 nec mulier donasse seruum, quem ex pecuniã mariti ad-
 quisit. Itaque in repetitione rerum esset avaritiã, non
 in donatiõibus: avara enim esset mulier, quæ repetere
 vellet à marito seruum; quem nummis mariti emit;
 avarus maritus, qui ac cepto seruo, nummos vellet con-
 dicere. Eleganter itaque concludit Labeo non posse da-
 ri actionem in prædicta hypothesi, in qua mutua dona-
 tio circa eandem rem versatur; non dico eandem rem
 naturalitèr, sed interpretatiuè: interpretamur enim ser-
 uum emptum de pecuniã mariti; idem esse cum pecu-
 niã: aliõquin si maritus donasset seruum vxori, & ipsa
 eumde seruum redonasset marito; de repetitione quari
 non posset: magis quippè rei donatæ restitutio esset,
 quam reciproca donatio. Videamus nunc de mutua do-
 natione summæ; aut quantitatis diuersæ secundum ius
 vetus. Vir, & vxor invicem sibi quina donarunt: eadem
 summa non est eadem res, quia quantitate censetur, non
 corpore, *l. Tertia 87. de legat. 2.* maritus donatã sibi sum-
 mam seruauit, & ex ea locupletior factus fuit: vxor per-
 didit, consumpsit. Mero iure valuit ex postfacto dona-
 tio in mulierem collata, quia non fuit facta locupletior,
l. sifsonus 5. §. cum igitur 16. hoc tit. & invalida remanet
 in

in maritum collata donatio ex contraria ratione. Igitur mulier condicere poterit sua quinque. Sed Imperator Hadrianus constituit, fieri donationum compensationem, *l. quod autem 7. §. si vir. 2. hoc tit.* Tempore Hadriani vigeat ius vetus, quo donationes inter virum, & uxorem non confirmabantur nudâ voluntate, si donator perseverans in eadem voluntate decederet, *l. cum pater 77. §. pater filix 17. de legat. 2.* ideo hoc rescriptum tantum respexit donationes ipsas secundum mores; & licet locupletior maritus fuisset, vxor non eficeretur locupletior, voluit, vt compensarentur summâ donatâ invicem. Sequito postea rescripto Antonini Caracallæ, aliter disputari capit de donatione reciproca, siuè sub idem tempus facta, siuè diuersis temporibus. Nam si maritus, qui saluam pecuniam retinuit, prior decessit: & mulier, quæ consumpsit, supervixit: repetit pecuniam ab heredibus viri, quos ex pecunia donata inuenit locupletiores. Quod si vxor perseverans in eadem voluntate prædecesserit, morte confirmata fuit donatio, nec heredes eius condicere à marito summam poterunt. Igitur si vterque saluam retinet pecuniam, confirmatur donatio ab eo facta, qui prædecessit; & qui superviuit pecuniam à se donatam condicit, *l. cum hic status 32. §. quod ait oratio 9. hoc tit.* Itaque Hadrianus proculdubio fecit compensationem reciproca donationis non spectato euentu mortis, de quo illo in tempore non curabatur. Antoninus verò expectauit tempus mortis. Quare si morte dissolutum fuit matrimonium, non facimus compensationem in vita: sed tunc tantum facimus, quando diuortio mala gratiâ facto dissoluitur matrimonium, *d. §. 9. in fine.* Textus, in quo refertur rescriptum Hadriani generalitèr loquitur, nec mortis, nec diuortij meminit. Textus, in quo exponitur rescriptum Antonini, loquitur magis partitè, & distinctè. Igitur ex mente compositorum generalius per speciale intelligendum est, & vetus ius trahendum est ad nouius, *l. non est novum*

26. cum duabus fequentib. de legib. iunctis notatis à Donello, & Ostialdo lib. 1. cap. 2. per totum & cap. 13. lit. K. & L. Et fic de his textibus cenfeo, de quibus paulo aliter cenfuit Gentilis d. lib. 2. cap. 20. & 21. in quo etiam agit de donatione remuneratoria; de qua Confultos in hoc tit. non difputaffe certò mihi perfuadeo, & ideo abftineo: quia alibi ex profeflo de ea difterui.

14 Exilij cauffa valet donatio, vt coniux exul habeat, vnde fe tueatur in exilio; hanc enim donationẽ non extorquet coniugis donatarij avaritia; fed propter misericordia n donatoris fit, l. intèr 43. hoc tit. l. fed & fi mors 13. §. 1. eod. tit. ibi, placet in cafum deportationis donationem factam valere. Non eft cum hoc cafu temerè alius confundendus; nempè de donatione, quam facit coniux, qui poftèa exilium paffus fuit, hæc enim donatio non fit exuli, fed ab exule. Donatio cauffa mortis, quocunq; tempore facta, refoluitur, fi deportatus fit donator, vel capitali fupplicio affectus, quia pervenit ad cafum a quo incipere non potuit, antequam confirmetur, l. fi quis 7. de mort. cauffa donat. Si verò conftante matrimonio intèr virum, & vxorem facta fit, interueniente deportatione, nec irritatur, nec confirmatur; fed manet, quia manet etiam matrimonium. Ergò maritus dum viuit, potefl reuocare donationem, vel fi in eadem voluntate perfeuerat, morte naturali confirmabitur, d. l. 13. §. 1. Conftantinus verò in l. 1. C. Theod. de bon. profcripr. quæ decurtata refertur in l. res vxoris 24. C. hoc tit. confirmans Vlpiani fententiam, hoc amplius fanxit, vt confirmaretur vltimo fupplicio, vel feruitute ingruente, quemadmodũ morte naturali. Excipiendus eft cafus fpecialis, fi quis mortem fibi confciuerit, vel ob perduellionis crimen eius memoria damnata fit; quẽ non excipiens Cõftantinus, fed non expreflè cõprehendens, voluit vt indifpofitione iuris veteris maneret, l. cũ hic ftatus 32. §. fi maritus 7. h. t. Cætera legi poffunt in fr. cap. 8. ex n. 8. & in noftro tractatu principali cap. 4. ex n. 19. pro expofitione text. in l. poft con. tract. 15. de donationib.

15* Dignitatis etiam consequendæ gratiâ donatio inter coniuges permittitur, *l. si proprijs 21. C. hoc tit.* Principalibus enim constitutionibus concessum fuit mulieri, in hoc donare viro suo, ut is ab Imperatore relato clavo, vel equo publico, similive honore decoraretur. *Ulpian. lib. singulari regul. tit. 7. in princ.* Referuntur eadem constitutiones fortè Antonini Pij, & Antonini Caracallæ *in l. nam, & Imperator 41. l. nuper 42. hoc tit.* Eatenus vero ex his causis, donatio permittitur, quatenus dignitati supplendæ opus est, *l. quod adipiscendæ 40. hoc tit.* Alioquin quod excedit, in fraudem interdictionis concessum censetur. Exempla talium donationum hæc proponuntur. *Ad processus viri*, id est progressus faciendos in honoribus consequendis. *Ræuard. lib. 2. coniect. cap. 9.* in prima expositione, *Gentilis lib. 2. cap. 5.* *Gothofred. in d. l. 41.* Item *lati clavi* petendi causa. Hæc est dignitas Senatoria: vel Tribunatus militum laticlavius, qualem gessit Rufinus vir clarissimus *in l. 4. C. de testam. milit.* Ex diuerso Suetonius Lenis pater Suetonij Tranquilli Cæsarum Romanorum nobilis Viographi bello Dalmatico cum Othone inter fuit tertiædecimæ legionis Tribunus angusticlavius, referente filio *in vita Othonis cap. 10.* Et ille, cui tanquam impudico, & nihili estimando vitæ per Domitianum concessa fuit, laticlavius Tribunus erat. *Sueton. in eo cap. 10.* Genus fuisse vestis latum, & angustum clavum omnibus in comperto est; quæ supra tunicam, & infra togam demittebatur: tunicæ adstringendæ causâ, ne nimis laxa disflueret, demittebatur etiam per brachia, usque ad manicas: nec consuebatur tunicæ, sed demittebatur. Et cum illi vsui deferuiret, honoris causâ gestabatur: iuxta humeros, & pectus clavi latitudo distinguebat ab equitibus Senatores. Id circò modestiæ causâ *Velleius lib. 2.* refert, Mœcenatem primum Augusti Ministrum, vixisse angusto clavo contentum. Itaque latus clavus fuit insigne primæ, & posterioris nobilitatis. Facit elegantèr ad rem nota

ra Alij Lampridij in vita Alexandri. Florente, quidem imperio, inquit, tantum laticlavo vsi sunt Senatores, & Præfecti prætorio. Non tamen omnes Senatores laticlavi fuerunt; quibusdam enim hic honos denegatus fuit in initio allectionis. Sueton. in Claudio cap. 24. Quibusdam post concessionem ademptus, idem in Tiberio cap. 35. Imò, & his, qui gerebant dignitates curules speciali gratia concessum fuisse, licet essent Senatores, indicat Plinius lib. 2. epistola 9. Augustus verò Senatorum liberis etiam permisit, cum curiæ ingressu, vt celerius Reip. assuescerent. Sueton. cap. 38. Sed non diu obseruantia hæc mansit, & postea mutatum, vt vidistis. Vides iam quid significant verba d. l. 43. laticlavi petendi, impetranda enim erat gratia etiam à Senatore. Formam latæ clavi se ignorare ingenuè fatetur Lazarus Bâsius de re vestiaria, nec rectè describunt Alexander Neapolitanus, Tiraquellusque lib. 2. dier. genial. cap. 29. & lib. 5. cap. 18. Ioann. Baptista Egnatius in Scholijs ad Vopiscum in Aureliano. Distinctius verò, & accuratius describunt Guidus Pancirolo lib. 1. variar. cap. 13. Cujac. lib. 12. obseruat. cap. 39. Marcellus Donatus in elucidationib. ad Sueton. in Cesare cap. 45. pag. 245. & in Augusto cap. 38. pag. 381. Henricus Salmuth in notis ad memorab. Panciroli lib. 1. tit. 45. Vide alios relatos à Rosino lib. 5. cap. 33. Radero ad Martial. lib. 5. Epigram. 22.

16 Non prosequar cætera exempla, in quibus amænitas plus est, quam rationis iuris: noto tamèn valorem huius donationis attribui rescriptis Imperatorum in d. l. 40. cum seqq. Quæ non multum necessaria videntur; valent enim mero iure donationes, ex quibus donatarius locupletior non fit, d. l. si sponsus 5. §. cum igitur 16. hoc tit. Sed vir, qui in lato clavo assequendo, & in consequenda equestri dignitate, quam clavum angustum intelligo, donatam pecuniam consumit, locupletior non fit. Igitur ex iuris ratione, & absque rescriptorum necessitate hæc donatio debuit subineri, quod docemur in

d. l. si proprijs 21. C. hoc tit. & agnouisse videtur Osuald. in l. iulienta nota ad Douell. lib. 19. cap. 4. litt. XX. Sed vt respondeam, animadverto, multa postmodum citrà dubitationem recipi, quæ in initio summis ambiguitatibus vexantur: cum autem ludorum expensæ, quibus facillimè Consulatus parabatur: per quas diuites viam sternebant ad honorem, vt conqueritur Imperator Aurelianus apud Vopiscum *in eius vita*, essent, inquam, expensæ à magistratu gerendo inseparabiles, & dignitas, patrimoniumq; maximum incrementum à Consulatu acciperent. Itemque latus clavus honor quasi necessarius esset Senatori: per equestrem verò dignitatem iudicandi potestatem, & militaria munera potiora exercendi consequerentur Romani. Quæ omnia pro certis statuo, magis quam fando: merito rescriptum exposulauit, & imperatoriam decissionem hæc quæstio. Imperatores verò respicientes hæc patrimonij incrementa non immediata esse; non per se euenire, vt sic dicam, sed accidentariè; non innouantes, sed suprema potestate ius interpretates, *vt in l. ult. C. de legib.* rescripserunt, donationes ex his causis factas, valere. Quæ Imperiali interpretatione supposita, postea de facili respondebant, valere, quia donatarius non fiebat locupletior.

17. Valet etiam donatio propter consuetudinem regionis illorum manerum, quæ assidue, & ex vrbanitate reciproce mittuntur. Veluti diè natali, & Kalendis Martijs, quæ matronis sollennes erant. Si in nodicum manus mittitur, videtur occasio quæsitæ, & prætextus sumptus ad fraudem; ideo quatenus moderationem excedit, non valet. Manus diè natali dari, mittive solitum, dicitur natalitium *in l. inter 194. de V. S.* De quo latè egi *in tractatu principali cap. 1. ex num. 1. 2.* De Kalendis Martijs, & muneribus consuetis, quibus mariti, consanguinei, & noti matronas prosequerentur, itemque de donis natalitijs promiscuè pro illustratione prædicti textus, videndi sunt Iustus Lipsius *lib. 1. Saturnal. cap. 16.* Pancirol. & Salmuth *lib. 1. memorabil.*

rabil. tit. 64. P. Roa cap. 3. 13. & 17. alij apud Ofaald. *n. Do nell. lib. 3. cap. 12. litt. F. & G.* & apud Iroferum Amayan. *in l. vnic. C. de oblat. votor. lib. 12. n. 12.* noſtrū etiā Larræā *decif. Granatenf. 25. num. 7.* & ſeq. multoſque alios retulimur in loco proximè indicato, ne in his exoticis immoremur. Addendus etiā eſt Gentilis *lib. 2. cap. 11.*

18 Fiunt etiam donationes, quæ valeant, in caſum diuortij, inter diuertentes. Et quæ ſolet eſſe cauſa reuocandi donationes a coniuge factas, *l. cum hic ſtatus 32. §. ſi diuortium 10. hoc tit.* eſt cauſa nonnunquam luſta, & valida donationis faciendæ: Vlpian. *in frag. tit. 7. in princ.* Cautè tamèn hæc omnia tractanda ſunt, & cum circunſpectione; quia ſub prætextu diuortij fraus poſſet quæri, & parari noſtræ interdictioni. In primis inſpicimus an diuortium ſollennitèr intercedat, ſecundùm legitimam obſeruationem; præſentibus ſeptem teſtibus puberibus, per libertum eius, qui diuertit, *l. nullum 9. de diuort. addendi ſunt Briſſon. lib. ſingul. de adulter. tit. diuortii ſeptem Ciuibus. Ræuard. ad ll. 12. tab. cap. 21.* & alij huius inſtituti Scriptores. Hieronymus Magius *lib. 2. miſcellan. cap. 15. extat 2. tomo Criticor. pag. mihi 1342.* D. Ferdinandus de Mendoza *lib. 2. pro confirmando Concil. illiber. cap. 18.* Couarrub. *2. p. in quartū cap. 6. §. 4.* Petr. Barboſ. *in rub. ſolut. matr. 2. p. à princ.* P. Sanchez *lib. 10. diſput. 1.* Quia cū alitèr factū pro infecto ſit: conſtat ob inutile, & nullum diuortium non valere factas donationes, *l. ſi non ſecundū 35. hoc tit.* Igitur ſi vxor nõ diuertat, ſed placandi viri cauſa ad tēpus recedat à marito, quod frigusculū dicitur; neq; etiā huius cauſa donatio rectè celebrabitur: manet ergo donatū quiēſcente frigusculo, quemadmodū, ſi illud nõ interceſſiſſet; id eſt, nec valida ſtati n, nec reuocata cenſetur: ſed in ſtatu eſt, vt morte valeat confirmari ex Senatus-Cōſulto, *l. cū hic ſtatus 32. §. quod ſi diuortium 12. hoc tit.* hæc iracunda ſeparatiō tēporalis iurgiū appellatur à Papiniano *in l. quod ſi non diuortium 31. de iure dor. & in l. ſi liberis 27. de pact. dotalib.* addendi ſunt Petrus Faber; Ræuard. & Iacob. Gothofred. *in l. quidquid 48. de reg. iur.*

Deinde debet fieri donatio ipso diuortij tempore: quippe si fiat constante matrimonio, quando inter coniuges de separatione non cogitatur; fraude donatio facta intelligitur; nec valida est, sed reputatur, sicut cetera donationes inter coniuges factæ, *l. si interim 11. §. vlt. cum l. seq. hoc tit.* quare sequuto postea diuortio mala gratia facta reuocatur, morte donatoris confirmatur, vel si ratam illam donator habeat, quo tempore diuerterint, *d. l. 32. §. si diuortium 10. cum seqq. hoc tit.* Hæc verò donatio facta dicitur in casum diuortij, quia si ante diuortium fiat, cogitatione diuortij postea celebrandi, interim, ut dixi, quasi in suspensio est, & euentum præstolatur: nam si sequatur diuortium, perseverante in eadem voluntate donatore, valida est: quod si morte matrimonium dissoluatur, non confirmatur donatio; in quo distat hæc donatio à simplici donatione inter coniuges, *l. sed si mors 13 hoc tit.* Quia non fit simpliciter, sed sub illa conditione, si diuortio separatam matrimonium sit. Pacta verò, conditionesque, quæ in casum diuortij placuerunt, non trahuntur ad casum mortis, vel è contrà, ut dixi *lib. 1. de interd. & relegat. cap. 5.* posteaque luculenter notauit noster Don Nicolaus Antonius *lib. 2. de exilio cap. 8. & 9.* Posset tamèn ex facto iniici scrupulus; cum enim plerumque inimico animo diuertant coniugati, ut supponit Tryphoninus in *l. Cicero 39. de pœnis*, & donatio signum sit beneficii, & beneuolentis animi, *l. 1. de donation.* qui fieri potest, ut in casum diuortij fiant donationes? Huic obiectioni satisfaciunt Hermogenianus, & Gaius in *l. vitricus 60. §. 1. cum duab. legib. seqq. hoc tit.* Multoties experimento cognitam fuisse donationem propter diuortij causam: quia non semper coniuges inimico discedunt animo, sed aliquando bona mente suæ, ut dicebant, bonâ gratiâ. Videlicet quanto vterque consentiens à diuina humanaque societate spontè abibat. Iure Digestorum quidè etiam sine causâ: quia libera fuerunt matrimonia tam in contractu, quam in distractu, *l. stipulatio*

latio 19. *de verb. obligat. l. 2. C. inutilib. stipular.* Frequentiùs verò ob iuftam cauſam, qua fuperveniente commodè non poterat retineri matrimonium, vt in *l. uxores 6. de diuort.* Poſteà per leges Theodoſij, Anaſtaſij, & Iuſtiniani omnibus diuortijs cauſæ fuerunt præſcriptæ, citrà quas celebratis, pœnis in iure ſtatis diuertētes lubeffent, *l. conſenſu 8. l. conſtante 9. C. de diuort. & authenticis ibi poſitis nouell. 22. & ſimilib.* vbi videndus eſt Cujac. & alij apud Petrum Barboſ. *d. 2. parte rub. ex num. 5.* & remiſſiue adducti à noſtro Amaya *lib. 2. obſeruat. cap. 1. num. vlt.* Giſfan. *in d. l. conſenſu 8.* Ex his cauſis ſex referunt exempli gratià, vt Gentilis rectè obſeruat *d. lib. 2. cap. 11.* noſtri I. Conſulti. Sacerdotium, Sterilitas, Senectus, Valetudo, Militia, Captiuitas. Prima cauſa, vt ad mentem Hermogeniani loquamur, Æthnici I. Conſulti, fuit Cereris Sacerdotium; quod vt ſubirent mulieres, ſi vxorata erant, amicà ſeparatione viduabantur, vt inquit Tertullianus *de monogamia.* Et alijs locis, ex quibus ſic expoſuerunt Ræuard. *lib. 1. coniectan. cap. 2.* & Michael Rouſel, niſi auguſtius nomen ſub larva lateat Michaelis prædicti, *de hiſtor. Pontificie iuriſdict. cap. 4. num. vlt. lib. 1.* De cæteris cauſis paſſim agunt Interpretæ, nec nobis in illis licet immorari.

19 Annectamus ſuperiori caſum valdè ſimilem: vt enim diuortij cauſa donationes fuerunt permiffæ, vt viduatus coniux haberet, vnde ſe tueretur, & aleret; ſic caſus incendiij propriæ domus viſus fuit dignus miſericordià coniugali: Et quoniam ex profuſione donantis, aut ex auaritia donatarij; ſed ex miſericordià æſtimandus erat: Quid ſi proximo ſuperiori hunc caſum comparem? In quo ſollennia munera inter coniuges fuerunt permiffa; vt vrbaniſas, quæ inter extraneos retinebatur, non deſideraretur inter coniuges maxima charitate coniunctos. Vtrumque conſidero in donationibus factis proptèr incendium ædium: quæ valida ſunt, *l. quod ſi vir 14. hoc tit.* Non valent indiſtinctè ſi vir donauerit,

1. Statuas ex marmore cā dido nudas ad artis ostē tationem.

2. Nobiles artifices statuarum.

3. Pro Asia- ticus, & Sa- motracis po- nitur: qui e- rant Iupiter, Iuno, &c. vetera orna- menta, exu- vias intelli- git veterum ornamento- rū: nam & Demon reli- quijs suis venerationē ambiebat.

4. Statuam Mineræ medio te- nūis corpore quæ olim bi- bliothecis præsidebat.

5. Persicus iam ex casu luctificat, & meliora re- ponit, quam antea possi- debar; quia est orbis; ca- ret herede necessario, & à multis captatur ar- reptā incen- dij occasio- ne.

vt mulier in suo ædificet, vel vt ædes suas reparet, vt di- citur in *l. antec.* Sed vt reparet, reficiat, restituat domus incendio absumptas, vel deteriores factas, valida sunt. Non quia donatarias non fiat locupletior, quod censue- runt Accursi. Accursiani, & Cujacius: sed quia cessat in- terdictionis ratio; cum hæ donationes non per auaritiã extorquentur, sed ex misericordia fiunt, vt exposuit cū iudicio Gentil. *lib. 2. cap. 8.* Addo ego, causam hanc lar- giendi adeo apud Romanos sollemnem fuisse, & in vsu, vt Pœtis Satyrã opus esse videretur ad avertendum morem Reip. perniciosum: adeo enim excedebant Ro- mani in huiusmodi largitionibus, vt facillè suspicaren- tur versuti, multos incendere domus suas, vt indè quæ- stum facerent. Quam malitiam ægrè ferimus transferri à nostris ad casus incendiolorum, quæ accidunt domibus religiosis, quos charitas fidelium plerumque emendat maximo cum incremento. Referamus non nulla testi- monia. In primis in cetera plurima, quæ detestatur Iuvena- lis *Satyr. 3. in princ.* illud est, *horrere incendia, lapsus --- Tecto- rum assiduos.* Et paulò post, & apertiùs.

Ardet adhuc, & iam occurrit, qui marmora donat. Conferat impensas, hic nuda, & candida 1. signa, Hic aliquid præclarum Euphranoris, 2. & Polycleti, Phœcæianorum 3. vetera ornamenta Deorum. Hic libras dabit, & forulos, mediamque 4. Mineruam, Hic modium argenti: meliora, & plura reponet Persicus 5. orbis laudissimus; & merito iam suspectus tamquam ipse suas incendit ædes. Allusit etiam Synchronus Pœta Martialis *lib. 3. epigram. 52. vel 51. & apud Raderum. 40.*

Empta domus fuerat tibi, Togiliane, DVCENTIS:

Ab hinc hanc nimum casus in urbe frequens.

Collatum est DECIES. Rogo, non potes ipse videri

Incendisse tuam, Togiliane, domum?

Nota saltem, siue Scœmma Martialis: empta domus fue- rat

rat à Togiliano ducentis sestertiùm; propter incendium ab amicis accepit decies sestertiùm, lucratus ergo fuit pro singulis sestertijs quina; quæ est versutissima versura. Igitur in casu incendij separandus est misericordiæ, & humanitatis opus, à vanis & sumptuosis largitionibus. Idcirco Consulti licitam fuisse donationem, in quantum opus erat ad refectionem domus responderunt; non tamen quatenus excedit, *d. l. 14.* Cuius decifioni rectè comparat Gentilis *d. cap. 8.* aliam novam Iustiniani in *l. si quis pro redemptione 36. §. eademque 2. C. de donat.* in qua ab insinuatione liberum fecit donatorem, qui largitus fuit in refectionem, vel restitutionem domus incendio, vel ruina consumptæ. Quod verò adducit de sumptibus factis in curanda agrâ uxore, qui ipsi non imputantur, sed potius maritali affectioni, *l. quod in uxorem 13. C. de negot. gesti.* huc non est trahendum; quia hæc non tam donatio est, quam supportatio onerum matrimonij, maximè quantum dos patitur, *l. sicum dotem 22. §. si autem in seivissimo 8. solut. matrim.* vbi Baldus, & nonnulli Classici hanc versant questionem, *269. vult.*

Superest, quantum ego ex lectione titulorum comperio nouissimus casus permisarum donationum, à Iustiniano excogitatus in *l. donationes quas divus 26. hoc tit. in suo C.* in qua Imperatorum nouissimus, nouissimè constituit, ratas, firmatque esse illicò, non spectatà morte, donationes, quas Imperator in Augustam contulit; vel Augusta in serenissimum Imperatorem. Hoc amplius constituit, minimè indigere tales donationes extrinsecà opitulatione: hanc esse existimo insinuationem, quam omnes donationes desiderabant ex lege Constantini, quæ est *1. C. Theodos. de donat.* & emendata correctaque ad ius novum refertur in *l. donatio 25. C. Iustin. eod. tit.* vt alibi latius notauimus. Itaque Princeps, & Augusta à duplici lege soluti fuerunt. Siuè à moribus, quibus inter coniuges prohibita erant donationes; & à lege insinuationis. Statim occurrit diffi-

castas, cum vi Imperij Princeps; & per participationem
 Augusta soluti sint legibus; *l. Princeps 3. i. de legibus.* Qua-
 re usque ad Iustinianum, utroque iure viuebant adstri-
 cti. Respondeo, solutos esse Principes, vi coacti à le-
 gum, cum supra leges sint; si illas obseruare nolint; à
 nemine posse adigi; hoc enim vnum in principatu bea-
 tissimum est, à nemine cogi; vt dixit Tacitus in quare
 poenalibus legibus à se laici non tenentur. Non solvuntur
 tamen vi directi uà, rationeque quae leges sunt subnu-
 xae; inò pre modestia sub illis viuere volunt, *l. digna vo x*
4. C. de legibus. Paritur quare clam; si institutus sit filio ex-
 heredato, *l. Papinianus 8. §. Imperator 23. de inoffic. testam.*
 Ex imperfecto testamento; & citrà iuris Ciuili obser-
 uationem facti nihil vult capere; *l. §. ex imperfecto iust.*
quib. mod. testam. infirmant. Detractionem Falcidia, *l. C.*
legatis 4. C. ad leg. Falcid. Denique legibus; & secundum
 leges vult viuere; vt alijs non è viuendi exemplo sit; quod
 argumentum illustrat Plinius in panegyrico, accurateque
 versant Menchaca *lib. 1. cap. 26. à num. 13. & 41. per to-
 tum, pater Magister Marquez lib. 2. Gubernator. cap. 2.*
Osuald. ad Danell. lib. 1. cap. 7. litt. A. Lyclamao membran.
lib. 1. lectoga 10. §. 5. Amaya lib. 1. obseruat. cap. 1. à num.
91. Pichard. cum multis in §. actionum 28. i. quest. 2. num.
*6. Sapientissimus Solorzanus in emblem. regio-politico. em-
 blemate 69. cui hoc lemma: pareto legi, quisquis legem tale-
 ris. Ergo Iustinianus soluit se, suamque Theodoram, &
 Principes successores iure illo; cui adstricti voluerunt
 viuere retro Principes. Additque rationem; quia con-
 tractus Imperiales vim legis obtinent; ibi: *Utpote impe-
 rialibus contractibus legis vicem obtinentibus.* Sensus est, vt
 imperiales contractus vicem legis obtinent; sic dona-
 tiones factae ab Imperatore non minus roboris debent
 obtinere. Quae ratio videtur insulla; quia etiam con-
 tractus priuatorum ex cōuentione legem accipere dig-
 notantur, vt est iuris Canonici regula, quae ex iure Ci-
 uili probatur, *l. 1. §. si conuenit. de positi. l. C. Aristori 39.**

mandati, l. contractus 23. de regul. iur. Et ut testamentum Principis lex dicitur à Dico Ambrosio in lib. de obitu Theodosij, sic lex appellatur dispositio testamentaria privati à Iustiniano nouella 22. §. disponat. Alio tamen sensu, ut Imperatorem defendamus, dicitur lex testamentum, & contractus Imperatoris, alio, testamentum, & contractus privati: hæc enim appellantur lex per quandam analogiam, quia ligant contrahentes, vel heredes testantis, ut lex à ligando, vel ab obligando dicitur, teste D.odoro. Illa verò sunt proprie leges, quia quidquid Princeps fecerit, & si non sit legitime, siue secundum formam legis factum, legitimum, & ratum est, cum non teneatur obseruare in actibus suis formam à lege sua præscriptam, ut doctè exposuit Cuiacius lib. 26. obseruat. cap. 35. Vnde quidquid dicitur de dispositione legali, debet dici de donationibus, & testamentis Principum, ut in occurrenti casu notauit Costa in §. cum in bello Scholio ultimo, num. 12. Rectè ergo concludit Iustinianus sic: licet Princeps testetur, vel contrahat non obseruatis sollemnitatibus iuris Ciuilis, testamentum, & contractus legitima sunt, & rata; & ipsa pro lege custodiantur: ergo licet coniugi donet, vel donet supra permittam quantitatem, debet rata, & firma esse donatio, & pro lege custodiri. Id est, si obseruatione legali solutus est in testamentis, & contractibus à se gestis; solutus etiam debet esse eadem obseruatione in donationibus. Ecce componit argumentum à simili, vel à fortiori. Huius constitutionis meminit etiam in l. multa 7. C. de bonis, que liber. & in l. bene à Zenone 3. in fine C. de quadriennij præscript. in quibus rationem petit à Celsitudine culminis imperialis, quam dedecet ligatas habere manus in exereenda liberalitate. Omnia tamen rectè, si sic exponantur. Vnde contrat, ex hoc textu qualdam conclusiones à Pragmaticis non rectè deduci. Prima est: donationem esse contractum. Sed nego: quia in hoc textu non petitur ratio ab eodem ad idem; à donatione,

ad donationem : sed à contractu ad donationem. De quo dixi in cap. 2. *principalis tractatus*. Secunda fuit Verterum. Contractus p^rincipum sunt leges. Principes legibus non tenentur. Ergo Principes non tenentur contractibus. Quod argumentum sic more Scholastico dissoluo. Contractus Principum sunt leges; distinguo maiorem; vt sola voluntas Principum pro forma, & pro sollemnitate sufficiat; concedo maiorem: vt fiant ex sola voluntate, & nutu Principum, durenque quantum eius duret voluntas, nego maiorem. Sed Princeps legibus solutus est, legibus à se latis, & à retro antecessoribus suis; distinguo, vt supra distinxi inter vim coactiuam, & directiuam. Ergo Principes non obligantur contractibus. Nego sequi, & assero absurdam esse consequentiam. De qua tamen amplius non disputo. Videndi Cujac. *lib. 15. obseruat. cap. 30. & d. lib. 26. cap. 35. Madera animaduers. iur. cap. 35. ex num. 1. Menchaca illustr. cap. 3. num. 5. & alij congesti à Barboia ind. l. donationes 26. Ex hoc textu etiam arrepta occasione solent disputare de rebus, quas potest Princeps transferre donationis titulo, & quas alienare non potest. Sed longe est à nostro penso hæc investigatio, quam sibi disputandam proposuit Gentilis *d. lib. 2. cap. 2.* Sed Nos ad alia transeamus.*

CAPVT VI.

Quis censetur locupletior factus?

IN casibus expositis in superiore capite, non inspicimus regulam generalem, an donatarius re accepta fiat locupletior; sed singularis ratio in singulis militat, propter quam donatio valet. In hoc tamen capite disquirendum est magis

gis specialitèr de generaliõri causã ; & investigandum, quis censetur factus locupletior, & quo tempore id inspiciendum sit? Ratio singularis, & vnica prohibitionis hac duplici cautelã nititur, *ne melior in paupertatem incidat, deterior fiat ditior* comprehensã in rescripto Antonini, quod refertur in *l. hæc ratio 3. hoc tit.* donatorem reputat rescriptum meliorem, morigeratiorem, suauiolem: donatarium appellat deteriorem, rapacem, avarum. Ideò tota hæc res, vt sapissimè in præcedentibus inculcaui, ex auaritiã metienda est: vbi timetur auaritiã, inutilis pronuntiatur donatio: vbi non timetur, censetur valida: nec morosè hæc disputanda sunt; sed tanquam intèr coniunctos, & solam inopiam metuentes, *l. si id quod 28. §. si quas 2. l. si vir. 31. §. quid legaturus 7. hoc tit.* Quamobrem hic tractatus multa specialia habet, quæ reliquis iuris inspectionibus non conueniunt: præstat tamèn maioris perspicuitatis causã singulari suis locis referuare; quàm inconditè obtrudere, quod parit confusionem.

2. Agamus exemplis ex nostro titulo petitis. Primum sit, de re empta, & solutã de precio viri, quĩ vxori donatum vult, ex *l. quod autem 7. §. si vxor 7. l. si cum mulier 50. hoc tit. l. multum 6. C. si quis alteri vel sibi.* Quæ sic breuitèr exponendæ sunt. Si mulier volebat sibi paraphernalem seruum vel rem comparare; vel si defacto comparauit; & vir ipsi pecuniam dedit, donauit, vt ex ea precium solueret venditori; censetur donataria locupletior effecta in tota pecunia, licet postea penes ipsam res deperat. Idem est, si venditori ipsi maritus precium numerauerit; & sic obligatam vxorem liberauerit. Ratio est; quia vxor emere suã sponte voluit, & sic per consequens voluit obligari vëditori: si de pecuniã viri precium non soluisset, vel vir precium pro ea non soluisset, semper obstricta venditori maneret, si vë res extaret, si uë perisset. Ab illa obligatione liberata fuit ex pecunia viri. Igitur quatenus liberata fuit, censetur effecta lo-

cupletior; independentèr, quod res extet, vel consumpta sit, *d. l. 50.* Aliud dicendum est, si vir vxori pecuniam donauit, & vxor ex hac pecunia fundum, seruum, vel rem comparauerit; quæ postea perijt, vel diminutionem passa sit: nam in hoc casu, non censetur locupletior facta in tota pecunia, sed quatenus superest, quod ex ea comparatum est: si res pereat, non censetur vllatenus facta locupletior; si diminuta sit, quatenus remanet, censetur locupletior. Igitur condicet maritus illud precium, quod correspondet valori rei, quæ superest, *l. vxor. 55. hoc tit.* in cuius fine Paulus vtilem actionem accommodat donatori ad petendam rem, quæ superest ex re donata, qualisqualis illa superfuerit: quod cum Fabro *lib. 5. coniecturar. cap. 9. in fine,* accipio, si res ipsa apud donatarium maneat, non tamèn sit alienata sit; quia non est propriè vindicatio, nec competit ratione dominij, quod in re empta donator habeat. Si donata esset species, veluti fundus, aut seruus, directà actione vindicari posset à donatore, vt infra dicemus: quia donata fuit pecunia, & ex ea fuit comparata res, vindicatur vtiliter res redacta ex precio; & ad hanc speciem extenditur fauor militis, de quo *in l. si vt proponis. 8. C. de rei vindicat. pupilli de quo in l. 3. C. attrib. tutele.* Et similes, in quibus ad pecuniam seruandam solent indulgeri huiusmodi vtilis rei vindicationes. Videndus est Donnell. *lib. 5. comment. cap. 2. cum nota Osualdi ibidem litt. C. & cum pragmaticis Nogueroi. allegat. 7. ex num. 300.* Sed cum Cujacio ad eundem locum, & Genili *lib. 1. q. cap. 33.* notandum est elegans principium, & electa differentia inter conditionem, quæ offertur ex hoc titulo, siuè illa experiendum sit, siuè vtili vindicatione ad rem ipsam; & inter actionem rei vxoria, qua olim res constante matrimonio donatæ exigebantur reuocata donatione, vt innuitur *in l. fructus. 7. §. ob donationes. 9. vbi Barbosa, l. rei iudicat. 15. §. 1. solut. matrim. l. ob res donatas. 20. de pact. dotalib. l. dote. 5. de dote prelegata.* Si enim

rei

rei vxoria actione ageretur, & maritus pressus esset a re alieno, vxor donatrix non poterat rem extorquere, neque valorem rei, qui supererat ex pecunia donata, nisi quatenus maritus facere posset; eius ratio habenda erat, ne egeret; gaudet privilegio, quo solet gaudere iudicio illo de dote conuentus, *l. alias 14. §. eleganter soluit. matr. cum similib.* Conuentus verò conditione nostri tituli in solidum excutitur: reddit id, in quo locupletior factus fuit; licet eius alimentis nihil relinquatur. Quia si conditione agitur ad pecuniam, facta computatione valoris rei, omnis conditio certi, strictissima est, nec fauorem, nec laxamentum patitur. Si vtili vindicatione agatur ad rem ipsam, in petitione rei maritus non gaudet privilegio, *l. Nensennius 41. §. 1. de re iudicata.* Hic est sensus illorum verborum: *Et erit deterior causa viri, si ei pecunia, quatenus res valet (non vltra id tamen, quod donatum est) condicatur, quam si dotis iudicio conueniatur.* Quia si iudicio de dote conuenitur, in quantum facere potest etiam ex hac causa damnatur: ceterum si remedijs huius tituli pulsatur, extorquetur præcisè solidum, quatenus fuit factus locupletior. Id circò Iustinianus in *l. vnica §. taceat 3. C. de rei vxoria act.* consultius fore donatori his remedijs experiri ob res donatas, quam agere illo iudicio doctrinaliter. Nos docuit, quod cuiuslibet iuris perito constare debet: non tamen explosit remedijs retentionum ob res donatas, si maritus donator fuit: nec actionem rei vxoriae, si fuit vxor donatrix. Quæ principia non videtur rectè percepisse subtilis Antonius; cum dicto cap. 9. loco illius verbi, *Et erit*, reposuit, *nec erit* in *d. l. 5.*

3. Tertius casus, & à prioribus diuersus, quando maritus donandi animo rem alienam vxori suæ comparauit, & de propria pecunia precium soluit venditori, de quo loquitur text. in *l. Et si de tua 9. C. hoc tit.* Si procuratorio nomine comparauit, solius precij donatio est, emptioque in persona coniugis substat; videnda

denda quæ dixi supra cap. 4. num. 2. & 3. Ità inquam sub-
 stinetur venditio, vt si res tradita sit vxori, ipsi domi-
 nium rei quærat: quare marito superest conditio
 precij, vel in quantum locupletior effecta fuit vxor.
 Procuratorio nomine cōparare vxori donationis caus-
 fa, est velle donare precium, remque ipsam donatam ex
 precio; & quia res immediatè vxori tradita fuit per
 venditorem; donatio versatur circà pecuniam, idcirco
 condicitur pecunia, vel id, quod ex pecunia versum fuit
 in vtilitatem vxoris. Aliud esset, si non animo donan-
 di, sed negotium vxoris gerendi, maritus de propria pe-
 cunia rem emit vxori: in hoc casu non competit mari-
 to conditio nostri tituli; sed actio negotiorum gesto-
 rum, per quam vxorem conuenit, in quantum facere
 potest; quia eius negotia gessit constante matrimonio,
l. diuortio 35. de negot. gestis. Quas species non benè di-
 stinxerunt Accursius, & Accursiani. Circa nostram, du-
 plex quæstio oboritur. Prima est. Contractus gestus à
 marito nihil proficit vxori, siuè quod idem est, vxori
 non acquiritur, *l. quæcunque 11. de obligat. & act. l. quotu-
 tela 73. §. neque paciscendo, de regul. iur.* & in specie probat
 text. in *l. multum 6. C. si quis alteri vel sibi.* Sinè contractu
 verò, id est sine causa, nuda traditio facta dominium
 non præstat, *l. nunquam 31. de acquir. rer. domin.* Igitur
 traditio facta vxori, non potuit illi præstare dominium.
 Respondeo, sufficere, vt non sit nuda traditio, si cum
 venditore contractum sit; nam à transferente sumitur
 causa, §. *per traditionem 40. inst. de rer. diuis.* cum ergo ipse
 tradat ex causa venditionis, parui refert, an vxor, vel
 maritus cum eo contraxerit; quia tradendo ex volun-
 tate emptoris, transfert in accipientem dominium,
 periunde ac si emptori ipsi tradidisset, facit text. in *l. res
 ex mandato 59. de acquir. rer. domin.* Secunda est. Si con-
 iux coniugi pecuniam donauit, & is ex ea pecunia eme-
 rit rem; vtilis actio donatori a commodatur ad vindic-
 andam rem, quæ superest empta ex pecunia donata,

d. l. vxor § 5. hoc tit. Sed magis immediatè res paratur ex pecunia donatoris, quando emittitur coniugi donatario. Ergo eadem actio utilis debuit accommodari in hac specie. Fateor me non agnoscere rationem differentie inter vtrumque casum nisi per nimiam subtilitatem, quæ in re legali semper mihi suspecta est. Ideò vtilem actionem reuocatà donatione tribuerem donatori; quia id non negat Gordian. licet eius non meminerit. Suppleamus ergo alteram decisionem per alteram; & vtramque coniugamus, non opponamus, quod vno verbo fecit Cujac. *lib. 5. obseruat. cap. 29.*

4 Latiùs etiam excurrit hæc investigatio: nam si ex pecunia donata effectus fuit locupletior donatarius, nascitur cōdictio, quanvis non proveniat immediatè lucrum ex pecunia; sed mediate. Verbi gratià, maritus vxori pecuniam donauit, ex ea seruum comparauit; illum vendidit, & ex precio redactò reparauit alium seruum. Non illicò dicemus locupletiozem effectam fuisse primo seruo comparato; quia si in eius potestate decederet, nequiquam teneretur; neque eius periculo periret, sed periculo viri: cum lucrum vxoris ex eo, quod de pecunia superest, metiendum sit: mortuo seruo nihil superest; igitur non potest perire eius periculo. Prosequamur speciem. Primo seruo vendito, superfuit ex hoc corpore pecunia redacta: in ea locupletior effecta erat vxor: igitur eatenus teneretur. Iterum comparauit alium seruum, per quam emptionem denuò locupletior effecta fuit. Igitur secundum hoc corpus in eadem causa continetur; continebitur autem, quandiu maneat. Ergo si pereat, nihil superest ex donatione, ob quod vxor teneatur. Ergo non peribit vxori, sed marito, vt contra Fulcianiũ sentit Pomponius sic explicandus *in l. si mulier 29. hoc tit.* In alijs speciebus nõ tam latè excurrit investigatio de eo, quod ex pecunia superest: si enim res primò vedita sit, & ad venditorẽ pecunia peruenit, indistinctè pronũtiamus ipsũ

locupletioreni fuisse effectum, quanvis postea perdat pecuniam, vel male collocet, *l. ipsa res 18. de eo quod metus causa, l. si eum seruum 23. de reb. creditis, l. venditor 21. de heredit. vel act. vendita, l. Imperator 70. §. ult. cum duab. ll. seqq. de legat. 2. nec attendimus, vtrum aliam rem comparet, vel pecunia abutatur: quia pecunia, vt pecunia est, nunquam perit. Sed, vt dixi in principio huius capituli, prouidentia huius tituli maxime indulget donatarijs, ne ex donatione periclitentur quolibet modo: satis habet, si non patiatur eos morari in lucro, da numum vero, & periculum ab illis semper avertit, quod agnouit Gentilis *dicto lib. 1. cap. 33. pag. 115.* Pro explicacione vero *d. l. 18.* & defensionem exempli, quod ibi prostat, ne aliena prosequamur, consulendus est accuratè disputans, & cum iudicio noster *Amaya lib. 3. obseruat. cap. 2. ex num. 50. maxime ex num. 55.**

Illud vero uerum consideratur, quod ex re ipsa prouenit, donata; non uero quod prouenit ex re ex donata pecunia comparata. Veluti si decem donata sint uxori a marito, & ipsa emerit seruum quinque dignum, quia totidem decepta sit, sola quinque condicuntur, quia in illis locupletior effecta inuenitur. Si uero emerit decem seruum, quindecim dignum, in decem solum tenetur: quia licet ipsa lucrata sit quindecim, maritus tantum amisit decem: & tantum condicere potest, in quantum ipse pauperior effectus fuit; quæ est alia regula, de qua agemus *cap. seq. Quid si ex decem duos seruos comparauit: alter decessit, alter decem dignus sit, cum singulos quinque emerit: sola quinque pro eo, qui superest, condicuntur: quia corpus censetur uiliori precio adquisitum per uxoris industriam, non ex pecunia uiri, l. si id quod 28. §. ex decem, cum seq. hoc tit. Vt in casu pecunie donata, qui supra manet expositus cum nostro Tryphonino in *l. quid ergo 16. hoc tit.* Videndus est Gentilis *d. lib. 1. cap. 33.* Posset instari ex oratione, aut Senatuf. consulto de petitione hereditatis, secundum quod*

peti-

petitori restituitur quodcumque lacerum, quod ad possessorem occasione rei peruenit, *l. sed & si rem. 2. l. utrū 23. de pet. heres.* Verum noster titulus peculiaria sua principia habet, & peculiare regulas, quæ alijs titulis non conueniunt. Dicam eum Aristotele: Regula nostri tituli est Lesbia, quæ singulis casibus adaptatur: non est ferrea, quæ sibi adaptat generaliter omnes casus.

Ad hæc exempla reduci possunt cetera, quæ occurrant, veluti *ex l. Sulpitius 49. l. prædia 58. in fine hoc tit.* in quibus non disquiritur præcipue, quis censeatur factus locupletior, sed quando negotium conuertatur in causam donationis: nolo tamen specialiter fragmenta hæc enodare; quia si de singulis sigillatim egerimus, finem vix inueniet nostra disputatio. Exceptionis tamen vice exponendum est nobile Pauli responsum in *l. ea que 58. hoc tit.* Maritus uxori suæ donauit, dedit ex causa donationis viginti: illa verò ad maritum talem Epistolam misit. *Cum petenti mihi à te, Domine charissimo, aduenerit indulgentia tua viginti ad expediendas quasdam res meas: quæ summa mihi numerata est sub ea conditione, vt si per me, meosque mores quid steterit, quominus in diem vite nostre matrimonium permaneat, siue inuito te discessero de domo tua: vel repudium tibi sine ulla querela misero, diuortiumque factum per me probabitur: tunc viginti, quæ mihi hæc die donationis causâ dare voluisti, daturam, restitutam me sine ulla dilatione spondeo.* Priusquam proponamus questionem à Paulo exagitatam, & decisam, quædam præmittenda sunt. Hæc epistola est cautionalis, in quam solebat redigi stipulatio; adeoque hic mos frequens fuit, vt si in aliqua epistola scriptam inueniretur promississe aliquem, censeretur, præsumeretur intercessisse sollempnis stipulatio, *§. si scriptum inst. de inutilib. stipulat. l. Titia 134. §. idem respondit 2. de verbor. obligat.* Paulus *lib. 5 sentent. tit. 7. §. 2.* frequentissimæ occurrunt huiusmodi epistolæ in libris iuris, quas in vnum fasciculum coniecit Ioannes Raymundus Tolossas tribus editis libellis

de epistolis iuris. Proculdubio ergo tollēnis stipulatio præcelsit, quam vxor in epistolam, siue in testationem redegit sub prædictis verbis: quod supponit Paulus, potius quam exponit, ibi. *Ex stipulatione proposita, & ibi. Quod si stipulatio commissa non probetur, vt agnoscunt post Accurs. verbo posse. Cujac. lib. 7. RR. Pauli in eod. textu noster Pichard. princip. inst. de verbor. obligat. ex num. 34. & in §. inter absentes, & in d. §. si scriptum inst. de verb. obligat. Gentilis lib. 1. cap. 34.* Et omnes in l. 1. C. de contrahenda, & comitt. stipulat. Sunt, quibus persuasum sit, vxorem epistolam dedisse ad maritū absentem ex illis verbis: *talem epistolam misit.* Sed debile est fundamentum, quia libellis, vel epistolis adire præsentem, mos fuit Romanis, testatissimus Tacito lib. 4. *annal.* Suetonio in *Augusto cap. 84.* Plutarcho in *Cæsare*, animaduertus à Lipsio *ad d. lib. 4. annotat. 87.* quanvis ex vi proprii instituti, vt sic dicam, epistola inuenta sit ad communicandum cum absentibus, vt idem Lipsius nos docet *de institutione epistolica cap. 2.* Itaque quanvis epistola esset, & non cautio super stipulatione interposita: non conuincetur ex verbis, *epistolam misit*, ad absentem fuisse datā.

7. Recolligamus totam clausulam stipulationis paucis verbis: est donatio, quæ incipit purè à traditione; & resoluitur sub conditione, *si mulier diuertat*, in mutuum; talis conditio resolutoria proponitur adiecta donationi causa mortis, quæ à traditione incipit in l. que sub conditione 8. §. & in mortis 3. *de condition. inst.* notat Costa in §. si arbitratus ampliat. 1. non est poena; neque enim adiecta in casum diuortij posset subitineri, l. stipulatio 19. *de verbor. obligat.* Sed est priuatio lucri prouenientis ex donatoris voluntate: id circo subitinetur: quia vnusquisque donationi à se factæ legem dicere potest, non turpem, non impossibilem: lex vero non diuertendi à marito nec est turpis, nec impossibilis, neque contra votum matrimonij. Debit ergo seruari, videndus est idem Costa *ubi proximè limit. 2.* Igitur si mulier diuertat, venit stipulationis conditio, & debet

ex causa mutui, per stipulationem contracti. Si non diuertat, manet donatio; quia non venit resolutoria conditio: quæ donatio cum sit inter coniuges, prohibita est: quare si morte vxoris dissolutum sit matrimonium, tenebitur conditione nostri tituli: Inter vtrumque tamèn casum magna differentia est: quippè si venit conditio, tenetur ex contractu, siuè locupletior effecta sit, siue non sit: si verò non diuertit, tenetur vt donataria, in quantum locupletior effecta fuerit. Ecce casum, in quo aliquandò mulier accipiens donatam pecuniàm in solidum obligatur, & si locupletior non fiat. Sed ideo accidit, quia per euentum resolutoria conditionis donatio in mutuum conuersa fuit. Disputant, vel agunt, Accurs. & Albericus Gentilis, cur in *l. qui negotia 34. mandati* ex pacto in mutuum pecunià non conuertatur, vt in hoc textu? Sed de illo alibi iudicium meum interposui, quare in presenti non repero.

8. Superest, vt videamus, quo tempore inspiciendum sit, an donatarius effectus sit locupletior? Extat hæc de re rescriptum, & decisio aperta in *l. quod autem 7. in princ. hoc tit.* vbi docemur, tempus litis contestatæ spectari oportere: notemus principium textus: quod autè tempus &c. Ex his verbis apparet, pendere à superiori, in quo Gaius egit de conditione, quæ donatori competit ad repetendum id, in quo donatarius locupletior apparuit: igitur prædicta decisio de conditione etiam accipienda est; prosequitur enim Vlpianus (interiecto textu Gaii) eandem hypothèsim, quã inchoauerat ex *l. si sponsus 5. §. ult.* Dicamus ergò, quoties reuocata donatione donator condidit id, quatenus donatarius effectus est locupletior, inspiciatur tēpus litis cōtestatæ, *l. si mulier 50. hoc tit.* Quia conditio hæc stricti iuris est, & in ineunda æstimatione ex cōtractibus stricti iuris, sēper inspiciatur tempus litis contestatæ, *l. 3. §. in hac actione ff. commodati.* Possent tamèn dici, omne tempus, quanti plurimum reseret, si inspiciendum esse à die factæ donationis, usque ad rei restitutionem; quia hæc conditio ex in-

distinctionem, ad quam non animaduertunt. *Duar. ad hunc tit. Gentil. d. lib. 1. cap. 31. Marcus Lyelama lib. 6. membranar. ecloga 19. §. 3. qui hac de re scripserunt.*

CAPVT VII.

Quis censeatur pauperior factus?

AD interdictionem nostram vtrunque requisitum concurrere debet, quod donatarius fiat locupletior, & donator pauperior: si alterutrum deficiat, valet donatio, *l. si sponsus 5. §. ult. l. ex annuo 15. §. 1. hoc tit. cap. ult. extra eod. tit. cum similib.* Diximus, quis intelligatur locupletior effectus ex donatione: dicamus modo, quis propter res donatas censeatur effectus pauperior. Regulam ita concipite, nobilissimi Auditores: *Pauperior fit, qui ob donationem a se factam diminuit de patrimonio, quod antea habebat.* Si repudiet hereditatem, legatumve, vti ad substitutam uxorem perueniat: si plenum obsequium praestet testatori, & Falcidiam non deducat; nihil diminuit de patrimonio quod antea habebat: non ergo pauperior fit; quare si donatio est, non est prohibita. Debetis etiam regulam hanc temperare, illa animaduersione, qua praecedentem temperauimus: videlicet non esse avariè tractandam, sed vt iater maximam charitate coniunctos, & solam inopiam metuentes, *l. si id quod 28. §. si quas 2. l. si vir 3. §. quod legaturus 7. hoc tit.* Ille ergo qui debitum ante diem soluit, non intelligitur effectus pauperior propter interitum. Videntur fieri, quae dixi *sup. cap. 4. ex num. 8.*

Prosequamur sigillatim exponendo singulas quaestiones, non ex cerebro Auctorum natas, quod esset infinitum, sed ex I. Consultorum mente. Queritur si

ma-

maritus concedat gratuito vxori vsufructum, an sit prohibita donatio? Respondeo, si fructus, & compendia ex re prouenientia naturalia sint, prohibitam esse donationem: si industrialia sint, licitam esse, *l. fructus 45 de vsuris*, iuncta *l. de fructib. 17. sic intelligendâ hoc tit.* Ponamus tamèn vsufructum constare partim naturalibus, partim industrialibus fructibus: pro parte naturalium erit inefficax donatio; pro parte industrialium erit valida: mixtus enim casus sub simplici continetur, *l. si ita scriptum 13. de liber. & posthum.* Itaque tota hæc quæstio reducitur ad donationem fructuum, quando valida sit, vel non valida. De qua ab itinero agere; quia ex professo egi *suprà cap. 5. num. 6.*

3 Secundo quæritur, an vxor, quæ vitur, & negotiatur ex pecunia viri; vel econtra; & inde vsurarium quæstum reportat, intelligatur locupletior effecta ex re viri, ita vt vir censeatur pauperior? Hæc quæstio *ibidem num. 7.* profligata manet; nempe non censeri donantem fieri pauperiorem; quia vsuræ non proueniunt ex pecunia, sed ex negotio. Quare species hæc sub nostra interdictione non includitur.

4 Tertio quæritur, vtrum vir possit vxori suæ constante matrimonio donare possessionem rei propria: Respondet concisè Vlpianus *in l. inter virum 46. hoc tit.* his verbis. *Inter virum, & vxorem nec possessionis vlla donatio est.* Notanda est decisiõ; si maritus donat rem propriam vxori, adeo nulla est donatio, vt nec quoad possessionem valida sit. Igitur vxor non possidet pro donato, quia titulus irritatur iure; sed pro possessore, *l. nec vllam 13. §. 1. versic. item in titulo prodonato, de petit. heredit.* Ergo si vxor apprehendat possessionem rei, quam illi maritus tradidit, contra maritum vsucapere non poterit, quia licet donatio causam præstitisset possessioni, *l. si donata 36. hoc tit.* tamèn hæc causâ iure Ciuili improbata est, nec sibi potest eam vxor mutare, etiam dissoluto per diuortium matrimonio,

nio l. 1. in fine, pro donato, nisi à marito emat, vel ab vxore alius Tertius consentiente marito, l. si id quod 5. pro de relicto, quam exposui in succisiua selectione ad leg. Atiniam. In hoc ergò conceptu dicitur nulla traditio, id est contra mores, & contra ius facta in l. 3. §. sciendum hoc tit. Illud tamèn, quod habet naturale, scilicèt factum, iritari iure non potest. Igitur si apprehendat vxor possessionem rei sibi à marito donatæ, verè, & propriè possidebit, l. §. si vir vxori 4. l. quod vxor 16. de acquir. posses. l. 1. §. deicitur 9. cum seq. de vi, & vi armata. An hæc possessio, quam vxor naçta est, sit pro domino, videtò controuersum esse. Gentilis lib. 2. cap. 30. existimat donatarium pro domino, siuè affectu dominandi possidere. D. Hieronymus de Oroz lib. 4. cap. 8. num. 5. contrarium putat; cum non possit tali affectu possidere is, cuius titulo, & traditioni ius resilit. Quæ sententiã mihi magis probatur: sed addo, mala fide positiuè donatarium carere, cum rem possideat ex voluntate domini: itèm in spe iustum titulum habere: cum possit sperare, vt morte donatoris confirmetur donatio, l. cum hic status 32. hoc tit. Igitur quanvis detineat rem donatam, vel hæc illac contrectet, furtum nunquam committet, l. qui vas 48. §. qui voluntate defurt. Pone ergò maritum vxori donasse rem alienam, quam propriam esse existimabat. Maritus re alienà donatà pauperior non efficitur: donatio per consequens non improbatur, titulus efficax est, vt potè à iure non improbatus. Vxor quantumvis existimaret rem propriam esse mariti, vt debuit existimare, malà fide possidet, furtum rei donatæ non committit. Igitur vsucapit, l. si inter 24. cum seq. l. si extraneus 44. hoc tit. Sed hic insultant, & clamant studiosi nostri. Igitur sinepositiua bona fide inchoatur, & procedit vsucapio: siquidem vxor nescit valere donationem, existimat inspecto presenti statu esse invalidam, licèt per mortem viri speret confirmandam esse.

Mal mal 311. Nego

Nego tamen consequentiam, quia inspicit ius, quod est in veritate potius, quam quod est in opinione, *l. 2. §. si à furioso pro emptore*. Existimat enim esse nullam donationem suppositis circumstantiis debitis, quod maritus fieret pauperior: ergo semotis, absolute vellet iuste possidere. Alia dixi *præ allegato cap. 5*. Addendi etiam sunt de hac inspectione Petrus Barbosa in *l. que dotis, num. 62. cum duob. seqq. soluto matrim. noster. Valentia lib. 1. illustr. tract. 2. cap. 7.*

5. Sequitur disquirere de dominio, aut proprietate rei donatæ. De quo palam est dicere, pauperiorem fieri, qui illud amittit; & per consequens donationem non valere: rem donatam in dominio permanere donatoris: ab ipso vindicari posse tanquam propriam, si extet: eius damno perire, si consumpta sit. Cum enim inutilis, & nulla traditio sit, perinde est, ac si tradita non fuisset, *l. 3. §. sciendum 10. l. si sponsus 5. §. ult. t. si id quod 28. l. si donat. 36. l. que iam nuptæ 48. hoc tit. l. à marito 18. C. hoc eod. tit.* videnti sunt Duarenus in *paraphrasi*, Anton. Faber, *decade 8. 1. maxime error. 10.* Hieronymus Afsin, in *l. 1. C. de usucap. pro emptore num. 61. & seqq.* Quæ in re vix est aliquid notatu dignum: nisi quod, si vxor donataria reliquerit marito ampla legata, non censetur reliquidæ compensandi animo cum rebus inutiliter ex donatione acceptis: nisi illud expresserit, *d. l. que iam nuptæ 48.* neque enim vindicatio, aut conditio, quæ suo iure competunt marito, tollantur prætextu legati ei relictæ, nisi eo animo datum sit, *l. si compensandi 6. C. de hered. inst.* Consulendi sunt Menochius *lib. 4. præsumptione 109. & seqq.* Gaspar Baeza de *non meliorandis cap. 20.* Gutierrez *3. parte de tutelis cap. 5.* Scobar de *ratiocin. 1. tomo cap. 30. ex num. 27.* Auendaño in *l. 16. Tauri*. Deinde notandum est, inspicere tempus mortis donatarij, ut dicamus periculum rei donatæ ad donatorem omnino pertinere: qui ipse si heres rem extantem tempore mortis donatarij contumplerit etiam inutiliter, tenetur: quia quod non tenet

neatur, si inutiliter consumptum sit, coniugi ipsi concessum fuit, non eius heredi, *l. quod de bonis 15 §. ex donationibus 5. ad leg. Falcid.* Ni donatarius dolo fecerit, quominus res donata extet: tunc enim utili vindicatione, & ad exhibendum actione tenetur, quasi dolo delierit possidere, *l. si mulier 37. hoc tit. iuncta l. is qui 69. de rei vindicatione.* Adijcitur in eadem *l. 37.* etiam actione legis Aquiliae uxorem teneri, si dolo in re donata damnum dederit, maxime post diuortium. Post diuortium quidem renebitur actione hac cum tota sua causa, siue poenalis sit, siue per inficiationem crescat. Constante vero matrimonio, & reuocata donatione, competit quidem contra uxorem, *l. si seruus 27. §. si cum maritus 30. l. pen. ad leg. Aquil.* Sed in simplicium, detracta poena, & duplo ex inficiatione, *l. 2. C. rer. amotar.* quam differentiam notarunt Græci, & Accursius, & post eos Cujacius in *l. vnic. §. taceat. C. de rei vxor. act. & lib. 11. qq. Pap. in l. viua 5. rer. amotar. & lib. 17. Digest. Iuliani in d. l. si mulier 3.* Gentilis *lib. 1. cap. 30.* Suarez de Mendoza *ad leg. Aquil. lib. 2. cap. 3. sect. 3.*

6 Videamus modò de obligatione remissa per acceptilationem; vel de obligatione emissa per stipulationem ex causa donationis. Regula est: siue promissum sit per stipulationem, siue remissa sit obligatio per acceptilationem; nihil valet, quod actum est, *l. 3. §. sciendum 16. verl. Et si stipulanti, l. Papinianus 23. hoc tit.* Quæ regula in perpetuum vera est in promissionibus, quia per S. C. non confirmantur *d. l. 23.* ex veriori, quam putamus, sententiâ. In acceptilationibus verò aliter concipitur in *l. cum hic status 32. §. siue autem 23. hoc tit.* nempe, pendere effectum acceptilationis: quia si morte donatoris confirmata fuit donatio, incipit acceptilatio vires habere: si quo casu reuocata sit, nihil valet. Idcirco inspecto præsentis statû, verû est dicere, nihil agere eum, qui accepto tulit. Notemus modò, quod latius diximus in nostro tractatu principali, donationem, quæ incipit a

promissione, non esse propriè donationem, sed inchoatam: donationem, quæ fit per acceptilationem, esse verè, & propriè donationem: esse per donationem; nam qui remittit quodammodo tradit, quasi exigat à debitor suo nummos, & exactos eidem donet. Cum in hoc sensu sit propriè donatio, consequens est, ut Senatuf-consulto comprehendatur; morte confirmetur; & inter in effectus acceptilationis pendeat. Quorum neutrum euenit in stipulatione emissa ex causa donationis. Hanc distinctionem cum iudicio agnoscunt post Alexandrum de Neuo doctissimus P. Sanchez lib. 6. de matrim. disp. 14. num. 16. Gentilis lib. 3. cap. vlt. pag. 606. Licet eam agnoscere noluerit Duar. ad hunc tit. Anton. Fab, lib. 2. coniectur. cap. 8. & lib. 19. cap. 3.

7. Post hæc disputandum est, quatenus fiat donator pauperior ratione ædificationis, vel iniunctionis tigni. Quæ est sanè vexatissima quæstio inter nostros Inter prætes, maioris perspicuitatis ergò illam diuidemus, prius agentes de illo coniuge, qui tignum coniugis scientis, & patientis donareque volentis ædificio suo iniunxit. Non est ambigendum improbatam esse donationem; quia donator tigni pauperior efficitur: & donatarius locupletior; quod patet. Reuocata ergò voluntate, siue donatione, de actionibus, quibus donator experiri potest ad petendum tignum, videndum est? Quod deciditur à Neratio, & Paulo in l. de eo 63. hoc tit. Hoc vnum Neratius dixit, donatorem agere posse: non tamen expressit nomen actionis, nec tempus, quo eam possit mouere. Et adiicit rationem: quia nulla actio est ex lege XII. tabularum, *quan vis X. Viros non sit credibile de his sensisse, quorum voluntate res eorum in alienum ædificium coniunctæ essent.* In aliquibus libris, teste Accursio: loco prioris adverbij *quia* legitur *quan vis*. Ne detur ingrata duplicatio legamus *quia* loco secundi adverbij *quan vis*, præeunte cum iudicio Scipione Gentili lib. 1. cap. 38. Eritque elegans Nera-

nij responsum : facilis, & concludens ratio. Agi posse pro tigno iniuncto reuocata per coniugem donatione, quanuis lex Decemviralis nullam actionem dederit de hoc tigno iniuncto : quia non est credibile Decemviros sensisse de hac specie, nec in ea dene-gasse actionem. Quare cum casus omisus sit, ausus fuit Neratius actionem donatario tribuere. Hoc confusum responsum Neratij exposuit Paulus : docens donatori solam vindicationem directam competere, ratione dominiij, quod in tigno retinet, & competere diruto edificio, tignoque soluto. Notemus illud *solum* : quod denotat nullam aliam actionem viro superesse præter vindicationem solutæ re. Ex quo mihi suspecta est glossa Accursij, qui manente edificio tribuit donatori conditionem sine causa, velut in rem, ad præcium. Antequam hinc ab eam, assignabo electam, & parum notam differentiam quoad hunc titulum inter ædificationem, & specificationem. Si mulier ex lana sibi à marito donata vestimenta sibi confecerit; per specificationem acquirit lanæ dominium, non tanquam donatæ, sed tanquam alienæ. Quia si est materia transiens, quæ ad pristinam formam reduci non potest; qui illi dat formam, acquirit dominium, §. cum ex aliena inst. de rer. diuis. cum simili. quare marito non superest vindicatio directæ, sed utilis : quia amisit prorsus dominium; non per donationem; sed per specificationem, l. simulier 29. §. 1. cum l. seq. hoc tit. Igitur cum in perpetuum maritus non habet vindicationem directam, necesse fuit, vt illi ius consulere vindicatione utili ad præcium lanæ. Qui verò tigna aliena iniunxit edificio suo, non acquirit dominium tignorum, manent tigna illius, cuius antea fuerant, l. in rem actio 23. §. penultimo, & ult. de rei vindicat. Ergo non est prorsus destitutus omni auxilio: si quidẽ ex iuris ratione seclula legis Decemviralis prouidentia, ad exhibendum agere

agere posset; & exhibitum vindicare: & post dirutum ædificium tempèr illi directa vindicati odatur. Idcirco marito donatori manente ædificio, nulla actio tribuitur, nequidem utilis vindicatio, aut condictio: quia ipse causam præstitit iniunctioni donando tignum vxori, & patiendo vt ipsa iniungeret: rursus lex duodecim tabularum prohibet, vt diuoluatur. Igitur expectare debet dirutionem, vt aliqua actione possit experiri.

8 Redeamus ad Paulum *ind. l. 63.* docet, non competere actionem in duplum de tigno iniuncto ex lege XII. tab. quia furtivum tignum non est, quod iniunctum fuit ædificio vxoris voluntate viri. Idem est, ac dicere, vxor, quæ volente viro tignum iniuxit, furtiue non iniunxit, *l. qui vas 48. §. si voluntate defurtis.* Ideo in duplum non tenetur. Sed hæc ratio, licet concludat, non teneri tanquam de tigno furtiue iniuncto: non conuincit prorsus non teneri durante ædificio, quod intendebat Paulus: potuit enim teneri tanquam de alieno tigno iniuncto. Igitur ratio Pauli non est apta decisioni. Huic difficultati, vt respondeamus prænotandum est ius de tigno iniuncto. Fluxit ex lege XII. tab. Quæ nullibi extat integra. Quædam verba retulit Festus in *Sched. i 92* & apud Paulum *list. T.* Sic: TIGNVM IVNCTVM ÆDIBVS VINEÆQVE, ET CONCAPIT NE SOLVITO. Pars hæc tantum prohibet solui tignum, ne ruinis vrbs deformetur, vel cultura vinearum deteratur. Ergo non poterit, quanuis velit, ædificator præstare tignum, cum causa publica vetet, *l. gemma 6. ad exhib. iunct. l. 2. C. de edificijs privat.* vt contra suum Donell. cuius citat Oluald. *lib. 4. cap. 33. litt. C.* Non verò ex verbis Festi conijcere possumus poenam à Decemviris sancitam, neque de quo tigno loquerentur, an de alieno si simpliciter, an de furtiuo. Vlpianus verò in *l. 1. de tigno iniuncto* indicat, loquutos fuisse de furtiuo: verba sunt, *Lex XII. tabular. neque solvere permittit tignum furtiuum ædibus, vel vineis iunctum, neque vindicare: ne vel ædificia sub hoc pretextu di-*

diruantur, vel vinearum cultivaturberur. Sed in eum, qui con-
 uictus est iniuxisse, in duplum dat actionem. Gaius vero in l.
 adeo 7. §. cum in suo 10. de acquir. rer. domin. & ab ipso Iuffi-
 nianus in §. cum in suo inst. de rer. iudic. de alieno tigno sim-
 pliciter accipiunt, & exponunt legem Decemviralem.
 Ibi. Nec tamen ideo is, qui materiam dominus fuit, desistit eius do-
 minus esse, sed tantisper neque vindicare eam potest, neque ad ex-
 hibendum de ea re agere propter legem XII. tabul. qua cavetur,
 ne quis tignum alienum adibus suis iunctum eximere cogatur,
 sed duplum pro eo præbet. Ecce dilerta habemus testimo-
 nia, quibus probemus, Decemviros loquutos fuisse de
 tigno furtivo, & alieno. Ex illis tamen nondum satis-
 liquet, an loqueretur lex de eo, qui ignoranter, & cum
 bona fide tignum alienum, non furtivum, vel furtivum
 iniuxit suo edificio. Scipio Gentilis d. lib. 1. cap. 38. ab-
 solute illam accipit; ut præstatione dupli compensaretur
 domino tigni damnum, quod substat, cum suo tigno
 careat. Iacobus vero Cujac. lib. 23. observat. cap. 19.
 Et in alijs locis, censuit, si furtivum esset tignum, in du-
 plum esse condemnandum; qui iniuxit, quia per actionem
 furti concepti, & oblati, regressum contra furem habe-
 bat. Sed dura sunt hæc, & forsân contra verba legis: ex-
 pendo iterum ea ex d. l. 1. Sed in eum, qui conuictus est
 iniuxisse, in duplum dat actionem. Quæ de iniungente
 cum bona fide non dicerentur, sed iniungente cum fraude,
 & tanquam alienum, illudque contrectando contra
 voluntatem dominai: vel saltem utendo tanquam alie-
 no, quanvis dominum ignoret: minus enim est scire tigno
 alienam esse; quam scire esse furtivum, videnda
 quæ dixi ad leg. At in. sect. 4. Ergo ex lege XII. tabularum,
 qui bona fide tignum iniungit, ignorans alienum esse,
 præcium tantum præstare tenetur. Quod viderur mihi
 expresse à Paulo probari in l. qui res 98. in fine de solut. ibi.
 Denique lex XII. tabul. tignum adibus iunctum vindicari pos-
 se scit, sed interim id solui prohibuit, præciumque eius dari vo-
 luit. Sic expendo, lex voluit dari præcium pro tigno
 iuncto;

iuncto; voluit etiam dari duplum pro furtivo, vel alieno: ergò casus dupli in alieno est, quando iungitur cum mala fide: casus verò simpli erit, quando iungitur ignoranter, bonà fide. Sunt ergò hi gradus. Si iniunxit quis tignum furtivum, sciens tale esse; tenetur duplum præstare, quæ est merè poena; & ultrà id tenetur actione ad exhibendum, quanti interfuit, vel ad æstimationem, *l. in rem actio 23. §. tignum 6. de rei vindicat. l. vlt. de tigno iniuncto*. In summa tenetur instar furis non manifesti. Quando iniunxit sciens alienum, ignorans donum; non clam, sed manifestè (quo casu furtum non committitur *ut dixi ad leg. Actin. sect. 1.*) tenetur ad duplum actione mixtâ, quia dolo delijt possidere: quo duplo soluto dominus fit tigni; adeò vt neque postea diruto ædificio, possit dominus tignum vindicare, *d. §. cum in suo inst. de rer. diuis.* Qui verò bonà fide iniunxit, præcium tigni tantum luere tenetur. De his omnibus casibus expresse senserunt Decemviri, vt patet ex verbis textuum suprâ relatis. Vnus casus est, de quo forsàn cogitarunt: quando mulier donatum sibi à marito tignum; non mala fide, vt sepè monui, & viro sciente, & consentiente iniunxit ædificio suo: postea maritum serò poenituit donasse, quando res integra non erat. Tunc solam vindicationem dederunt Consulti marito, diruto ædificio, quæ cuilibet competit, *l. si quis 7. in fine principij de except. rei iudicata*; ne forsàn quæstum captaret maritus, si serà reuocatione præcium cõsequi ab vxore pro tigno præstolaretur. Quæ *de nostra l. 63.* opportunè, ni fallor, sunt dicta.

9 Notemus etiam, mulierem, quæ re donatà vititur, vel abutitur sciente marito, furtum non committere ante reuocatam donationem: quia abutitur ex domini voluante. Ideo neque iniungit tignum cum mala fide: neque ex lana vestimenta conficiens furtum facit, imò per specificationem lanam suam facit, *d. l. si mulier 29. §. 1. hoc tit.* Qui contrectat lanam, & furtum facit,

facit, licet ex ea faciat vestimenta, non facit sua; non aufert domino dominium: vestimenta potius ipsa manent affecta vitio furtiuitatis, *l. sequitur q. i. §. lana 1. 9. cum seq. de vsucap.* Quia per furrum non mutatur dominium rei, neque mutari potest, *l. si abducta 1. 0. C. de furt.* Verum est, per specificationem transire priorem materiam; & ex lana pannum fieri, quæ est noua materia vestimentorum: dominium autem non tantum conseruatur in materia, seu substantia; sed in re, quæ superest, quanvis substantia mutata sit. Veluti mortuo animali surrepto, conseruatur in reliquijs, quæ supersunt, *l. si seruus 14. §. 1. de condit. furtiua.* Sic in re, id est in lana, conseruatur dominium, quæ superest, & vitio furtiuitatis afficit materiam, in quam transiuit, si lana surrepta fuit. Iungenda sunt, quæ dixi ad leg. *Atin. sect. 4. in princip.*

10. Sequitur, vt videamus de vxore, quæ proprijs tignis, & cæmentis ædificauit in area sibi à marito donata. Quo etiam in casu patet, maritum pauperiorem fieri donatâ area; vxorem locupletiozem accipitâ. Sed incurrit hic alia ratio naturalis, de imposito ædificio in solo alieno: quod domino soli, id est area, cedere, explorati iuris est, *l. adeo 7. §. cum in suo 1. 0. de adquir. rer. domin. l. 1. §. is autem. de superficieb.* Itaque potius videtur donare, qui in ædificauit in area, quam is, qui aream donauit. Quo pretextu facile inueniri posset fraus contra interdictionem nostram: posset quippè sic impensas donare, qui aream acceperat. Et in summa de patrimonio suo diminueret, qui in area donata ædificaret. Quæ ita temperantur, vt area donatoris maneat, & per consequens ædificium; quod tamèn si petat, possit donatarius impensas retinere oppositâ doli exceptione; quia sciente donatore ædificauit, neque malâ fide in re aliena impendit, *l. sed si vir 3 1. §. si vir vxori 2. h. tit. l. cum vir 1. 0. de doli mali exceptione.* Latè agit Scipio Gentilis *lib. 1. cap. 40. de remedijs*, quæ competunt ædificatoribus in alieno

solo ad seruandas impensas: hanc tamen partem, quæ expediendo nostro tractatui supponi debet, non prosequor. Adeundi sunt Donell. & Osuald. d. lib. 4. cap. 33. Clascici in §. certè inst. de rer. diuis. & in l. Iulianus 37. de rei vindicat. & in l. si in area 33. de conditione indebiti. Tauristæ in l. 46. Tauri. Menochius de recuperanda remedio 15. ex num. 550. Garcia de expensis cap. 1. ex num. 24. & cap. 2. per totum.

III Tertia species est, si maritus diætam, cubiculum, aut zetam in hortis, vel in domo urbana, aut rustica extruxerit: siuè domus in dotem data sit non æstimata; siuè vxor eam sibi retinuerit. tanquam paraphernalem. Est donatio, qua locupletior fit vxor; pauperior maritus. Et nihilominus ad præcium non potest agere, vt nec in calu. tigni iniuncti, de quo dixi supra num. 9. Potest verò detrahere, quæ ipsi vtilia sint (ne aliòquin malitijs indulgeamus l. in fundo 38. de rei vindicat.) siuè ædificij tamen damno. Veluti marmora, & cætera, quæ ita iunguntur ædibus, vt ad ornatum potius spectent, quam ad constructionis necessitatem: Cui rei impedimentum non affert S. C. factum. Auiola, & Panfa Cossi. de quo in l. cætera 41. §. 1. vsque ad finem legis cum duab. seqq. de legat. 1. quia hoc S. C. tantum prospexit promercio; negotiatioai, & promiscuæ alienationi marmorum ad iunctorum ædibus; non tamen occurrit, siuè obuiauit illi detractioni, quæ fit propriæ indemnitate consequendæ gratiâ, vt rectè Marcellus censuit in l. Senatus 43. §. 1. eod. tit. de legat. 1. cuius sententia breuius exposita referatur in l. Marcellus 45. hoc. tit. Et obseruauit Cuiac. sup. lib. 5. cap. 26. & post eum Gentilis lib. 1. cap. 39. alios casus adnectens prædicto textui, sed à Cuiac. excogitatus con-

cinnus, & genuinus est.

CAPVT VIII.

De confirmatione donationum, ad Orationem
Seueri, & Antonini.

OBSERVEMVS rudi licet Mineruâ œconomiam librorum Vlpiani, qui ad nostrum tractatum spectant, *lib. 32. ad Sabinum in l. 1. hoc tit.* docuit moribus populi Romani improbatas esse donationes inter virum, & vxorem, ratione adiectâ: deinde *in l. 3.* retulit orationis partem Antonini Augusti (nempè Caracallæ) quæ repetijt prohibitionem, & rationem eius confirmauit. Ibi, & *in l. si sponsus 5. l. quod autem 7.* (quæ *lib. 32. non 31.* adscribenda est) *l. si ex annuo 15. l. de fructib. 17. l. si vxor 19. l. si quis pro vxore 21.* de vtilibus, & inutilibus donationibus egit, stando veteri iuri. Et de eodem iure agens disputauit de donationibus causâ mortis *in l. si eum 9. l. si interim 11. hoc tit.* Tandem *in l. cum hic status 32. sub lib. 33.* incipit agere de oratione Antonini Augusti Caracallæ filij Seueri recitatâ in Senatu, & eius Consulto firmatâ, de confirmandis donationibus, Fulvio Æmiliano, & Nummio Albino Coss. quibus annum 955. signant Fastographi, aliquâ tamen nominum, & cognominum differentia, quæ ad rem Iuridicam parum facit. Ità orditur Vlpianus: *Cum hic status esset donationum inter virum, & vxorem, quem antea retulimus, nempè lib. 32. ad Sabinum.* Retulerat verò *in d. l. 3.* partem eiusdem orationis Antonini Augusti, quæ comprobauerat rationem prohibitionis. Ex quo suspicor, Antoninum prius stabilisse veterem interdictionem: postea auctorem fuisse, vt aliquid relaxaretur de illius iuris rigore. More recepto in nouis edendis constitutionibus; quæ vetus ius recoquebât,

vt de illo aliquid immutarent, vel derogarent, vt dixi ad leg. *Atiniam in princip.* Non habemus integram orationem; imò nec minima eius pars ad nos peruenit. Summa exponitur ab Vlpiano, ibi. *Oratio Imperatoris nostride confirmandis donationibus non tantum ad ea pertinet, quæ nomine vxoris à viro comparata sunt, sed ad omnes donationes inter virum, & vxorem: sequitur: vt ipso iure res sint eius, cui donate sunt, & obligatio sit civilis, qui est totus effectus nostri S. Consulti.* Prima pars est: licet pœnitere maritum, & reuocare quæ donata sunt, ibi. *Fas est, eum, qui donauit, pœnitere, vt in §. ait oratio 2.* Secunda pars est: si consumptum inutiliter non fuerit ab vxore, vt ex eo locupletior effecta sit, §. *quod ait oratio 9.* ex qua parte tantum superest verbum *consumpsisse*, quod retulit Vlpianus. Tertia pars est: in dubio, si voluntatem non mutauit, & vique ad supremum vitæ spiritum in ea perseverauit, donatio mortè confirmata censetur; avarum quippè esset, vt reuocaret heres, quod non reuocauit donator. Quartapars est: *si prior vitæ decesserit, qui donatum accepit*, euanescit donatio, non confirmatur; perinde omnia procedunt, quæ dicenda forent, si oratio recitata non fuisset, vt ab initio non valeat. Quam partem indicauit in §. *si ambo 14.* Quarum omnium partium hæc est epitome: *si donator in eadem voluntate perseuerauerit vsque ad mortem, ipso iure valet, confirmatur donatio, l. 1. l. donatio 3. l. si vt proponis 5. l. etiam 6. l. si maritus 10. l. à marito 18. l. creditor 20. C. hoc tit. l. 1. §. est & illud 3. de dote prælegata, l. si inter virum 8. de reb. dub. cap. vlt. extra hoc tit. l. 4. tit. 4. Partit. 5.* Quam illustrabitis multis Auctoribus, quos adducunt Petrus Barbosa in l. 2. part. 2. num. 3. solut. matrim. Benedictus Pinellus lib. 2. selectar. cap. 2. D. Franciscus de Amaya lib. 2. obseruat. cap. 10. pater Sanchez lib. 6. de matrimonio disput. 16. Addendique erunt Scipio Gentilis lib. 3. à princip. Cujac. tract. 6. ad African. in l. si quando 109.

delegat. 1. & lib. 8. RR. Papin. in l. cum pater 77. §. pater filie 17. delegat. 2. & in recit. ad leg. pen. de collat. dotis, & in alijs multis locis. Antonius Faber lib. 2. coniectur. cap. 8.

Nullus alijs ex I. Consultis tam ex professo aggressus fuit expositionem huius S. Consulti, quam Vlpianus, cuius fortasse integrum, aut parum diminutum commentarium habemus in hac l. In primis in §. oratio 16. quærit, ad quos extendatur prohibitio, vt prohibitione admissa succedat postea S. Consulti beneficium. De prohibitione tetigimus supra cap. 3. De beneficio dicam breuiter, præmoriante donatore confirmari donationem: veluti si nurus socero donauit, spectamus mortem nurus donatricis, quæ socero donauit; si verò focer donatarius præmoriatur, nondum evanescit donatio: nam ex sententia Papiniani mortem mariti expectamus, si mulier in eadem voluntate adhuc perseverat: primò enim, & principaliter personam mariti videtur vxor donatrix intueri, quando donat socero. Ad hanc speciem quadamtenus pertinet text. in l. si mater 34. de iure dotium. Verum non loquitur de donatione collata à matre in filiam, quæ in mariti erat potestate, sed de auro concesso ad vsum, fortè precario, cuius concessio personalis fuit, & ideo extincta censetur morte concedentis, arg. ex l. 1. de precario. Profecquitur ex §. si nurus 18. vsque ad §. si sponsus 22. Species, seu themata singularia circa eadem dubia. In quibus vim ingenij ostendit, ludens in varietate, & mixtione casuum incidentium, qui omnes ad præcedentem regulam redigendi sunt. In §. si filius 17. quærit de filio milite, qui ex castrensi peculio vxori donauit: docetq; spectandam esse personam, & mortem filij, quia in castrensibus iure patris gaudet l. 2. ad Macedon. Ad quam partem redigendus est text. in l. si militi 6. de castrensi peculio, vel ex identitate inscriptionis facilius, & melius reducetur ad l. quod autè 7. §. vlt. h. t. de seruo donato manumissionis gratia,

Deinde ex §. si inter virum, & uxorem 24. incipit quærere, quot modis, aut thecnis possit confingi donatio per contractus fraudulentos, emptionis, locationis, societatis: quãdo contractus iure vulgato sit nullus, quando irritetur propter interdictionem nostri tituli: vt primò casu non possit morte confirmari: secundo verò confirmetur morte ex S. Consulto. Quod expositum manet *suprà cap. 4.*

4. In §. penultimo, & ult: quando censeatur constare matrimonium: quale sit licitum, vel illicitum; vt valeat, vel non valeat donatio ad eundem effectum inquirit? Nos supersedemus, quia affatim de hac re egimus *cap. 2.*

5. Quibus in superioribus expeditis: nunc de reuocatione donationis videndum est. In primis supponimus hanc donationem constante matrimonio reuocabilem esse: in ea semper esse locum pœnitentiæ, quando simpliciter facta fuit inter coniuges, §. pœnitentiam 3. eiusdem l. in quo docemur supremum iudicium esse spectandum, si prius pœnituit, postea desijt pœnitere, vel contra. Cum quo §. vulgò, & rectissime iungitur, l. 4. de adimendis legat. quæ ex eodem lib. 33. ad Sabinum desumpta est. Vt eadem regula seruentur in his donationibus, quæ seruantur in legatis, vel fideicommissis post contractas inimicitias capitales, per quas inter coniuges locus fiebat diuortio mala gratia, aut mente celebrato. Et quidem si aperta, & clara est reuocatio, veluti facta testatò coram duobus testibus, & ex forma, quam ad praxim tradunt Petrus Barbosa in l. quæ dotis 34. num. 106. vers. sed resoluendum solut. matrim. & cum alijs Hermosilla in l. 11. tit. 4. Partita 5. glossa 6. num. 5. Expedita res est, nec indigemus coniecturis. Quando verò voluntas ex facto deprehensa est coniecturaliter, difficilius investigari potest: non est enim iuris quæstio, sed voluntatis, l. ex verbis 14. C. hoc tit. Et in hoc etiam casu valet regula toties in hoc commentario reperiata, iudi-

iudicem debere se præbere indulgentem; & sumere illam coniecturam, per quam magis sustineatur, quam pereat donatio; vt in dubio potius confirmata, quam reuocata censeatur tacita voluntate, *d. l. cum hic status §. sed vbi semel 4.* In dubio autem, si prius vxori maritus rem donauit, & postea pignori obligauit: vel seruum donatum vxori heredem necessarium sibi fecit cum libertate, reuocata censeatur donatio. Si verò prius seruum cum libertate heredem scripsit, vel pignerauit: præualeat donatio, nec valet heredis institutio cum libertate facta: ius verò creditoris non imminuitur, sed cum sua causa seruus donatus est, *l. vxori sue 22. l. cum hic status 32. §. si maritus 5. ff. l. si maritus 12. cum l. seq. C. hoc tit.* Et adhuc in hac re coniecturali nihil certi statuemus: quippè si prius donauit, & postea obligauit; valebit donatio, si voluit maritus, vt permaneret, *d. §. 5.* Et quandoque ad heredem pertinebit luendi pignoris onus, quam partem latius prosequutus fuerat Vlpianus *in eodem lib.* vt colligitur *ex l. si res obligata 57. de legat. 1.* Hodie verò ex nouella Iustiniani Imperator. quæ est *de diuersis capitulis 162. cap. 1.* coniectura hæc abolita est: nec ex subsequenti pignoratione rei censeatur donatio reuocata, nisi alia expressior appareat voluntas. Illud tamèn expedite dicitur; si multas res maritus vxori donauit, & quasdam ex eis legauerit; in reliquis non censi mutata voluntatem, *d. l. 32. §. qui quasdam 15.* Præsumptiones mutatae voluntatis non vacat prosequi. Adiri possunt prædictos textus illustrantes, & illas examinantes Conanus *lib. 8. comment. cap. 11.* Cujac. *lib. 3. obseruat. cap. 10.* Duaren. *ad hunc tit. propè finem,* Couarr. *in rub. de testam. 3. part. num. 27. & seq.* Menoch. *lib. 3. præsumpt. 37. & præsumpt. 124. num. 70. & 71.* D. Salgadus *in Labyrintho credit. 2. part. cap. 19.*

6 Reuocata donatione à donatore competit heredi actio ad repetendam rem donatam, *d. l. 32. §. sed vbi semel 4.* Heredis verò appellatione, quicumque vni-

uer-

uersalis successor significatur, *l. heredis 170. de verb. fig-
nificat.* quæ ad hanc partem pertinet, quia *ex eodem lib.*
desumitur; veluti fiscus, qui vacantia occupat. *l. 1. C.
hoc tit.* à contrario sensu expensa. Quatenus reuocata
donatio repetatur, & quibus remedijs, exposui *cap. 7.*
nec repeto.

7 Euanescit etiam donatio, vt notauimus, si
prior vitâ decesserit is, qui donatum accepit. Vide tes-
timonia *num. 1. in fine* relata. In donatione vulgari, causâ
sa mortis, ita efferimus; si superviuat donator, irritatur
donatio; si superviuat donatarius, confirmatur, valetq;
donatio: nec prius videtur perfecta, quam mors dona-
toris in sequuta sit, *l. si qui invicem 26. l. non videtur 32.
de mort. causâ donation.* Vtraque loquutio in idem reci-
dit: namque prior dicitur respectu posterioris: supervi-
xisse verò dicitur, qui post alium obiit. Si requireretur
præcisè, vt posterior decederet, siue superuiveret dona-
tarius: ambobus simul pereuntibus naufragio, aut ruinâ
non posset donatio exitum habere: quia per iudicialem
diligentiam compertum fieri non posset, posteriorem
decessisse donatarium, vel priorem obiisse donatorem.
Vt non sortitur exitum dispositio testamentaria, vel
contractus, negotiumve, quæ conferuntur in tempus,
quo alter superstes maneat, *l. qui duos 9. §. si cum filio, l.
quod de pariter 16. cum seq. de reb. dub.* Sed causâ adiuvan-
dæ liberalitatis, & quæstionis decidendæ in fauorem
donatarij, non ponimus confirmationem donationis,
in tempore mortis ipsius: sed per negationem ponimus
in tempore mortis donatoris: & dicimus ad confirma-
tionem donationis satis esse, si non prior decedat dona-
tor. Cum autem verum sit, non decedere priorem do-
natorem, cum ambo simul pereunt: ideo dicimus con-
sequenter, valere donationem, si ambo simul pereant.
Vt concludit post longam disputationem Ulpian, *in d. l.
32. §. si ambo 14.* & breuius *in l. si inter 8. de reb. dub. l. si
qui invicem 26. de donat. causâ mort.* Et hæc est notabilis
diffe-

differentia inter dispositiones testamentarias, & has donationes: illæ enim exigunt, ut præcedat testator, & superviuat heres, vel legatarius: nam ex instanti mortis incipiunt vires habere, & effectum producere, *l. 1. qui testam. facere poss.* quare nihil valët, nisi supersit persona, in quam transcribatur momento successiuo temporis, testatoris ius. Donationes verò, quia in vita factæ fuerunt, & ius aliquod quæsitum fuit, quanvis reuocabile, viuenti donatario; non indigent momento illo successiuo tēporis, ut confirmētur, & exitum fortiantur. Hæc addenda sunt his, quæ dixi *lib. 7. Opusculor. cap. 5. n. 26.*

8 His positis, expositisque incipit Ulpianus varias quæstiones annectere de morte donatoris. De Ciuili, Naturali, etiam eà, quæ ex ultimo supplicio irrogatur, vel quam quis sibi conciscit conscientia sceleris? Quam partem non prius exponam, quam exposuerim nouam constitutionem Constantini relata in *l. res vxoris 24. C. hoc tit.* quæ extat in *l. 1. C. Theod. de bonis proscriptor.* exillimo enim esse benignam extensionem nostri S. Consulti: repetam verò hic, quãvis latius de hac quæstione egerim *in tractatu principali cap. 4. ex n. 19.* Antoninus sanxiuit absolutè, morte mariti donatoris confirmari donationes factas constante matrimonio. Constantinus consultus de his donatoribus, qui ultimo supplicio consumpti perierant; constituit, ut factæ ante crimen, siue quod idem est in hoc textu, ante reatum, morte illa confirmentur. In Codice Theodosiano solum fit mētio ultimi supplicij. In Codice Iustiniani hæc verba adiecta leguntur, quæ lineolis, siue astericis notantur: *damnato * ac mortuo ex pœnâ marito, vel in seruillem conditionem ex pœne qualitate deducto. ** Siue hæc verba adiecta sint à Iustiniano: siue legerentur olim in Codice Theodosij, & decurtata fuerint ab Anniano abbreviatore Codicis Theodosiani, cuius compendium ad nos peruenit, non verus ipse Codex: negari non potest, donationem habili tempore, id est ante commissum

capitale crimèn, constante matrimonio factam, confirmari vltimo capitis supplicio, vel maxima capitis diminutione ingruente. Idem sancitur ab Arcadio, & Honorio in *l. si quis posthac 9. C. de bonis proscripor.* Cuius littera extat, Constantinoq; imputatur in *d. l. r. C. Theod. eod. tit.* Illa tamèn verba, *antè proscriptionem,* quæ extant in *d. l. 9. necesse est,* vt intelligantur, ante crimen committum, vt *d. l. 24.*

9 Cui nouæ constitutioni nihil contrarium. Ulpianus: saltèm Tribonianus eà sollertia retulit eius litteram, vt omnia eius responsa mirè conueniant cum prædicta Constantini Sanctione. In *§. si donator 6.* quaerit, vt rum status donationis confirmetur, si donator ad premium participandum sese venundari passus fuerit, vel qua alià ratione seruus priuati efficiatur? Ratio dubitandi innuitur in textu: quia seruitus morti comparatur, *l. seruitutem 209. de regul. iuris.* Morte confirmatur donatio. Ergo, & seruitute. Ratio decidendi est prompta. Morte quippè confirmatur, quæ contingit integro statu. Sed maxima capitis diminutio, si est mors, non contingit statu integro. Ergo non potest maximà capitis diminutione confirmari. Vrgentior, & à simili posset confingi ratio dubitandi ex *d. l. 24. sic.* Seruitus priuata in esse capitis diminutionis non distat à seruitute poenæ. *§. maxima 1. inst. de capitis dimiunt.* Sed per seruitutem poenæ, quæ contingit diminuto statu confirmatur donatio. Igitur, & per seruitutem priuati. Hanc rationem dubitandi in contemptu indicaret Tribonianus sub persona Ulpiani, qui loquitur: desumenda enim erat ex Constantino, cuius sæculum antecessit Ulpianus. Nō tamèn obstat; quia specialis, & benigna constitutio est, quæ indulgit, vt per seruitutem prouenientem ex atrocitate sententiæ, confirmaretur donatio hæc, quanvis non contingeret saluo statu: quod autèm non ratione iuris, sed fauore receptum est, non extenditur ad consequentias, *l. quod vèro 14. cum duab. seqq. de legib.* Ergo
non

non potest extendi ad aliam speciem seruitutis, quam de qua loquitur constitutio. Erit ergo exceptio, aut declaratio d. l. 24. quæ proponitur *ind. §. si donator* 6. Neque enim novum est, vt priores leges trahantur ad posteriores *l. non est novum* 26. *cum duab. seqq. de legibus*. Aliter hæc concepit Gentilis *lib. 3. Cap. 9.* Cuius tamèn acumen valdè mihi placet in expositione versic. *proinde*: in quo Ulpianus loquens de vxore donataria non meminit seruitutis priuatae, sed seruitutis: per quam euanescit donatio; quia verum est, finitum fuisse matrimoniù *l. 1. de diuortijs*, & donatorem non prædecessisse.

10 Sequitur *§. si maritus* 7. in quo extant duæ alie exceptiones: videlicet morte mariti non confirmari donationem constante matrimonio in vxorem collatam, si ante sententiam mortem sibi consciuit ob conscientia sceleris. Quod etiam apud Romanos, quantũ vis durtiæ Stoicæ rigentes, flagitiosissimũ reputatũ fuit, *l. vlt. per totam. de bonis eorum qui ante sent. l. in fraudem* 45. *§. eius bona* 2. *de iure fisci*. Adì pro cunctis vnum, cultum, & elegantem I. Consultum, D. Iacobi Equitem nobilissimũ, & domininæ gazæ purissimum Administrum D. RAMOS FILIVM *extremo libro de parricidio pag. 585.* Hæc mors est violenta, non est à sententia allata, sed propria manu sumpta. De ea non loquitur Constantinus. Afferit verò Ulpianus, non pertinere ad Orationem de confirmandis donationibus. Ergo est casus specialis; & exceptio vtriusque constitutionis: priori enim constitutione hæc mors, siue nex non confirmabat donationes coniugales: noua constitutio de hac nece non loquitur. Igitur ad neutram spectat. Secunda exceptio est. Si donatoris memoria damnata est ob crimen perduellionis, aut aliud atrocissimum. Videte quæ attuli ad calcem *libri tertij analecti de interdictis, & relegatis*. Non enim visum fuit vllum beneficium confirmari morte talis delinquentis. Constantinus generaliter loquitur, de damnato, cui per sententiam mors inflictæ fuit. Ulpianus

verò specialitèr de eo, cuius memoria damnatur ob atrocissimum delictum. Igitur est limitatio, non antinomia. Ita in effectu censent Mendez de Castro in *l. cum oportet* 6. 1. parte num. 47. C. de bonis quæ liber. Benedictus Pinellus lib. 2. selectar. cap. 2. num. 12. & 18. pater Sanchez lib. 6. de matrim. disput. 14. num. 1. Scip. Gentilis manum Triboniani agnoscere affectans non multum necessario d. lib. 3. cap. 10. quanvis Antonius Faber lib. 7. coniect. cap. 20. propè finem. Existimauerit decisionem d. §. si maritus 7. corrigi per d. l. res uxoris 24.

II

Sed subsistendum est tantisper. Donatio causa mortis inter extraneos facta, euanescit, si donator passus sit maximam, aut mediam capitæ diminutionem, vel bonorum proscriptionem, et si ante commissum capitale crimē celebrata sit, *l. si quis* 7. de mortis causa donat. Ratio est, quia est voluntas imperfecta, quæ ad sui confirmationem expectat mortem; quæ si contingat mutato statu, non potest donatio confirmari; siue irritatur, vt de testamento docemur, in *l. eius qui* 8. §. 1. qui testam. facere poss. *l. si quis filio* 6. §. irritum de iniustorupto, ita omnes supra laudati presertim Anton. Faber. d. cap. 20. Donatio verò inter viuos facta ante commissum crimen capitale, per subsequens crimen non reuocatur, licet sequuta sit condemnatio, & bonorum proscriptio, d. *l. si quis posthac* 9. in princip. & §. 1. C. de bonis proscrip. *l. cum ratio* 7. §. ex bonis 2. de bonis damnator. *l. in fraudem* 45. in princip. de iure fisci, nisi consilio perpetrandi criminis, & avertendi proscriptionem bonorum, fraudandiq; fiscum facta sit donatio, vt ex iisdem textibus constat, & ex d. *l. si quis* 7. ibi. Ceteræ donationes sine suspitione poenæ factæ valent. De quo consilio certum aliquid afferre non possumus, sed per coniecturas eliciendum est, de quibus multa adducit pater Thomas Sanchez 1. tomo in precepta decalogi lib. 2. cap. 21. ex num. 5. Facta verò donatio inter viuos post capitale crimen reuocatur, si condemnatio sequuta sit, *l. post contractum* 15. de donat. Secundum ve-

riorem

fiorem lectionem Haloandri, quæ firmatur ex versione libri Basilici lib. 47. tit. 1. them. 4. & Glossa Enantiophanis ibi: eamque præferunt cum iudicio sic textum accipientes Cujac. lib. 12. RR. Papin. in l. donationes 31. §. ult. de donat. Hotman. in disput. de donat. cap. 7. Anton. Faber lib. 7. coniectur. cap. ult. Paulus Castrensis, & Gifan. num. 21. in d. l. 15. Quanyis eadem littera recepta aliter textum exponant Marcus Lyclama lib. 5. membranar. eclogæ 19. Guillelmus Onciacus lib. 1. quæst. Academicar. quæst. 41. num. 7. Osuald. ad Donell. lib. 9. cap. 10. litt. DD. In illis tamèn publicis iudicijs, quorum accusatio morte non extinguitur; ferè idem dicitur, sed non per omnia idem: non debemus dicere, si condemnatio sicuta sit, non valere donationem: sed ita; non aliter valere donationem; quam si absolutio sequuta sit, si fiat donatio post admissum crimen. In communibus enim capitalibus criminibus, si reus opportunà morte supplicio exemptus sit, valet donatio: quia non fuit condemnatus; in crimine verò perduellionis, Lææ Maiestatis, & similibus, non valet, si post mortem condemnatur, si damnetur eius memoria: denique non aliter valet, quam si absoluat, l. maiestatis 6. l. ult. C. de legem Iul. maiest. d. l. donationes 31. §. ult. de donation. quod magis ponunt, quam exponunt Auctores nostri.

Ex proximè notatis apparet, quid denuò sanxerit Constantinus circa donationes factas constante matrimonio inter virum, & vxorem: comparauit quippè eas donationibus inter viuos: non donationibus causa mortis inter extraneos factis. Quanyis enim vtrumque donationis genus expectet mortem ad confirmationem: tamèn voluit, vt donatio inter virum, & vxorem, non expectaret mortem, nisi ad inuicem perseverantia in voluntate ex parte donatoris; non verò vt penderet ex eius statu. Ex quo Eduardus Caldeira lib. 4. variar. cap. 2. num. 2. & 15.

& Benedictus Pinellus *lib. 2. selectar. cap. 2. num. 22.* cum alijs à se relatis nimis subtilem differentiam secundum Constantini constitutionem hac in parte constituere voluerunt inter donationem causa mortis, & donationem inter viuos factas constante matrimonio inter coniuges: vt donatio causa mortis irritetur per subsequutam condemnationem; non verò donatio inter viuos: quia hac contenta est persuerantià in voluntate: illa verò pendet etiam à statu. Ego tamèn, si iudex in causa sederem, tam subtilis non essem: & maiori æquitate censerem de donationibus inter coniuges factis. Nec amplius libet controuersiam trahere de hac quæstione, cùm iam nemo benè natus per atrocitatem poenæ statum mutet *auth. sed hodiè C. hoc tit. iunèt à l. 4. Tauri, quæ est. l. 3. tit. 4. lib. 5. Regiæ Compilat.* addendi sunt præter Clarificos Molina *lib. 4. de primog. Cap. 11. num. 21.* Osuald. *ad Donell. lib. 6. Cap. 16. lit. L.* & omnium elegantissimè noster D. Nicolaus Antonius *lib. 2. de exilio Cap. 23. præsertim ex num. 15.* Illud tamen consilium, saluà iuris ratione, subtrahere non potest, quod præbent marito de crimine, & confiscatione cogitanti, vt in illū casū conferat in vxorē bona sua; quo facto euitari confiscationē censuerunt cum Baldo, & Iasone Costa *in Cap. si pater. 1. parte verbo legauit num. 6.* Benedictus Pinell. *d. cap. 2. num. 18.* Scipio Gentilis *lib. 2. Cap. 32.* Quia constitutio Constantini non fauet fraudi mariti; sed illis tantum donationibus, quæ fiunt sinè suspitione fraudis, & poenæ: vt rectius censuerunt Anton. Faber *de errorib. pragmaticor. de cade. 46. err. 4.* D. Nicolaus Antonius *d. lib. 2. cap. 9. num. 4.*

13 Dicamus nunc de marito donatore, qui deportationem passus fuit, & per consequens bonorum proscriptionem, cum in vxorem contulisset donationem ante crimen commissum; ad explicationem posterioris partis text. *in d. l. res vxoris 24. Cod. hoc tit.* Et sane Constantinus loquēs de communibus donationibus factis

factis inter coniuges opportuno tempore, sanxit, vt bona donata in fiscum non cogerentur, non confiscarentur, quantum constante matrimonio in dominio mariti permanissent *l. 3. §. Sciendum. hoc tit.* sed donatio permaneret in eodem statu, siquidem, & matrimonium permaneret *l. 1. de diuort. dixi lib. 1. de interd. & relegat. Cap. 5.* Ex quo concludit, marito licentiam esse reuocandi donationem in vita; confirmatique, si usque ad mortem in eadem voluntate perseuerauerit. vt agnoscunt nostri D. Franciscus de Amaya *lib. 1. obseruat. Cap. 12. ex num. 18.* D. Nicol. Anton. *d. Cap. 9.* Vnde, si maritus postea donationem reuocet, & in deportatione decedat, ad fiscum cum ceteris bonis res donatæ spectant: quod si non reuocauerit, vxori donatariæ reseruantur, vt asserit Constantinus, & docent nupèrlaudati. An verò interim res cogantur in fiscum cum sua caussa, id est cum obligatione eas restituendi vxori, si donatio confirmetur, in dubium vertitur. D. Nicol. *eod. cap. 9. num. 9.* ita censet. Ego existimo, quod vxori donatariæ fauorabilius est, bona donata penes ipsam debere residere; vt reuocata donatione fisco teneatur iisdem actionibus, quibus alioquin marito teneretur.

14 Hæc prouidentia Constantini tam conformis est humanitati, quam excogitauit Vlpianus *in l. sed si mors 13. §. proinde hoc tit.* Vt viri doctissimi existimauerint, illum locum interpolatum fuisse à Triboniano, mutante, & accommodante Consulti decisionem nouo iuri à Constantino edito. Ita Cujac. *lib. 3. obseruat. cap. 10.* Anton. Fab. *lib. 12. coniectur. cap. 17.* & in Papi-
nian. tit. 9. princip. 1. illat. 3. & *decad. 46. error 4.* Scipio Gentil. *lib. 2. cap. 32.* Quod agnoscere non esset inexpiable facinus; cum & stylus ipse Græcissimum redoleat, nec multum sapiat Vlpiani pharim. Sed pro Genio Scholæ, aliquid audendum est, vt decisionem Consulti exponamus sine ope huius evasionis. In primis noto, loqui Vlpianum de donatione mortis caussa, quam vir con-

contulit in vxorem constante matrimonio: Constantinum verò loqui de donatione inter viuos, quæ morte confirmatur. Inter quos casus si invenerimus differentiam, simul comperiemus diuersas esse ambas decisiones. Dicam ergò hic aliquantò expressiùs, quamvis nonnulla tetigerim *suprà cap. 5.* Etiam ante nostrum S. Consultum permissa fuerunt donationes causa mortis inter coniuges, quia in illud tempus excurrunt, quo iam tales esse desierunt, *l. si eum 9. §. vlt. cum l. seq.* Quæ sententia receptissima est, vt constat ex patre Molina 2. tract. de iust. & iure disput. 288. patre Sanchez de matrim. lib. 6. disput. 10. num. 1. Petro Barbosa in l. si ab hostib. 10. §. vlt. num. 11. & in l. quæ dotis 34. num. 91. 123. 129. & seq. Costa in cap. si pater. 1. part. verbo legauit à princip. Antonio Faber lib. 7. coniectur. cap. 2. Benedicto Pinello lib. 2. select. cap. 2. num. 8. Cujacio lib. 10. qq. Papin. in l. si vir 52. hoc tit. & lib. 15. in l. seruus 76. de hered. instit. & lib. 29. in l. si mortis 40. de mort. causa donat. Duareno in paraphrasi ad hunc tit. Gentili lib. 2. cap. 33. Sed cum duæ sint donationis species; altera, quæ statim transfert dominium quantumvis reuocabile: altera, quæ transfert dominium in casum mortis, *l. 2. de mortis causa donationibus.* Dubitant interpretes, quænam ex his inter coniuges permittatur? Ego existimo decidi quæstionem aperte in *l. sed interim 11. §. sed quod dicitur, hoc tit. ibi. Sed quod dicitur, mortis causa donationem inter virum, & vxorem valere, ita verum est;* vt non solum ea donatio valeat secundum Iulianum, quæ hoc animo fit, vt tunc res fiat vxoris, vel mariti, cum mors insequatur: sed omnis mortis causa donatio. Hæc lex desumpta est ex lib. 32. *Ulpiani ad Sabinum,* ex quo desumitur *d. l. 2. in vtraque adducitur Iuliani testimonium.* Ergò quod dicitur de communibus mortis causa donationibus in hac parte, dicitur etiam de celebratis inter coniuges; quæ est nota, & animaduertio Scipionis Gentilis *d. cap. 33. & docuit etiam Cujac. disertè in d. l. 76. & in d. l. 40.*

15 Nec obstat text. in l. sed interim 11. hoc tit. sibi. Medio igitur tempore dominium remanet apud eum, qui donauit, loquitur enim Ulpianus in principio de illa specie donationis, ex qua non vult maritus statim transferre dominium; & in §. 1. de secunda agit. Idcirco non dicit, non posse statim fieri dominium vxoris, sed non fieri; non negat potentiam, sed actum. Quidquid per hunc textum aliter senserint Costa, Faber, & alij. Itaque tota præstantia donationis non consistit in eo, quod non fiat res statim vxoris: sed in eo, quod eius euentus excurret post mortem. Inter quas species longa differentia est: nam ubi statim transfertur dominium reuocabile, si postea donatio confirmetur morte, retroagitur, retrotrahitur ad tempus donationis celebratæ: at verò si confertur translatio dominij ad tempus mortis, non retrotrahitur, d. l. mortis 40. Sic circa acquisitiones manet suprâ notatum, & animaduertit Cujac. nuper laudatus, ex qua animaduersione optimè exponit d. l. 76. de hered. inst. in qua explicanda ideò non immeritor. Notemus, & inculcemus iterùm quod ex Iuliano docuit Ulpianus in d. l. 11. §. 1. omnem donationem causa mortis inter virum, & vxorem valere. Ergò valet, quæcunque vt talis substinetur inter extraneos. Igitur etiam si adiectum pactum sit, vt non liceat donatori eam reuocare, valebit inter cõiuges: repeto ratione à priori, quia in hoc tẽpus excurret donationis euentus, quo vir, & vxor esse desinunt, d. l. 10. hoc tit. Hac solâ ratione valent donationes causa mortis inter coniuges. Igitur non pendet earũ valor ex eo, quòd reuocabiles sint per pœnitentiã. Quod etiã videtur mihi agnouisse Gẽtil. d. cap. 33. licet nõ ita expressè asseueret, disertius verò docet Petr. Barbosa in d. l. que dotis 34. ex n. 129.

16 Tota ergò substantia donationis causa mortis, siue fiat inter extraneos, siue inter coniuges saluatur, in hoc quod expectet euentum mortis: quod autem interim possit reuocari, pertinet ad maiorem libertatem, minoremque liberalitatem donatoris.

Idcirco tanquam accidentia possunt adesse, vel abesse
 pacta, quibus libertas hæc restringatur, vel amplietur,
l. qui precio 8. §. ult. l. si alienam 13. §. 1. l. Senatus 35. §. mortis 4. de mort. causa donat. Gifan. ind. l. 13. num. 8. & probè intellectus Cujacius ibidem lib. 17. Digest. Iuliani, Couarrub. in rub. de testam. 2. parte num. 111. & seqq. & 3. parte num. 23. in fine, pater Molina d. tract. 2. disput. 287. versic. quando quis ita. Petrus Barbosa in d. l. que dotis num. 119. Donell. lib. 14. cap. 33. & ibi Osuald. litt. L. Si verò quod substantiale est, tollatur de donatione causa mortis; videlicet, vt valeat ante casum mortis donatoris, ex nunc, quanvis præcedat donatarius; non potest manere talis donatio: perit enim actus sublatà eius essentia, vt docet elegantèr summi iudicij Auctor pater Molina d. disputat. 287. versiculo si autem in fine. Iuris enim ars imitatur naturam: & quemadmodum in naturalibus essentia de rebus tolli non possunt; ita neque in civilibus, vt ad rem dixit Barbosa vbi proxime num. 120. Vnde si ita donatum sit, vt non reuocetur donatio, nec per poenitentiam, nec præcòcem donatarij mortem: non erit donatio causa mortis, sed magis inter viuos, effectù traditionis in tempus dilato. Quia pactiones ex diametro contraria negotiorum essentia illa transformant in aliud genus negotij, vt in l. 1. §. si rem 12. de positi, l. insulam 6. l. si tibi 13. de præser. verb. Quæ doctrina vera est, & retinenda, quando celebrantes actum æque voluerunt, & potuerunt facere hunc vel illum: verbi gratia, donationem causa mortis, & inter viuos. Cæterùm si noluerunt alium actum celebrare præter illum, de quo cogitabant, & nihilominus talem adiecerunt pactionem, quæ ipsius actus essentia repugnat; rejicitur pactio, vt maneat actus, de cuius valore sincerè cogitarunt contrahentes. Ethic est, vt censeo, casus text. in l. cum precario 12. de precario. Vel si non potuerunt; veluti si ita donatum sit inter virum, & vxorem, vt nullo casu reuocetur donatio. Neque enim mortis cau-

caussa est, propter contrariam legem essentiae talis donationis; neque inter vivos, quia prohibita est, l. ubi ita donatur 27. de mort. causa donat. Referamus huius text. verba, quae magnum negotium fecerunt Antiquis, & Pragmaticis Interpretibus apud Petrum Barbofam ubi proximè. Sic inquit Martianus: *Et ideo perinde haberi debet, atque alia qualibet inter vivos donatio.* Unde duas consequentias deducit; prima est. *Ideoque inter viros, & uxores non valet.* Videlicet, quia inter coniuges non valent donationes inter vivos, l. 3. §. sciendum hoc tit. nisi morte, & perseverantia in voluntate confirmentur ex nostro S. Consulto; quod Martianus non negat: quemadmodum neque reliqui I. Consulti negarunt, quando ab cisè, & indistinctè docent, inutiles esse donationes inter virum, & uxorem: & velle ex hoc testimonio colligere talem donationem S. Consulto non confirmari; quia expressam repugnantiam habet propter conditionem adiectam; nimium acumen est, quo ego non capior. Secunda consequentia est. *Et ideo nec Falcidia locum habet, quasi in mortis causa donatione.* Haec consequentia deducitur ex illo antecedenti praemissio: *perinde haberi debet, atque alia qualibet inter vivos donatio: idcirco quippè nec valet inter coniuges, nec per Falcidiam minuitur.* Qui ita inferunt; non valet inter coniuges haec donatio; ideo Falcidia in ea locum non habet: contra mentem, & litteram I. Consulti inferunt, & falsam deducunt consequentiam: quia inutilis donatio inter vivos à coniuge facta, & confirmata per nostrum S. Consultum, minuitur per Falcidiam, l. cum hic status 32. §. 1. hoc tit. vt infra dicam. Verius ergò, imò planè est; ideo non minui per Falcidiam inter extraneos factam, de quo themate loquutus fuit, & conclusit Martianus, quia non est donatio causa mortis, sed inter vivos. Hic sensus apertius colligitur ex littera textus libri Basilici tit. 3. lib. 47. ibi. *Si mortis causa ita donauero, vt nullo modo recipiam, non videtur mortis causa, sed esse inter vivos*

vinos donatio. Vndè nec valet inter coniuges, nec subsistit Falcidia. Qui duo effectus vt diuersi ponuntur, ita vt alter non dependeat ab altero. Quo in sensu prædictum locum accipiunt Catapodas, & Enartiophanes Græci Interpretæ ibi: quos sincerius sequitur Cujacius consultatione 20. quam Gifan. ibi. Hæc lege ad multa vtuntur Molina, & Addentes lib. 4. de primogen. cap. 2. à num. 40. Barbosa in d. l. quæ dotis ex num. 113. Gutierrez 1. part. de iuram. confirmator. cap. 12. Hermosilla in l. 11. tit. 4. Part. 5. glossa 4. à princ. Ioannes Corrafius, qui peculiaria ad eam edidit commentaria: qui ad rem practicam adiri possunt: nobis enim in his non licet immorari.

17 His positis, redeamus ad Vlpiani benignitatem, quam proposuimus *suprà num. 14.* Maritus vxori mortis causa donauit, & deportationem passus fuit. Non confirmatur donatio deportatione, quia fuit facta in aliu casu, non in huc casum: non tamen ex voluntate viri statim euanescit; quia deportatio non dissoluit matrimonium, si coniuges perseuerare laudabiliter uoluerint in proposito matrimonij. Sed licet ex voluntate viri non rescindatur, rescinditur ex iuris dispositione; quia superuenit capitis diminutio donatione adhuc non perfecta, non confirmata, *l. si quis 7. de mort. causa donationih.* Hæc erat stricta iuris ratio, & quæ militat in omnibus donationibus causa mortis inter extraneos factis. Vlpianus verò in collatis in vxores, dominio reuocabili per traditionem translato (de quibus in *l. 11. §. 1. ex professio egerat*) nouam æquitatem considerauit. Videlicet vxor habet dominium, quamvis reuocabile: vt habet pater in rebus castrensis filij sui, expositum dispositioni, & reuocationi filij. Confiscatio non aufert patri peculium castrense, crimen filio committente, & bonis eius proscripitis, *l. si filius 3. C. de bonis proscripitor.* quam alibi magis adstrictè exposui. Mulieris nullum delictum est, nulla culpa eius incurrit, si uè nihil vitium, vt pro nullo scripsit Vlpianum iam alij nota-

notarunt: ergò inhumanè Fiscus abferret bonas, quorù
dominium apud vxorem erat. Posset equidèm summo
iure, quia reuocatur donatio causa mortis per super-
uenientem capitis diminutionem: sed hæc eslet summa
iniuria, in honorem matrimonij auarè exercita: vxor
quippè grata marito, & ab eius munificentia pendens
fortè diuortium non faciet, cum sciat reuocari ab eo
posse donationem. Quod multò facilius celebraret, si
per fiscum priuata esset bonis donationis. Igitur si Pro-
curator Fisci incorporari petat bona vxori à marito
mortis causa donata, & tradita: vxorque interim dum
pendet status matrimonij, tuendam sese contra Fiscum
esse contendat; pretextu dominij translati, reuera ex
æquitate ab Vlpiano excogitata contra Fiscum obti-
nebit. Et in hac specie accipio Consultum præeunte cū
Antiquioribus Costa in cap. si pater 1. part. verbo legauit
num. 5. Constantinus verò vestigijs Vlpiani insistens nõ
tantum admisit Consulti humanitatem in donationi-
bus causa mortis inter coniuges celebratis per tradi-
tionem, & translationem dominij, sed in omnibus in-
distinctè donationibus, quæ mortem expectant ad sui
confirmationem, d. l. res vxoris 24. C. hoc tit. Quæ expli-
catio inducit nos in illam difficilem, & perplexam
questionem: quatenus donatio inter viuos morte con-
iugis donatoris confirmata, differat à mortis causa do-
natione: quam vellem vobis dilucidè exponere, charis-
simi, & clarissimi Studiosi; quia magno mihi contitit,
in ea veritatem assequi, ni fallor nimis confidenter.

CAPVT IX.

Quatenus distet donatio inter coniuges ab ini-
tio nullitè celebrata, confirmata per S. Consultum à
donatione mortis causa.

I ANTE Senatus-Consultum factum ad Oratio-
nem Seueri, & Antonini, res à coniuge cõiugi
donatæ

donatæ inter viuos, donatario auferebantur, & hereditari addicebantur, nisi expressis verbis legati, vel fideicommissi in testamento, & codicillisve relinquerentur donatario. Quare recepta fuit illa legandi forma vulgaris, & vtitatissima: *quæ uxori meæ dedi donavi, eiusve causâ emi, paravi, do lego.* Testimonia indicaui *suprà cap. 5.* nec repeto. Post nostrum verò S. Consultum, nõ adeò fuit hæc formula frequens; sublata enim ex prædictis locis animaduertimus illa verba, *uxori meæ dedi donavi*; quæ post Orationem Seueri, nec visa fuerunt necessaria. Nihilominus consentio Scipioni Gentili *lib. 3. cap. 2.* rectè existimanti, posse donatorem legare coniugi donatario, quæ nullitèr donauit inter viuos: nihil enim egit donando, dum viueret: ergò vtilitèr, & efficacitèr legat moriens inutilitèr donata. Si vult recedere à causâ donationis, & res relinquere ex causâ legati, nulla iuris ratio id prohibet. Imò ex eo, quod exprimat animum legandi, recedit à donatione pridem facta. Pœnitentia quippè donatoris ex multis argumentis, & indi-
tijs colligitur, l. cum hic status 32. §. pœnitentiam cum seqq. hoc tit. Et hoc erit vnum, nec debile, argumentum reuocatæ donationis, si res donatas expressè legauit. Quod si in testamento tantum declarauit, se velle, vt donatæ res maneant penes vxorem: non illicò inducimus legatum; & in re dubia, facilius censebimus, confirmatum esse titulum donationis; quam ad causam legati trãsisse donatorem, *l. ex verbis 14. C. hoc tit.* In summa, res vtilitèr inter viuos à marito donatæ, veluti ex causâ manumissionis, & ex similibus: inutilitèr à donatore legantur. Res verò inutilitèr donatæ, rectè legantur, *l. si quando 109. de legat. 1.* Quam de iure vetere, & ante Orationem nostram valente frustra tentauit accipere in suis eruditissimis Commentarijs maximus Interpretum *tract. 6. ad African.*

Sed vtrum differentia considerari possit inter inutilem donationem iure legati, aut fideicommissi

nisi confirmatam in testamento iure veteri: & tacite confirmatam ex S. Consulto, quoad retrotractionem, retroactionem, retroductionem temporis; inquirendū est: Variè enim dissentiunt Auctores nostri; tam in retrotractione, quam in eius effectibus. Palacios Rubios in rub. hoc tit. §. 72. Conarrub. in rub. de testamentis 3. part. num. 7. in nouioribus editionibus; D. Antonius Padilla Menesius in l. cum virum; C. de fideicommissis num. 18. Iulius Clarus verbo donatio quest. 9. num. 7. sub lib. 4. sentent. & ibi Arpæstus Additionator num. 10. D. Larreatigui lib. 4. select. cap. 9. ex num. 7. Censent retrahri quoad adquisitionem fructuum, non verò quoad dominium. Per contrarium, nisi in meo libro sit mendum chalcographi, Tiraquellus in l. si vnquam verbo libertis, num. 112 versic. septimo, tradit confirmari quoad dominium, non quoad fructus, ibi. Quod tamèn intelligas, vt illa donatio retrahatur quoad dominium, sed non quoad fructus, Scipio Gentilis lib. 3. cap. 35. acriter defendit, quoad vtrunque fieri retrotractionem. Sed Arias Pinell. in l. 2. 2. part. C. de rescind. vendit. num. 51. non ausus certum quid promere in hac quæstione, agnouit super ea inter interpretes variatum. Indistinctè retrotractionem fieri, denique agnouit Cujac. d. tractatu 6. ad African. in d. l. si quando 109. Sed quanuis Gētilis critico suspēderit naslo, & ad amussim examinauerit Auctorum fundamenta; non dubito, quin in hac quæstione pertractanda confuderit ius novum, cum veteri. Ego itaque existimo, vsque ad constitutionem Iustiniani, simplicem inter coniuges donationem morte confirmatam per S. Consultum, non fuisse retrahctam, sed valuisse à tempore mortis donatoris: beneficiumque retrotractionis accepisse à Iustiniano in suo casu.

3 Quæ sententia mihi suaderetur ex verbis S. Consulti relatis, siuè ad epitomem redactis ab Vlpiano in d. l. 32. §. 1. ibi. vt ipso iure res fiant eius, cui donatae sunt, & obligatio sit civilis. In quibus de retrotractione nihil dicitur. Imò, vt existimo, ostenditur, fieri donata-

si ipso iure tempore mortis donatoris: & nasci obligationem civilem contra heredem, vt contra donationem, non veniat, vt infra exponemus. Deinde ad-
 quisita viuento donatore per seruum donatum, ipsum sequuntur, non coniugem donatarium, si simpliciter inter viuos donatus fuit: quod si mortis causa fuit donatus, ea donationis specie, qua dominium saltem reuocabile in coniugem donatarium transfertur; sequuntur donatarium virtute retrotractionis, vt dixi supra cap. 5. num. 8. & 9. nec repeto. Igitur, quia haec donatio causa mortis retrotrahitur, illa non retrotrahitur. Deinde ex sententia Papiniani in l. si mortis 40. de mort. causa donat. qua retrotractionis effectum tribuit donationi causa mortis inter coniuges. Quae habet mysterium, vt retrotractione admitta in hac donatione, in caeteris excludatur. Tandem quia Oratio confirmauit donationes, quasi testamento sit confirmatum, quod donatum est, vt dixit Vlpian. in d. l. 32. §. 1. Sed donatio, quae a confirmatione testamenti pender, vt valeat; non retrotrahitur, vt concors omnium sententia est. Ergo, &c.

4 Non obstat text. in l. cum pater 77. §. pater filiae 17. de legat. 2. in quo Papinianus ponit, patrem extra causam dotis dedisse, donasse in ministerium filiae in potestate constitutae quasdam ancillas; easque peperisse; editisque partibus obiisse: patrem in testamento verbis fideicommissi reliquisse filiae ancillas, quas viuus donauerat; responderique partus deberi, quanuis matres non superessent. Idemque seruatum fuisse ante nostrum Senatus. Consultum in donationibus inter coniuges, curiosè obseruat. Pone maritum donasse inutiliter vxori ancillam, eamque peperisse; potea obiisse: & superstitute tantum partu, maritum in vltima voluntate confirmasse donationem expresse, vt necesse erat: retinebat vxor partum, quanuis mater praemortua fuisset. Hinc concludunt Auctores. Ergo donatio inter vi-
 rum,

rum, & vxorem retrahitur quoad fructus. Sed in
conspicte ex multiplici capite: primo quia ancillarum
partus fructibus non annumerantur, *l. in pecudum 28. de
vsur. l. vetus 68. de vsufr.* Deinde quia Papinianus expres-
se loquitur de iure antiquo ante constitutionem Seue-
ri, quando tacita voluntate non confirmabatur dona-
tio, sed opus erat expressa, & speciali: quo iure atten-
to nemo vnquam dixit retrahi donationem, cum va-
leat ex suprema voluntate. Ergo alia ratio est, ob quam
partus debeantur, nec consistit in retrotractione. Deni-
que quia si ex retrotractione proueniret; cum hæc non
posset operari circa ancillas medio tempore peremp-
tas, quod est planum; nec posset operari in partibus, si
tanquam accessorij, & consequentes considerarentur.
Ex quibus constat, malè expendi ad hoc propositum Pa-
piniani textum. Cuius ratio est: quia concessis ad vsum
matribus, siuè inutiliter donatis; partus, qui postea
eduntur eodem modo concessi censentur, noua, & no-
uiter Introducta pro singulis concessione, *l. quamuis 10.
de precario*, adeò quidem vt à matre non pendeat ius par-
tuum; *l. si ancilla 62. cum seq. de legat. 1.* cum ergo pater fi-
liæ, vel maritus vxori ancillas inutiliter donatas le-
gat, compendio verborum illas cum natis cense-
tur legasse: quarè licet ante testamentum matres de-
cessissent, partus intelliguntur legati, & iure de-
bentur. Itaque, vt existimo, totum acumen Pa-
piniani in eo consistit; quo partus non nominatis
eos comprehendit voluntas testatoris, cum par ra-
tio eorum, & matrum sit, & æquè in omnibus
militet eadem inutilis donatio. Ad quem intellectum
alludit Cujac. *ibi lib. 8. RR. Papin.* quem sequitur noster
Amaya lib. 3. obseruat. cap. 1. §. 1. ex num. 27.

Non etiam obstat textus in *l. do-
nationes 25. C. hoc tit.* quæ Scipio Gentilis præ-
cipuè nititur ad hanc retrotractionem fundan-
dam. Fatemur enim ad intentum esse textum

decretorium; sed agnoscimus nouam Iurisprudētiā, quæ non potest sinē errore imputari nostræ orationi. Duplicem quæstionem decidit Iustinianus, de qua olim fortè controuersia fuit indecisa, vel alitèr decisa intèr Consultos. Prima est de donatiōe collata intèr viuos à patre in filium, quem habebat in potestate: quæ propter identitatem personarum non potuit valere, *l. 1. §. 1. pro herede. Paulus lib. 5. sentent. tit. 1. §. 3.* quia pater filio in potestate retento donans sibi metipsi donat. ideò indigebat fortassis confirmatione speciali, vt ante S. Consultum nostrā donatio: ad quod non malè expenditur text. *in d. l. cum pater 77. §. pater filie.* Hanc voluit Iustinianus tacitā voluntate confirmari, vt circā donationes coniugales constituit Antoninus. Dixi *in tract. principali cap. 4. num. 7.* Secunda est hæc ipsa donatio intèr virum, & vxorem: circā quam frustrā Iustinianus sanciret, quod multò antè sanxerat Antoninus, vt tacita voluntate confirmaretur. Sanxit ergò aliquid denuò post Antoninum, & Constantinum. Antoninus iussit vt tacita voluntate confirmarentur. Constantinus verò vt si summam permissam excederent donationes etiam coniugales ad excessum non valerent, *l. 1. C. Theodos. de donat.* Iustinianus expressè sanxit, vt vsque ad concurrentem quantitatem silentio confirmaretur. Antonius Gomez 2. tomo *variar. cap. 4. numero 18.* Farinacius *in nouissimo repertorio de contractib. quest. 39.* Quod si actis insinuata non fuisset, sed specialitèr confirmata in testamento, ex vi vltimæ voluntatis, sustineri voluit, quia vltima voluntas, vel mortis causa donatio, insinuatione non indiget, indulgente sic nouo iure contra Constantinum, *l. vlt. C. de mort. causa donat.* Itaque, quod excedebat quantitatem iadigam insinuationis, sustinetur tanquam causa mortis donatum: quod non excedit, valet tanquam tacitè confirmatum, siuè per tacitam voluntatem. Et vna eademque donatio diuerso iure censetur, contra regulam text. *in l. cum qui edes 23.*

de usucapionibus. Ex quo consequenter constituit, illam donationem, quæ tacita voluntate confirmata fuit, retrotrahi ad tempus in quo fuerat celebrata: illam verò, quæ non aliter valeret, quam subsequenter speciali confirmatione, valere ex die confirmationis, nec retrotrahi. Hæc ita sanxit Iustinianus promiscuò tam in donationibus patrum, quam in donationibus coniugum: prohibens, siuè interdicens, *ne in cæterum subtilis diuisio facti vel iuris induceretur ad impediendam retrotractionem.* Quæ verba inducunt me, vt existimem iure Digestorum in nostris donationibus admissam non fuisse: quia in his nihil iuris versatur, l. 3. §. *sciendum hoc tit.* Sed merum factum, l. 1. §. *vir uxori de acquir. possess.* Sed in his, quæ facti sunt, non datur retrotractio, l. *ult. de negot. gestis.* Ergò neque in his donationibus.

6 Quæ sententià retentà, & præsupposità apparet, etiam post Orationem Seueri, quæ per tacitam voluntatem morte donatoris confirmauit donationes inter viuos coniugum, differentiam hanc summam inter eas, & donationes coniugum causâ mortis perspicere olim potuisse. Quòd donationes causâ mortis, quæ à traditione incipiebant, & dominium reuocabile transferrebant in donatarium, si postea morte confirmarentur, trahebantur retrò ad tempus, quo celebrabantur. Illæ verò donationes causâ mortis, quæ ad translationem dominij differebantur in tempus mortis, non retrotrahebantur, sed valere incipiebant ex tempore mortis: quibus per omnia similes factæ fuerunt per nostrum S. Consultum, simplices donationes, quæ tacita, & perseverante voluntate confirmabantur, cum non traherentur retrò, donec Iustinianus aliter sanxit, vt vidimus. Ex hac differentia retrotractionis, quam summam appellauimus, fluunt aliæ multæ speciales, de quibus subtilitèr egit, & professo, Ulpianus in l. *sed interim* §. *sed quod dicitur, usque ad finem hoc tit.* Quæ in præsentibus essent enarrandæ; abstinéo tamen, quia ab ipso Con-

salto disci possunt.

7 Indè sciscitanti, qua ratione Ulpianus, qui tantà curâ de expositione nostræ Orationis egit, per quam omnes coniugum donationes videntur redactæ ad naturam donationum causâ mortis, de illis etiam egerit ex professo *ind. l. 9. 11.* & alijs: facile respondebimus: quia etiam post Orationem nostram differentia aliqua mansit inter vtramque speciem donationis. In fructibus verò non consideramus differentiam: valet enim donatio fructuum inter virum, & uxorem, nisi maritus pauperior fiat, iuxta distinctionem supra traditam *cap. 5. num. 6.* Siue fundus donatus sit simpliciter, siue causâ mortis. Quod euincere nunc possum ex *l. de fructibus 17. hoc tit.* quam pendente, ut aiunt, titulo, ibi attigit. Desumitur ab Ulpiano *lib. 32. ad Sabinum*, in quo egit de donatione causâ mortis inter coniuges, ut in initio *cap. 8.* & sæpè notavi: citat Iulianum, qui tempora Orationis nostræ assequutus non fuit, cum vixerit sub Hadriano, & Antonino Pio: quare nunquam agit, de donatione confirmanda inter coniuges; nisi sub titulo de donatione causâ mortis, ut constat ex *l. idemque 4. iunctâ l. sed interim 1. §. 1. hoc tit.* Et nihilominus indistinctè agēs, imò ex mente Iuliani de donatione causâ mortis, docet, fructuum licitam esse donationem inter virum, & uxorem; quando donator pauperior non fit. Igitur, quia reuocata donatione causâ mortis inter coniuges, tantum repetuntur illi fructus naturales, qui extant; vel ex quibus mulier locupletior effecta fuit. Aliter atque si donatio causâ mortis inter extraneos fiat, & reuocetur: tunc enim fructus, accessiones, & causâ omnis cum re condicuntur, *l. cum quis 12. de condict. causa data, l. videamus 38. §. idemque de usuris.* Ut in tractatu de fructibus & *lib. 2. opuscul. dixi.* Quoad fructus ergò erit utilis retrotractio à Iustiniano inducta in donationibus à patribus in filios collatis, ut dixi in eodem loco tractatus.

status principalis.

CAP. X.

CAPVT X.

Donatio confirmata per S. C. quatenus comparetur cum donationibus causa mortis, & vltimis voluntatibus?

SIC concipio regulam generalem, quæ vobis, Sectatores optimi, memoria non excidat. *In omnibus, in quibus fieri posset fraus legibus testamentarijs, quæ heredi consulunt, vel fisco comparatur vltimis voluntatibus.* Falcidia consulit heredi, l. post 7 v. ad leg. Falcid. Ergò vt heres eam deducit de legatis, sic de donationibus tacta voluntate confirmatis, l. cum hic status 3 2. §. 1. hoc tit. l. in donationibus 12. C. ad leg. Falcid. ibi. Quando fideicommissi partibus funguntur, id est, quando ab initio non valuerunt, & morte confirmantur: nam quæ ab initio valent statim, non minuuntur Falcidiâ. Tantum fuerunt excepta nominatim in ipsa lege Falcidiâ, quæ vxoris causa emittit, parauit maritus: quæ siuè inter viuos donet, siuè in testamento relinquat, Falcidiæ non subiiciuntur. Hæc exceptio firmat regulam in cæteros casus. Vide Gentilem lib. 3. cap. 28. adde Molinam lib. 1. de primogen. cap. 12. num. 11. & 12. Gouean. in rub. ad leg. Falcid. num. vlt. Donell. lib. 8. comment. cap. 24. Sanchez lib. 6. de matrim. disput. 14. num. 4. Bened. Pinell. lib. 2. felectar. cap. 2. num. 8.

² Lex Papiæ de caducis consuluit Fisco Tacit. lib. 3. annal. Incitandis celibum pœnis, & augendo ærario, l. vnic. in princip. C. de caduc. tollend. certæ tantum partis capacitatem dedit vxoribus. Decimam quippè in honore matrimonij capere poterât, & totidem decimas pro numero filiorum, quos ex alio susceperût matrimonio, &c. quæ extât apud Vlpian. tit. 15. de decimis.

Si ergo maritus amplius donauerit vxori, quam licet ei relinquere in testamento, non confirmatur, nisi in quantum Papia lex patitur, cetera, vt caduca deferuntur fisco, l. 1. C. Theodos. de bonis proscriptor. l. 2. C. de dote cauta sic fortè intelligenda cum Scipione Gentili lib. 4. cap. 18. notauit signantèr Balduinus de lege Papia, pag. 102. Sic similiter speciali S. Consulto ad legem Papiam facto, cautū fuit, ne extraneis causa mortis plus liceret donare, quam per leges ex testamento capere possent, quod refertur in l. Senatus 35. de mort. causa donat. Vnde traducta fuit affirmatiua, & negatiua regula: qui potest capere ex testamento, potest capere ex mortis causa donatione: qui non potest capere ex illo, nec potest capere ex hac, l. in omnibus 9. eod. tit. qua de re dixi in tract. de mortis causa donationib. quæ hic repetenda non sunt. Ita caducariæ leges extensæ fuerunt primum ad fideicommissa, & donationes causa mortis, l. fideicommissum 78. de legat. 2. deinde ex identitate rationis ad simplices donationes inter virum, & vxorem morte confirmatas.

3 Ex hac doctrina lucem accipiunt quædam iuris antiqui vestigia, quæ breuiter indicabo, vt alius illustret amplius, & forsan oblectationis gratiâ plura obferuet. Terentius Clemens lib. 3. ad ll. Iul. & Papiam, in l. siue generalis 61. de iure dotium: docet curatorem pro puella, quæ nubit, non posse dotem promittere, quæ excedat vires patrimonij. Alexander Imperator illuc respiciens in l. nulla 4. C. de iure dotium. tradit nullâ lege prohibitum esse vniuersa bona in dotem dari à fœmina marito. Videnda quæ dixi, lib. 1. Opusculor. cap. 5. Hæc ideò, quia per contrarium prohibitum fuit supra modum legis Papiæ, vt maritus simpliciter, vel mortis causa donaret vxori. Rursus Vlpianus lib. 32. ad Sabin. in l. affectionis 5. de donation. vbi egit de mortis causa donationibus à coniuge in coniugem collatis: asseruit affectionis gratiâ honestæ, vel inhonestæ permitti donationes: veluti erga benemeretes amicos, & meretrices: vt

denotaret in vxores non posse fieri citrà metum legum caducariarum, quæ in concubinalis (multò minus in meretricibus) locum non habebant, *l. donationes 31. eod. tit.*

4 Maiori tamen cum curà hìc exponendum est aliud vestigium, quod extat in *l. si constante 25. hoc tit.* desumitur ex Terentio Clemente *lib. 5. ad ll. Iul. & Papiam.* Agit de vsucapione rei donatæ intèr viri m, & vxorem, cuius principia libaui supra *cap. 5. num. 6.* referuans ad hunc locum huius textus expositionem. Ordiamur à lege antecedenti. In ea Paulus agens de re aliena à sponso sponsæ donata, vel ab extraneo extraneæ, qui postea coierunt in matrimonium, simpliciter docet, vsucapi posse ab ea, quæ fuit postea vxor: quia habili tempore donatio celebrata fuit, produxitque verum titulum tam in veritate, quàm in opinione vxoris: nec adquisitio prohibita est intèr coniuges, sed donatio. Idem procedere ait, si donatio rei alienæ celebrata fuit constante matrimonio; sed postea diuortio bonà gratià intercedente confirmata fuit, *l. cum hic status 32. §. diuortio, hoc tit.* licet enim in initio vitium habuisset donatio, quod constante matrimonio celebrata fuit; amotū fuit vitium confirmatà donatione per diuortium. Vitium appellauit hìc Paulus opinionem, quàm mulier falsò putabat, rem viri esse, & per consequens esse inutilem donationem, moribusque prohibitam. Quia de re aliena à marito, vel sponsa vxori donata Paulum agere, necessarium est, vt demus terminos in vsucapione requisitos, vt vidit Accursius. Non tamèn decidit Paulus, quãdò constante matrimonio donatio celebrata fuit, ex quo tempore procedat vsucapio; an ex die celebratæ donationis, an ex die diuortij? Quare ex Terentio Clemente statim subiecitur expositio, & luculentior ampliatio huius rei. Supponit enim constante matrimonio rem alienam à marito vxori simpliciter fuisse donatam, quod supposuerat Paulus: nec supponit, fuisse diaor-

diuortio confirmatam donationem, quod supponebat Paulus; & sic latiore campum præbet disputationi: an constante matrimonio res aliena donata vsucapi possit? Non sunt hæc responsa contraria, vt videbantur cuidam viro docto, cum quo de illis conferebam: sed quod vnum non audet, & magis restrictè resoluit; aliud audentius præstat, & latiùs. Possum dicere; verum decidisse Paulum, verum Clementem: primum incæpisse; secundum prosequutum fuisse quæstionem.

5 Ratio dubitandi ingens erat apud Clementem, quam attigi, imò proposui *suprà d. cap. 5. num. 6.* per hoc dilemma. Vel vxor sciebat rem esse alienam, donationemque valere, quia non proficiscebatur ex rebus mariti; vel existimabat rem mariti esse. Neutrum horum dicas, procedit vsucapio. Ergò malè Terentius Clemens. Probat minor: quippè si sciebat rem alienam esse, incipiebat malè fide possidere; quod initium vsucapionem impedit, *l. is qui pro emptore 15. §. pen. de vsucap. l. qui fundum 7. §. qui bonà fide 4. pro emptore.* Si existimabat rem esse mariti, per cõsequens debuit existimare inutilem esse donationem. Quo in casu propria vxoris conscientia, quanvis res vsucapi secundum ius posset, efficieret, vt ipsa non posset vsucapere. Elegans text. *in l. si fur 32. §. 1. de vsucap.* Nihilominus respondet, cõfessim incipere vsucapere. Præbet rationem: *Nam ius constitutum, id est mores, ad eas donationes pertinet ex quibus locupletior mulier, & pauperior maritus in suis rebus fit.* Re verò alienà donatà maritus in suis rebus non fit pauperior. Ergò ius constitutum non reprobatur, non irritat donationem rei alienæ. Posito donationis valore, subijmitur verum, & validum intercessisse titulum pro donato: cum ergò ad valorem tituli, ex quo vsucapio oritur, plus spectetur veritas, quam opinio, *l. 2. §. si à pupillo 15. pro emptore,* vide, quæ dixi ad leg. *Scrib. & ceteras ex num. 37.* consequens est, vt currat vsucapio. Vsucapio enim iuris inuentio est, & iure regitur, *l. bonæ fidei 48.*

versic.

verse. per contrarium de acquir. rer. domin. donatio inter
 virum, & vxorem, quando non valet, propter iuris
 prohibitionem non valet. Et quauis apud nos incer-
 ta sit iuris dispositio, vt dubitemus, vel existimemus
 hic, & nunc, in hoc valere casu, & vigere: tamèn apud
 legem ipsam certum est, quando eius dispositio non mi-
 litat, licèt apud Nos incertum sit, *l. ventre preterito 84.*
vbi notatur de acquir. heredit. Mulier ergò rem donatam
 accipiens à marito, existimans, vt par est, mariti esse,
 non est positiuè in mala fide, quia voluntate domini
 possidet, & ex donatione, quam sperat confirmandã
 ex nostro S. Consulto. Ideò verò positiuè non est in
 bona fide, quia tali donationi ius constitutum resistit: nò
 ex laesa cōscientia, sed ex interdicto iuris. Pone cessare
 interdictionem, quæ cessat in re aliena donata: pone al-
 trinsecùs illasam vxoris cōscientiam: constitues planè
 positiuam in vxore bonam fidem, quæ vsucapionem
 producere possit. Nec instes, vxorem existimare se nò
 posse vsucapere rem sibi à marito donatam. Quia to-
 tum suppositum nego: mulier enim rem à marito do-
 natam, tanquam ipsius mariti accipiens, non cogitat
 de ea vsucapiendã, sed de acquirendo dominio per
 mortem mariti subsequenter. Ergò frustra ponimus
 in ea errorem circà vsucapionem rei. Præiuerunt,
 multa que me prædocuerunt Cujac. *lib. 18. obseruat. cap.*
15. & lib. 2. diffinit. Papin. in l. non videtur 83. de regul.
iur. Antonius Fab. *lib. 7. coniect. Cap. 13.* Scipio Genti-
 lis *lib. 2. Cap. 29.* D. Hieronym. de Oroz *lib. 4. de apici-*
bis iuris Civilis Cap. 6. num. 14. & 15. ad huius quæstio-
 nis enodationem: sed aliquid me de penu propria addi-
 disse, facile comperiet, qui mea cum illorum scriptis
 contulerit. Ex quibus sine vlla opera manet reiectus
 Schifordegherus, qui *lib. 2. ad Fabr. tract. 28.* summa
 verborum vinitur persuadere coniugem rem alienã
 ex coniugis donatione possidentem malæ fidei posses-
 sorem esse. Contrà quem, alijs licèt principijs, pug-

nauit Dominus D. Martinus de Larreategui *lib. 4. sele-*
ctar. cap. 9. ex num. 12. qui consulendus erit: *7. 12. 13. 14. 15.*
 Rem alienam à coniuge vsucapi posse, &
 statim incipere eius vsucapionem, adstruit Terentius
 Clemens exemplo donationis causa mortis rei alie-
 nae, siue in coniugem, siue in extraneum collata: Hu-
 ius cōparationis acumen non videtur assequutus Gen-
 tilis *ubi proxime*: Imò comparatio recte procedere non
 videtur. Nam donatio inter viuos rei alienae in con-
 iugem collata statim valet, statim dat titulum ad vsu-
 capionem; & coniux, qui vsucapit, impleto vsucapio-
 nis tempore sibi rem acquirit, nec donator post vsuca-
 pionem, rem condicere potest, qui antè vsucapionem
 non posset: donatio enim valida inter viuos, retractari
 non potest, *l. 1. de donationib. l. perfecta. 3. C. de donationib.*
que sub modo. At donatarius causa mortis, qui vsucapit
 rem alienam, reuocabilitè illam vsucapit, adeò vt si
 donatorem poeniteat, & reuocet donationem, recup-
 ret rem à donatario vsucaptam: quia causa vsucapien-
 di attemperatur translationi dominij: si res donata
 mortis causa, esset propria, per donationem transfer-
 retur dominium tantùm reuocabile; si est aliena, trans-
 fertur causa vsucapiendi non absolute, sed reuocabili-
 tè: vt maneat res donataris, si donatio morte confir-
 metur, vel regrediatur ad donatorem, si reuocata fue-
 rit. Quo in casu donatori prodest vsucapio, *l. Aristo 18.*
q. idem Aristo. 2. de donationib. l. si alienam 13. l. qui alienam
33. de mort. causa donat. Ergò nulla est inter vtrumque
 casum comparatio. Cui difficultati vt respondeam,
 obseruo sum nam cōparationis non versari in quali-
 tate dominij, quod in vtroque casu acquiritur: sed in
 opinione accipientis, contra cuius opinionem & que
 in vno, ac in altero casu procedit vsucapio. Traditur
 quippè ex donatione causa mortis res donatario do-
 minio tenus reuocabili, scit irreuocabilitè suam non
 futuram, nisi donator perseverans in eodem statu, &

voluntate decesserit: vsucapio vero modus est adquirendi irreuocabiliter dominium, l. 3. de vsucap. Vlpian. tit. 19. §. lege. Et nihilominus opinione illa, quam habet dominij reuocabilis, vsucapit. Sic mulier vsucapit opinione illa, quam ipsa habebat dominij in se translata tantum reuocabiliter, quia existimabat rem propria mariti esse, & per consequens inutilem de presenti donationem. Quid vero dicendum esset, si uxori maritus mortis causa rem alienam donauerit, eamque vsuceperit? Idem prorsus quod de extraneo diximus reuocata donatione: nempe maritum codicturum esse rem ab uxore vsucaptam. Quia titulus donationis causa mortis peraeque reuocabilis est inter virum, & uxorem, ac inter extraneos, vt supra diximus: nec valet magis, minusve, quia pauperior fiat maritus, vel locupletior. Donatio vero inter viuos a coniuge facta constante matrimonio valet irreuocabiliter, si donator in rebus suis pauperior non efficiatur. Ideo illa vsucapio ex genere donationis reuocabilis est, quantumvis rei alienae: haec vero irreuocabilis est, quia & donatio rei alienae irreuocabilis fuit. Confirmata vero donatione, quantumvis idem ius sit in extraneis, ac in coniungibus, centeo dicendum non pertinuisse ad legem Papiam extraneum calibem vel orbem, solidum capere ex hac donatione potuisse: item uxorem potuisse capere ultra decimam. Ratio est, quia licet ex occasione mariti capitur, qui donauit causa mortis, & cuius morte donatio confirmata fuit, tamen ex bonis eius nihil capitur: donator dedit causam vsucapionis, sed donatarius vsucepit, & facto suo adquisiuit, facit text. in l. si extraneus 44. hoc tit. Quod proculdubio docuerat Terentius Clemens in donatione causa mortis, & in simplici donatione inter coniuges morte confirmata: sed Compolitores decurtarunt, quia decimaria lex vna cum poenis coelibatus, & orbitatis pridem sublatae fuerant, l. 1. §. 2. C. de infirmis. poenis coelibat.

De lege Cornelia testamentaria, & consequenter de fictione postliminij quædam dicenda sunt, breuissimè tamen, quia *sub lib. 6. Opusculorum* de his fictionibus latius tractaui. Ponamus maritum donasse vxori rem simpliciter inter viuos, ab hostibus captum fuisse, & apud eos decessisse. Non potest mero iure asseuerari, donationem ex S. Consulto confirmatam fuisse. Ratio est plana. Quia captiuitate dissolutum fuit matrimonium, non morte, *l. 1. de diuort.* priusquam naturaliter decessisset maritus, matrimonium desijt esse. At donatio non aliter ex S. C. confirmatur, quam si morte matrimonium dissolutum fuit. Ergo &c. Ponamus vxorem donatariam ab hostibus captam fuisse, postea virum in Ciuitate decessisse; ipsamque ab hostibus fuisse post eius obitum reuersam. Neque hoc quidem casu potuit mero iure confirmari donatio: quia quo tempore maritus moritur, iam dissolutum fuerat matrimonium. Constantinus, qui *in d. l. res vxoris 24. C. hoc tit.* prouidit his, qui vltimo perimebantur supplicio, immemor tamen fuit captiuorum. Sed cum inter Prudentes hac de re variaretur, successit Iustiniani prouidentia, per quam in vtroque casu à me proposito, iussit vt confirmaretur donatio. Primo per legem Cornelia, quasi instanti captiuitatis decessisset donator: secundo per fictionem postliminij, quasi donatarius nunquam abfuisset à Ciuitate; quasi nulla captiuitas intercessisset; quasi naturali morte matrimonium fuisset dissolutum, neque per hostium seruitutem dissolueretur, *l. vlt. C. hoc tit.* In qua præclara extat ampliatio nostri Senatus Consulti. Non aduertit Scipio Gentil. *lib. 2. cap. 8.* hanc iuris strictam rationem; neque causam nouæ sanctionis; & mero iure confirmari donationem in vtroque casu existimauit; eo quod matrimonium captiuitate non dissoluatur, vt credit probari *ex l. vxores 6. de diuort.* Vnde concludit ita: matrimonium captiuitate non dissoluitur, sed per fictiones in suspensio-

retinetur: ergò, & donatio, quæ retinetur in suspensò, dum retinetur matrimonium, sequuntur morte donatoris cõfirmabitur per fictiones. Verum hoc principium per se corrumpit; videnda sunt, quæ dixi *lib. 6. Opusculor. cap. 10.* ubi Auctorem hunc nominatim reieci.

8. Obseruemus tamèn curiosè, antè Iustiniani constitutionem vnum fuisse casum, singularemque speciem, in qua captiuitate confirmabatur donatio ex S. C. quem ingeniosè proposuit Vlpianus in *l. cum hic status 32. §. si ambo 14. hoc tit.* & sub dubitanter decidit, metuens forètè aliorum contradictiones, ibi, *vt mea fere sententia.* Hic casus est, quando ambo ab hostibus simul capti fuerunt, donator, & donatarius: quia tunc assumptis pro veritate fictionibus, verum est non finitum fuisse matrimonium viuis coniugibus; quia quândocunq; decedant, videbuntur decessisse vno eodemque instanti captiuitatis; nec super vixisse donatarius; quare cõfirmabitur donatio. Paulus *lib. 5. sentent. tit. 23. §. 5.* Ergò inductà lege Cornelia, dicemus rectè morte simultaneà dissolutum fuisse matrimonium. Quæ fictio non prodesset, si vnus tantum fuisset captus: quia toto illo medio tempore, quod apud hostes degit, alter à matrimonio liberatus fuit non per suam, sed per coniugis captiuitatem. Quid verò dicemus si ex coniugibus concaptiuis donatarius redijt in Ciuitatè, donatore apud hostes defuncto? Ausus fuit Vlpianus vtramq; fictionem commiscere, respondereque donationem esse sustinendam: per hoc argumentum. Sufficit, si donatarius non prædecedat, & vt confirmetur donatio, sufficit legis Corneliae fictio. Sed plenior est fictio postuliniij, per quam a patet donatarium superuixisse. Ergo multò facilius in hac specie admitteremus confirmationem. Possset siue argui contra Vlpian. Coniux, qui redit ab hostibus, semper in Ciuitate mansisse creditur: sed si semper in Ciuitate mansisset, non possset cõfirmari donatio mortuo donatore apud hostes; quia

viuo donatario dissolutum fuit matrimonium: Ergo
 nec confirmatur reuerso donatario: Agnouit ipse diffi-
 cultatē, & nihilominus substitit in sententiā: quia ab-
 surdum esset, vt in proposita specie cōfirmaretur dona-
 tio, quia non prædecessit donatarius, si ambo apud ho-
 stes decessissent: & non cōfirmaretur, redeunte donata-
 rio, cum palam, & naturaliter superuiuat. Cuius opi-
 nionem Iustinianus absolutè confirmauit, etiam si am-
 bo simul ab hostibus capti non fuissent *in d. l. vlt. Que*
addenda sunt his, quæ dixi in tractatu de commorien-
tibus lib. 7. Opascutor.
 Accensetur etiam donationibus causa mor-
 tis, & vltimis voluntatibus simplex inter coniuges do-
 natio morte donatoris confirmata, in eo, quod reuo-
 cabilis sit in totum, vel pro parte, *d. l. 32. §. penitentia,*
 vt supra dixi. Valent ergo in ea hæ consequentiā. Do-
 natio hæc potest reuocari. Ergo potest modum, con-
 ditionem, & grauamen accipere ex voluntate donato-
 ris. Quia non est, dum viuit donator, perfecta, *l. per-*
fecta 3. C. de donat. que sub modo, à contrario sensu. Ergo
 poterit donator per fideicommissum rogare coniugē
 donatarium, vt rem donatam, vel partem eius alij re-
 stituat, *l. sequens: 68. de Legat. 2.* Si tamen verbis gene-
 ralibus vxorem roget, vt quidquid ei reliquit, quidquid
 ex eius bonis capit, liberis suis reddat, restituat: in hac
 generali voluntate, nō cōprehenduntur donata simpli-
 citer inter viuos, vt ibidē nos docet Paulus *in l. 1. §. vlt.*
Legis antecedentis. Non est ergo questio facultatis, sed
 voluntatis: potuit maritus vxoris fidei committere,
 vt restitueret accepta ex causā donationis inter viuos:
 sed non videtur voluisse eam granare per generalia illa
 verba, *quidquid ex bonis eius capit.* Sunt enim ambigua,
 & significant, quod capit ex testamento, codicillisve,
 & quod capit ex quacunque alia causā, aut titulo. No-
 luitque Paulus tam absolutè verba accipere, sed resti-
 tute ad causam testamenti, aut codicillorum. Præbet

rationem: quia illa bona inter viuos donata erant iam extra causam bonorū defuncti. De illis minime curauerat, quia licet donatio inutilis erat, tamen iam ex deliberata animi definitione diuiserat, & separauerat à bonis suis. Fateatur, voluntatem mariti constante matrimonio effectum non habuisse: sed voluntas quae effectui caret in dispositione, efficax est ad iudicium animi, *l. vlt. de reb. eorum. l. 1. de assignandis libert. vt dixi lib. 3. analecto de interd. & relegat. num. 78.* Ergò de bonis iam pridem per animi destinationem separatis à reliquo cumulo, de quo in testamento disposuit, non potest videri sensisse testator. Eo maxime, quia licet aliū heredem instituisset, nec meminisset vxoris, ex sola tacità voluntate ferret bona donata, confirmatà donatione per nostrum S. C. Ex hoc textu Veteres, & Pragmatici inferunt, per dationem hereditatis, non censeri reuocatam donationem causa mortis, vel inter vīrum & vxorem confirmandam morte: quia datio hereditatis, non est modus adimendi, quod pridem datum fuerat reuocabilitèr. Id est datio vnius rei non operatur alterius ademptionem, *l. legata in iurilitèr 14. de adimendis legat.* Videndi sunt latè, & cum multis Peregrinus de fideicommiss. art. 6. num. 1. Fontanella de pactis nupt. clausula 4. glossa 5. ex num. 30. Substineo, & adicio, nec directò, nec per obliquum censeri tales donationes reuocatas, vel ablatas mulieris; ideò nec in restitutione comprehendendi. Auctores relati suprà cap. antecedenti ex hoc eodem textu volebant fundare, donationē morte confirmatam retraheri ad tempus, quo celebrata fuit: sed ex eius intellectu apparet, non probare intentum.

10 Secunda regula sic concipienda est: *In his, quae spectant ad formam testamenti, vel vltimam voluntatē, non comparatur illis nostra donatio morte confirmata.* Est quippe actus inter viuos, qui nec pendet à testamento, nec ab aditione hereditatis: sed ratum à perseverantia in voluntate, vt Cap. 8. diximus. Ideo valet, quanuis

sine

sine vllō herede nec scripto, nec legitimo decedat donator, *l. 1. C. hoc tit.* cuius iam ibidem meminimus. In summa hæc donatio, vt ex supra disputatis apparet comparatur illi donationi causâ mortis, extra testamentum factâ, quæ ad trāslationem dominij differtur in tempus mortis. Inter quam, & testamentū multū distare, dixi *Cap. vlt. sect. vlt. tract. principalis*, nec libet omnes differentias hic inferere. Duas tamèn inter vtramque donationem expedit notare: prima est, donationem inter coniuges constante matrimonio factam, licet morte confirmetur, tamèn inter viuos fieri, & ob id insinuatione indigere, *l. donationes 25. C. hoc tit.* non verò donationes causâ mortis factas siuè inter coniuges, siue inter extraneos, vt ibidem dicitur. Secunda est, donationes causâ mortis requirere quinque ad minus testes, *l. vlt. C. de donat. causa mort.* quia codicillis, epistolis codicillaribus, & vltimis voluntatibus in hoc accensetur. Ex quo Cujac. Scipio Gentilis, & alij merito docent, non deberi extendi prædictam constitutionem ad donationes nostras, quæ per consequens regulatibus testimonijs contentæ sunt. Alias proponit Scipio Gentilis *lib. 3. Cap. 34.* de quibus parùm sollicitus sum: quia ex cerebro potius Auctorum nascuntur, quam ex iure, cuius interpretatio tantum mihi proposita est.

Notabo tamèn ex iure antiquo curiosam conuenientiam inter vtrumque genus donationis, per quam ambæ distant à legatis, & fideicommissis. Donatio inter virum & uxorem, item qualibet causâ mortis donatio, siuè in testamento facta siuè extra testamentum, (nam in testamento posse fieri, & tunc eius causam sequi, *ex l. 3. de legat. præstand.* recte docent Petrus Barbosa in *l. quædonis 34. solut. matrim. ex num. 114.* & Antonius Gomez 2. tomo *variar. Cap. 4. num. 17.* vbi Laynez) non aliter potest fieri, quam si in præsentem conferatur, vt cum plurimis docent præcitati. Quæ
est

est præcipua nota donationis causa mortis, per quam à legatis, & fideicommissis differt, *l. inter 38. de mortis causa donat. vt latius exposui, & fundati in prædicto tractata.* Itaque si per traditionem fiebat, statim res tradenda erat, *illico*, siue donatario, siue alij eius nomine, *d. l. 38. vbi Græci Interpretes ad lib. 47. Basilic. tit. 3.* Si verò inchoabatur à stipulatione, stipulabatur præsens donatarius à præsentem donatore, vt patet est: de qua stipulatione extat præclarum testimonium Antistij Labeonis nobilissimi I. Consulti, dignum vt in pandectas referretur, apud Sextum Festum Pompeium *in schedis Vrsinianis lit. M.* his verbis. *Mortis causa stipulatio existimatur fieri, vt ait Antistius Labeo, que ita fit, vt morte promissoris confirmetur: aut, vt quidam dixerunt, cuius mors causa fuit.* Donatio quoque inter virum, & vxorem perficiebatur traditione præsentem, vel stipulatione. De qua sequenti cap. edisseram. Effectus autem transferendi irreuocabiliter dominij est à morte testatoris, statim, sine vlla subsequuta traditione, si celebrata fuit stipulatio mortis causa in testamento, vel traditio in vita præcessit: nam in hoc donationem causa mortis comparari legatis, & si sola stipulatio præcesserit non traditio, docemur *in l. 2. de Publiciana in rem actione.* Idemque de donatione simplici constante matrimonio inter viuos celebrata, tradit ex S. Consulti sententia Vlpian. *in d. l. 32. §. 1. hoc tit.* dum docet ipso iure confirmari.

12 His positis, anceps quæstio est, in quo differant in ratione effectus huiusmodi donationes, maxime donationes causa mortis in testamento factæ, à legatis: nam si diuersa forma est, diuersus effectus debet esse: quia formæ sine necessitate multiplicandæ non sunt. Ratio differentiæ, quoad effectum elegans est, obseruata ab eruditissimo, & solertissimo Cujacio *tract. 2. ad African. in l. si filio 23. de*

mortis causa donat. nempe, ad omnes donationes morte confirmatas, inspicere tempus ipsum mortis, ut confirmentur, & irrevocabiliter valeant, translato statim, & irrevocabiliter adquisito dominio: quod vigente lege Papia de caducis maximi momenti effectus fuit. Legata enim, & fideicommissa non cedebant nisi post centum dies, apertis tabulis: quare si interim decedebat legatarius, vel fideicommissarius, utpote caduca fisco acquirebantur. Vlpian. in *regulis tit. 13. Iustin. in l. unie. C. de caducis tollend. & in l. unie. C. de his qui ante apertas tabulas.* Ergo tota illa intercapedo temporis, omnes illi centum dies dabantur fisco, ut locupletaretur, decedentibus interim legatariis, vel fideicommissariis. Quare providi testatores malebant donationes causa mortis in testamento, vel codicillis facere, ut sic statim, etiam ante apertas ipso iure donatariis acquirerentur, in eorumque transferrentur heredes, ut pro explicatione d. l. 2. de *Publiciana* vidit potius, quam docuit Osualdus ad *Donell. lib. 3. cap. 2. litt. B.* Quasi habent locum in donationibus factis in testamento, multo facilius debuerunt observari in factis extra testamentum, quae prorsus ab eius causa non pendent: & in donationibus factis inter virum, & uxorem, inter vivos, sola morte confirmatis independenter a testamento. Haec omnia subtiliter deduxit Cujacius ex l. in *mortis 22. de mort. causa donation.* ubi Africanus docet, ad capacitatem donatarii tempus mortis donatoris spectandum esse: quae sententia ex saeculo Africani, ut par est, accepta, denotat statim a morte praedictam donationem confirmari. Notemus ergo S. Consultum, de quo in l. *Senatus 35. de mort. causa donat.* Extendisse legem Papiam ad donationes causa mortis, & ad conjugales quantum ad personas spectat: non tamen quoad moram celsionis. Hic tamen effectus abolita lege Papia obliteratus fuit.

Alius,

Alius, quod effectum acquirendæ donationis seruo factæ proponitur à Paulo in *l. ult. eod. tit.* Quod eiusdem rationis est; & explicatur à Cujac. in *d.*

l. vnic. §. cum igitur versic. neque C. de caducis tollendis. Quapropter in eo amplius non immoror.

CAP. VLT.

Tantum ad rerum donationes S. C. spectare.

NEC tractatio hæc omitti potest; nec multum necessaria est, perlecto toto syntagmate: quæ enim hic dicenda sunt in superioribus dicta manent; idcirco in præfenti breuiter agemus, & solum per indicem. Regula est à Papiniâno proposita, ab Ulpiano in *l. Papinianus 23. hoc tit.* comprobata, orationem Seueri, & Antonini ad donationem rerum pertinere; ex qua consequentiam hanc deduxit: igitur non pertinet ad promissiones, quas coniux coniungi fecit per stipulationem. Vel hanc. Igitur si maritus promisit uxori constante matrimonio per stipulationem: quanvis perseuerans in eadem voluntate decesserit, uxor conuenire nõ poterit heredes mariti. Est quippe imperfecta liberalitas, quæ ad perfectionem requirit implementum, & traditionem. In quo distat ab acceptilatione, quæ perdonatio est, & in suo genere perfecta liberalitas, qua propter morte, & in eadem voluntate perseuerantia confirmatur, *l. cum hic status 3 2. §. siue autem, l. Vir uxori 54. hoc tit.* Dixi

in tract. princip. cap. 3. num. 5. & 6. Vnde rerum donatio-
 nes, & acceptilationes obligationem civilem in
 eo sensu dicuntur producere contra heredes dona-
 toris, vt fas illis nō sit, impugnare donationes factas
 à defuncto, & vt, quemadmodum res fiunt eius, cui
 donatę sunt, si S. C. donatio confirmetur, ita obliga-
 tio sit civilis ex parte heredum, vt ratas habeāt præ-
 dictas donationes in quantum lex Falcidia, vel cęte-
 re leges patiuntur *d. l. cum hic status 32. §. Ait oratio
 hoc tit. Dixi supra hoc tract. cap. 8. num. 1.* Qui effectus
 donationis rerum magis explicatur per contrarium
 effectum promissionis per S. C. non confirmatę.
 Acceptilationi similis est cautio facta à marito no-
 mine dotis, donationis causa; veluti si confiteatur,
 qui accepit centum, ducenta accepisse; hæc cautio
 similis est acceptilationi: quia, quemadmodum cre-
 ditor acceptum ferendo, quod sibi debetur, ipso iure
 liberat debitorem, & actum liberalitatis, statim per-
 fit: ita qui acceptum fert, plusquam recepit; non
 tam se obligat, quam confiteretur, se iam esse obliga-
 tum, & quasi quod sibi tradendum erat, vt tota obli-
 gatio completeretur, perdonat ex causa liberalitatis,
 quę in suo genere perfecta est, & per consequens
 S. C. confirmatur, *l. si quis uxori 59. hoc tit. l. 2. C. de
 dote cauta. non numerata.* Dixi supra *cap. 4. num. 14.* De
 promissione annui, quę per stipulationem olim ce-
 lebrabatur, nec poterat fieri per traditionem maior
 difficultas est apud Interpretes; vtrum S. C. confir-
 metur? Ecce enim constante matrimonio mulier
 annum exigere non potest, quia non tam donatio
 est, quam onerum compensatio, dum matrimoniū
 durat, Igitur constante matrimonio annui promissio
 non potest dici inutilis donatio, cum donatio nō
 sit. Si verò facta sit promissio inutilis, & donatio-
 nis causa, non in compensationem onerum matri-
 monii.

monij, neque ad communem familiam exhibendam, sed ad vxoris lucrum, vel annum promissum fit vberius, quàm communes obligationes exigunt, idest supra matrimonij onera: quidquid in familiam communem non expenditur, donatio est, siue promissio ex causa liberalitatis, & contra mores facta. Vtrum tamen indistinctè annui promissiones S. C. confirmentur vexata inter nostros Interpretes quaestio est. Nos amplectimur ad annui promissionem orationem Antonini pertinuisse. Alioquin annui promissio, quæ species donationis appellatur in l. quidam 22. de pact. dot. lib. nunquam substantiam donationis sortiretur, nisi S. C. confirmaretur. Quod per hoc dilemma conuincio. Si exegit, impenditque mulier vtiliter annum sibi promissum, nihil est, quod possit dici donatio, & per consequens quod indigeat confirmatione: Tunc igitur donatio erit, quando accepit, & in propriam familiam expendit; quo in casu promissio effectum, traditionis, & acceptionis sequuta fuit, nec mansit in puris terminis promissionis: Ideo, vt quaelibet perfecta liberalitas S. C. confirmatur. Si verò nondum dies venit, donec matrimonium dissolutum fuit bonà gratià, vel morte viri, in illud tempus excurrit promissio, quo nulla prohibitio intercedit. Igitur nullà est ratio, quare S. C. non confirmetur ante acta promissio. Hunc sensum prælliti Vlpiano in l. si stipulata 33. hoc tit. suprà cap. 5. num. 5. Nec aliquam difficultatem inuenio in hoc tractatu, quæ accuratiori investigatione indigeat. Si tamen longiorem disputationem desideretis de hac quaestione adeundi erunt præter laudatos numeros à me indicatis Ioanæs Corrauius lib. 5. Miscellan. cap. 1. Alexand. Trentacinqüus volum. 1. lib. 3. var. resolut. tit. de Donationib. resol. 6. Cardinal. Mantica de tacit.

tis, & ambiguis conuentionib. lib. 21. tit. 7. ex num.
 32. pater Sanchez lib. 6. de matrim. disput. 14. Vt la-
 bori nostro finem post exantlathum triennium im-
 ponamus ad Dei laudem, & intemeratæ Virginis
 MARIAE absque originali peccato in pri-
 mo animationis instanti
 conceptæ.

¶ **E I N I S.** ¶



ELEN-

ELENCHVS CAPIT: Lib. singul. de donat. inter, & simul totius libri synopsis.

CAP. I. DE RATIONE INTERDICTIONIS.

P *PRIMA* ratio: quia coniugales blanditiæ oppo-
nuntur libertati, quam liberalitas exigit, l. 1. hoc
tit. *Secunda*: ne amor coniugum fieret mercena-
rius, l. 2. hoc tit. *Tertia*, ne maritorum auaritia
manifestaretur. *Quarta* incidit, ne ab extraneis munera acci-
perent, l. Q. Mutius § 1. hoc tit. *Politica* alia, quam non
receperunt Romani, quasi præstaret, omnia bona esse commu-
nia. *Expositus*, & illustratus Plutarch. Problem. cap. 7.
Sunt rationes meæ ciuiles, & iustam reddunt prohibitionē;
& donationem per consequens iniustam ciuilitèr, sed non tur-
pem naturalitèr; vnde confirmari potest iuramento. *Ius Ci-
uile* sequutum fuit ius Canonicum, & Septem partitum.
Non verò antiquius Visigothorum, & fori Castellani. *Pro-
hibitio* apud Romanos antiquissima fuit: sed de tempore non
liquet. *Qui sint MAIORES?*

CAP. II. DONATIO TAN- TVM PROHIBETVR DV RANTE MATRIMONIO.

V *BI* matrimonium non constat, non est locus interdicio,
l. 3. §. 1. hoc tit. *Iure Christiano* palam est, à quo tem-
pore.

pore incipiat matrimonium: non sic iure Civili Romanorum.
 Secunda n. quod retinendum est, incipere interdictum, ex quo
 per verba de presenti praestitus est consensus. Cuius doctrine
 occasione Scaevola variè iudit, in l. Scia 66. hoc tit. que
 illustratur. Exponitur etiam, l. cum te 6. C. de donat.
 ante nupt. Unde seclusa fraude valet collata in sponsam de
 futuro, vel in extraneam, quam postea duxit, l. si Gauden-
 tius 6. C. de contrah. empt. Si virgini immaturæ ductæ
 in uxorem donatum sit, & matrimonium conuertatur in
 sponsalia, valet donatio: si non conuertatur, non valet; quia
 deficit finalis ratio donandi, l. cum hic status 32. §. si mi-
 nor. 27. hoc tit. Inde nec valet collata in uxorem putati-
 uam, in tantum, ut nec morte ex S. C. confirmetur, d. l. 32.
 §. si quis sponsam, l. 2. l. si ex voluntate 7. C. hoc tit.
 De donatis illiciti matrimonij nomine tres regulæ distincte
 proponuntur, sub quibus explicantur, l. ult. de condic-
 sine causa, l. Praefectus 63. de ritu nupt. l. ult. de le-
 gat. 1. l. 2. §. 1. l. Claudius 13. l. mulierem 14. de his,
 quæ ut indigni. l. vnic. unde vir ex vxor. l. qui con-
 trah. 4. C. de incestis nupt. l. ea quæ 5. C. de donat. ante
 nupt. l. tutor 7. C. de interd. matrim. l. si voluntate
 7. C. d. l. 32. §. pen. & ult. ff. hoc tit. Concubinis donare
 licuit, l. 3. §. 1. verf. Divus hoc tit. l. donationes 31.
 de donat. non verò verò militibus. FOCARIAE, l. 2. C.
 hoc tit. Non tamen fuit interdictum in testamento legare
 concubinis.

CAP. III. DE PERSONIS

AD QVAS, &c.

REGULA: quod prohibitum est donari patri, prohibi-
 tum est donari filio: idem & in seruo. Hæc regula per
 omnes casus discurret, l. 3. §. qui in eiusdem 22.
 cum seqq. l. 32. §. Oratio 16. cum seqq. hoc tit. *ubi*
 ratio

ratio potestatis non militat, non viget nostra interdictio. *Varie, multæque leges explicantur.*

CAP. IV. QUID NOMINE DONATIONIS INTELLIGATUR.

SERPIT fraus per simulationem contractuum, l. 3. §. sciendum hoc tit. *Venditionis: si viliori preciores vendatur: aliquando totaliter irritatur contractus; aliquando moderatur, l. si sponsus 5. §. circa venditionem 5. l. cum hic status 3 2. §. sed si minoris 26. hoc tit. Item per suppositionem venditoris, l. si non verum 1 3. l. si filij 1 6. l. creditor 20. C. hoc tit. PRIMIPILVS. Locationis, & depositi: differentia notatur inter utrumque contractum: in locatione vili mercede facta notatur differentia inter extraneos, & coniuges, l. item si precio 22. §. vlt. cum seqq. locati, l. vir uxori 5 2. hoc tit. Commodati, quando aestimatio pro re reddenda est, l. quod autem 7. §. si maritus, versic. nec aliud ff. l. etiam 6. C. hoc tit. Idem de aestimatione rerum dotalium, d. §. si maritus. Societatis, l. cum hic status 3 2. §. si inter 24. hoc tit.*

Per remissiones, perdonationes, & acceptilationes a peritior via est ad fraudem. Remissio seruitutis non subsistitur; & quomodo? d. l. si sponsus 5. §. donationis 6. Exceptionis, §. seq. Quando debitor delegatur uxori donationis causa, l. 3. §. vlt. l. 4. l. si quod mihi 5 6. hoc tit. Aliud est, si testatorẽ precibus adegerit, ut leger uxori, quod marito legare volebat, l. quod si vir 3 1. §. quod legaturus 7. hoc tit. cū l. qui id quod 3 3. §. si cum primus 3. de donat. Repudiatio hereditatis, vel legati, non deductio Falcidie non pertinet ad hoc interdictum, l. si spons. 5. §. si maritus 1 3. §. si quis rogatus 1 5. hoc tit. nec ad editum fraudatorium, l. quæ autem 6. & alijs, quæ in fraud. cred. Ad rationem tutelæ pertinet, l. magis puro 5. §. fundum 8. de reb. cor. Ratio differentia. Antedictum

soluere non est donatio interdicta in nostro titulo, l. sed si vir 31. §. quod vir 6. hoc tit. in illo edicto, secus. Ratio differentie. De renuntiatione lucrorum questio remissiuè tractata.

Confessio dotis non recepta donatio interdicta est, l. cum hic status §. si sponsus 22. hoc tit. l. quod sponsa 4. C. de donat. ante nupt. l. cum res 12. C. de iure dot. Explicatur l. 1. C. de donat. ante nupt. Confirmatur vero §. C. exponitur, l. 2. C. de dote cauta. Prematura restitutio dotis etiam interdicta est, l. vnic. C. si dos essent. matrim. l. pro onerib. 20. C. de iure dotium nouella 22. cap. 39. Explicatur largitèr l. dotale 15. de fundo dotali, Casus novus, in quo Iustin. permisit, ut dos constanter matrimonio posset minui, l. si constante 19. C. de donat. ante nupt.

CAR. V. DE PERMISSIS DONATIONIB.

INTER, &c.

RATIO interdicti: ne liberalior in paupertatem incideret, auarior fieret diuor, l. 3. hoc tit. Qua non est accipienda amare, sed tanquam inter coniunctos. Unde si donarius locupletior non fit, valet donatio. Si donator non sit pauperior per consequens valet, d. l. si sponsus 5. §. cum igitur, hoc tit. Valet sepulturae, aut dedicationis causa d. l. 5. §. concessa 8. cum seqq. in pupillo in fraudem creditorum non valet, l. in pupillo 47. §. 1. de solut. Ratio differentie. Valet etiam serui manumissionis causa. Remissiuè, l. quod autem 7. §. vxori 8. hoc tit. Et vnguentorum, d. l. 7. §. 1. vnguenta RES MORTVA. Vestimentorum donatio non valet, vsus tamen iuste donatus censetur, l. mulier 29. §. 1. cum ll. seq. hoc tit. De empris paratis vxoris causa tractatus remissiuus. De annui prætatione: que magis promissio est, quam datio, l. quedam 22. de pact. dotalib. Si fiat ad externam familiam alendam donatio est, l. sed si vir 31. §. vlt. hoc tit. non verò talis censetur, ad familiam communem, l. si id quod 28. §. vlt. h. t. Superflui censetur donatio; necessarij non item, l. ex annuo 15. hoc tit. Unde vxor tantum dispensatrix censetur viri: qui concessionem per hoc potest reuocare; non verò postquam

expendit. explicatur, l. sicut i i. h. t. Nec annuum per stipulationem promissum potest vxor petere, l. stipulata 33. hoc tit. l. quidam 24. de pact. dot. Donatio tamen hæc S. C. confirmatur: aliæ, quæ à promissione incipiunt, non confirmantur, l. Papin. 23. hoc tit. Ratio differentie. De annuo promisso ab vxore marito, d. l. 33. §. i. De fructibus plena inuestigatio: quos tenetur donatori restituere, quatenus donarius locupletior factus sit, l. fructus 8. C. h. t. De iure, & fide coniugis donatarij circa rem propriam, vel alienam, perseverante voluntate, & eà reuocata. Naturalium illicita, industrialium verò fructuum licita donatio est. Quare? Explicantur, l. de fructib. 17. h. tit. l. fructus 45. de vsur. Usurarum licita donatio est, l. ex annuo 15. §. i. hoc tit. Explicatur, l. quid ergo 16. h. t. Non tamen potest maritus eas indistinctè remittere, aut promittere vxori, l. si quis pro vxore 21. §. i. l. si id quod 28. §. vlt. h. t. Adquisita per seruum donatum sequuntur donatorem: regulariter, l. de fructib. 17. §. i. l. si seruus 20. h. tit. l. per seruum 57. de acquir. rer. dom. l. mortis 40. de mort. causa donat. Quod verò ex operis adquisitum, ad donatariū pertinet, l. si vir 18. l. si id quod 28. §. si quas 2. l. sed si vir 31. §. i. h. t. Donatio ad vecturam permessa est, l. si quis pro vxore 21. h. t. Explicatur, l. inter 26. §. conuenit 3. de pact. dot. De donatione reciproca disputatur, ex iure rescripti Adriani, & Antonini. Explicantur, l. quod autē 7. §. si vir 2. l. si quis pro vxore 21. §. i. l. 32. §. quod ait oratio 9. l. vxor marito 55. l. vlt. h. t. Exily causa, siue vt coniux sese in exilio tueatur, valet donatio, l. inter 43. h. t. alià est donatio, quæ fit ab eo, qui postea passus fuit deportationem, de qua inferit̃ s. Dignitatis item consequendæ causa valet, l. si proprijs 21. C. l. nam & 41. l. nuper 42. ff. h. t. Vlpian. in frag. tit. 7. LATVS CLAVVS: quatenus dignitati supplendæ opus est, l. quod adipiscendæ 40. Sed cur in hac specie rescripta necessaria fuerunt? Donn consueta non continent illicitam donationē. Valent etiam in casum diuortij bonà gratia facti, l. 32. §. si diuortium 10. hoc tit. Vlp. d. l. 7. Conditiones sub quibus valeant tales donationes, d. l. 32. §. quod si diuortium 12. l. si

non secundum 35. hoc tit. *Exempla diuortij bona gra-
tia facti, l. vitricus 60. cum seq. hoc tit. Item incendij
caussa ad necessariam refectionem, l. quod si vir 14. hoc
tit. Donatio Imperatoris, & Augustae constante matrimonio
valet. Explicatur, l. donationes, quas Divus 26. C. hoc
tit. Quo in sensu dicatur, Princeps legibus solutus?*

CAP. VI. QVIS CENSEATUR LOCUPLETIOR FACTVS?

R *È ab uxore empti, & precio de pecunia viri soluto, in-
toro precio censeatur locupletior: si verò pecuniam ac-
cepit, & inde rem comparauit; quatenus lucraretur,
l. quod autem 7. §. si uxor 7. l. si cum mulier 50. hoc
tit. l. multum 6. C. si quis alteri vel libi. Explicatur,
l. uxor 55. hoc tit. Si maritus uxori procuratorio nomine
rem emit, dominium uxori adquiritur, & circa pecuniam,
vel id, quo l. ex pecunia superest; versatur condictio, aut utri-
us vindicatio, l. & si de tua 9. C. hoc tit. l. diuortio 35.
de negot. gest. Excurrit hæc utilitas etiam ad secundum
corpus ex pecunia donatoris comparatum, l. si mulier 29.
hoc tit. Differentia inter hanc interdictionem, & alias. Lu-
crum verò consideratur, quod ex re prouenit, non quod ex
donatarij industria. Exemplum in l. si id quod 28. §. si ex
decem hoc tit. in quo ab alijs iuris articulis differentia
etiã consideratur. Explicatur l. ea quæ 58. hoc tit. Quan-
do inquirimus, an donatarius locupletior effectus sit; inspi-
cimus tempus litis contestate, si donator agit condictione: si
verò agit utili vindicatione, inspicimus tempus rei iudica-
te, l. quod autem 7. l. si mulier 50. hoc tit.*

CAP. VII. QVIS CENSEA- TUR PAUPERIOR?

R *EGVLA: pauperior fit, qui propter donationem
diminuit de patrimonio, quod ante habebat. De fru-
ctibus:*

Etibus de usuris, de lucro aduentitio remissiuè dictum.
 Quoad possessionem ipsam donatio non valet. l. nec ullam
 13. §. 1. de petit. hered. l. inter 46. hoc tit. naturalitè
 tamen possidet, l. 1. §. vir, de acquir. poss. l. 1. §. de iurci-
 tur 9. de vi, & vi armat. Agitur iterum de usucapione.
 Vide in cap. 10. Multo minus valet, quoad dominium:
 nec tollitur conditio per legatum datum, nisi animo com-
 pensandi relictum sit. l. quæ iam nuptæ 48. hoc tit. Quod
 tempore mortis donatarij extat, vindicatur, licet ab herede
 consumptum sit, l. quod de bonis 15. §. ex donationib.
 ad leg. Falcid. si donatarius corruperit, lege Aquilia tene-
 tur: qualiter l. si servus 27. §. si cū maritus 30. ad leg.
 Aquil. l. si mulier 37. hoc tit. l. 2. C. rer. amot. De ac-
 ceptilatione. De tigno iniuncto: notatur differentia inter edi-
 ficationem, & specificationem, ad explicationem, l. si mulier
 29. §. 1. cum illa leg. l. si de eo 63. hoc tit. Mulier, quæ
 specificat ante revocationem voluntatis viri, facit speciem
 suam: qui verò specificat contra domini voluntatem inficit
 materiam vitio fortuitatis, l. sequitur 4. §. lana 19. cum
 seq. de usucap. Mulier, quæ in area donata proprijs expen-
 sis ædificat, retinet expensas doli exceptione opposita, l. sed
 si vir 31. §. si vir 2. hoc tit. l. cum vir 10. de doli ex-
 ceptione. Vir, qui dieteram construxit in domo uxoris, po-
 test tollere, modo faciat sine dispendio ædificij, l. Marcellus
 45. hoc tit. l. Senatus 43. §. 1. de legat. 1.

CAP. VIII. AD ORAT. SE- VERI, ET ANTON.

OECONOMIA librorum Ulpiani, qui pertinent ad
 ad nostrum tractatum. Summa constitutionis Antonini.
 Cuius Sanctio cum Ulpiano incipit explicari. Mors
 donatoris ipsius explicatur. Non ita in morte donatarij. De
 revocatione donationis per penitentiam, & de ambigua vo-

luntate. De supervivente donatore; donatario premoriente; & commorientibus. Differentia inter donationes, & dispositiones testamentarias. De constitutione Constantini relata in l. res uxoris 24. C. hoc tit. quae extensio nostri S. Consulti. Pertinet ad eas donationes, quae ante commissum crimen factae fuerunt; mortuo, vel in servitatem detruso posse à marito: non vero ad eum, qui se vendidit: neque ad eum, qui sibi mortem conscivit: neque ad eum, cuius memoria damnata fuit. Tangitur, l. post contractum 15. de donat. Differentia inter donationem causa mortis, & inter vivos, l. si quis 7. de mort. causa don. Et inter ipsa crimina capitalia. Constantinus fecit donationes inter virum morte confirmandas, similes donationibus inter vivos. De essentia donationis causa mortis, ad l. ubi ita donatur 27. de donat. Valer. valuitque olim inter coniuges: licet deportatus fuisset maritus, l. 13. §. 1. hoc tit. In toto cap. agitur de l. cum hic status 32. hoc tit.

CAP. IX. QUATENUS DISTINGUITUR DONATIO S. C. CONFIRMATA A DONATIONE CAUSSA MORTIS?

DONATIO inutilis olim confirmanda erat testamento: post S. C. sufficit perseverantia in eadem voluntate: si legatum sit, quod fuerat donatum, receditur à prioris titulo, ex causaque legati res capitur, l. si quando 109. delegat. 1. Si in testamento declaravit testator tantum se velle, ut res donata maneat, retinetur vetus donationis causa, l. ex verbis 14. hoc tit. Donatio confirmata per S. C. non retrahatur iure veteri: Iustinianus induxit retractionem. Expendi-

ditur, l. 32. §. 1. hoc tit. & l. si mortis 40. de mort. causa donation. Donatio, quæ confirmatur testamento non retrahitur. Explicatur, l. cum pater 77. §. pater filia 17. de legat. 2. Noua circa retractione Iustiani prudentia, de qua in l. donationes 25. C. hoc tit. Quibus donationibus causa mortis comparata sit donatio, quæ per S. C. confirmatur? Explicatur, l. de fructibus 17. hoc tit.

CAP. X. DONATIO CONFIRMATA S. C. QUATENUS COMPARATUR CVM VLTIMIS VOLUNTATIBVS.

VBI fraus legibus testamentarijs potest fieri comparatur vltimis voluntatibus. Ut in lege Falcidia. Exceptio de emptis paratis, l. si vsusfructus 81. §. 1. ad leg. Falcid. In lege Papia de caducis, l. 1. C. Theodos. de bonis proscriptor. l. 2. C. de dote cautâ non numerata, l. cui pectine tanguntur, l. siue generalis 61. de iure dotium, l. affectionis 5. de donationibus. Differentia quoad vsucaptionem rei alienæ donatæ inter donationem causa mortis, & donationem inter coniuges testamento confirmatam. Exponitur, l. si constante 25. hoc tit. Ante constitutionem Iustiniani, quæ extat in l. vlt. C. hoc tit. donatio neque lege Cornelia, neque postliminij fictione substinebatur: nisi quo casu vterque ab hostibus simul captus esset, ibique ambo decessissent, vel redierit donatarius, l. 32. §. si ambo 14. hoc tit. Donatio, dum speratur mors, est reuocabilis: potest modum, seu modificationem recipere: & onus fideicommissi: l. sequens 68. de legat. 2. In his, quæ spectant ad formam donatio confirmata non comparatur vltimis voluntatibus, l. 1. C. hoc tit.

Indi.

Indiget insinuatione iure etiam nouo: non tamèn quinque te-
 sibus. Donationes causa mortis, item confirmata S. C. in
 presentem conferbantur; vel promittebatur presenti, l. in-
 ter 38. de mort. causa donat. Et sola precedente stipu-
 latione statim à morte transferèbat ur dominium, l. 2. de Pu-
 bliciana. In illis expectàbatur ad capacitatem dies mortis
 donatoris, non apertur etabularum, l. in mortis 22. de
 mort. causa donat. Alius effectus remissiuè expostus, ex
 l. ult. cod. tit.

CAP. VLT.

AD l. Papinianus 23. l. si stipulata 33. hoc tit.
 Constitutio Seueri non pertinet ad promissiones. Ra-
 tio, & cur pertineat ad acceptilationes? l. cum
 hic status 32. §. siuè autem 21. hoc tit. Acceptilationi simi-
 lis est confessio dotis non recepte, l. si quis uxori 59. hoc
 tit. l. 2. C. de dote cauta non num. Promissio annui cur
 confirmetur Senatus Consulta?



zi al tribunale di quello per farli ritenere ragioni. Il
do pur Cōsolo domo i Liguri & i Gantisci, et di loro triō-
fo, essendo Censore fece fare & lestricare la strada Emi-
lia, & il pōte Miluio, & fu di tanta authorità che egli so-
lo col suo consiglio hebbe forza di muouere Opimio cōtro
à Gracco, & Mario contro à Glaucia & contro à Satur-
nino. Il medesimo comandò al suo figliuolo che non gli ca-
pitasse in nanzi, per che egli haueua abbandonato la guar-
dia, il quale figliuolo per quel dishonore da se stesso si
ammazzò, il detto Scauro essendo Vecchio et accusandolo
Vario Tribuno della Plebe, con dire, che egli haueua solle-
nati

maximo conegit & eo ius. unum causa li pop...
cui testa per scherno fù da un certo Rabirio Senatore por-
tata a torto ad uno conuito.

Di Lucio Lucullo. C A P. L X X I I I I.

LUCIO Lucullo nobile litterato & ricco essendo
questore fece un bellissimo apparecchio & dona-
tuo al Popolo, a presso per opera di Murena fe-
ce amica l'armata di Mirridate in Asia, & Tolommeo
Re d' Alexandria à Silla Consolo, essendo Pretore gouer-
nol' Affri-